



寶某里詩車



道充三十丰庚戌
琴於嘉興縣齋

續梅里詩輯目錄

卷一

李陳常

朱桂孫

李宗淮

李宗信

李宗智

王澄

李鶴齡

馮在鑄

馮汝洽

卷二

李稻塋

錢臨

徐士龍

李淦

楊益

屠傅桿

陳黃鍾

周秋光

馮時桂

郭鵬

郭鶴

郭鳳

崔振

張鎰

李萸房

馮樽

陳襄

馮炎

卷三

續梅里詩輯目錄

李集

金蓉

王肇基

李蘭

李雋

卷四

許燦

卷五

楊謙

金標

薛廷文

馮光熊

朱賜書

朱昌淳

李心祖

朱休承

朱休奕

朱休萊

李心祖

尤深

李三才

楊志梁

金稼田

卷六

王倬

張大德

沈士模

鍾鼎

沈世德

沈世昌

馮克肇

李國華

李清華 李 灝 李日華 李德華
尤 桐 錢本瑜 周槐卿 孔繼麟

卷七

李超孫 王炳虎 馮元曦 李富孫

馮光曦 金 蓀 王啟曾 李 鏗

朱 賢 金 莢 金 易 金 綸

金 璋 金鏗華 李觀國 鄭 柏

戴熾昌 何 炳 姜 潮

卷八

沈 琪 丁子復 楊 蟠 李遇孫

王 徵 李 穀 沈學詩 李 瑩

李 疇 尤晉藩 李 湄 蔣次雲

續梅里詩輯 目錄

沈學易 張郁周 李鳳孫 陳光劍

卷九

張昌衢 李貽德 張之棟 張之梁

楊 虬 朱墨林 范玉樞 李伯猷

馮印庚 吳 恒 丁 芸 毛 琳

徐 蓮 蔣世英 金爾梅 胡永成

王 勳 胡 玉 張 榮 張 鉅

卷十

馮登府 馬 洵 屠雲堯 周鳴盛

沈道甯 張汝偉 史大勳 李啟孫

丁慶霄

卷十一

汪 澍

李文賁

姚駕鰲

許紹曾

沈 雷

胡咸臨

沈道腴

沈榮吉

李錫麒

馮 魯

卷十二

徐 範

以下李 蟠

徐玉如

吳 筠

李 畹

李蕙草

李瑞草

李 嘉

李 寶

汪 玳

沈玉筠

任夢檀

陳受之

通 復

以下智 舷

乾 一

續梅里詩輯

目錄

續梅里詩輯卷第一

里人沈愛蓮遠香編

李陳常

陳常字時夏一字嶧山又號晴峯學博明齋子康熙

癸未進士官至兩淮鹽運使擢巡鹽御史

遠香詩話 離院官刑部時內府賈人控涿民借帑運
千三百人力爭不得閱數月內府司積案纍纍逮繫
遍直省大河寇專以相委人內府審誣法不撓省
釋寃民萬計官鹽政潔已惠商與張鵬翻趙申喬張
伯行稱十廉弟琇字補山歲貢生授蕭山訓導遷經
雲教諭詩多傑作補山子宣字景濂諸生亦以詩稱
俱能行其家學
朱緒曾按晴峯集失傳阮文達公刻齋軒錄竟未獲
采曾孫介石徵君得其康熙戊子壽竹垞太史執扇
詩三章裝潢成冊道光庚戌徵君子文杏出以見示
因卽錄入

康熙戊子長夏京邸寄祝竹翁朱太史八秩

續梅里詩輯

卷一

一

天子文章更錫齡奎垣躔入老人星香山已冠耆英社柱史
還窺道德經健筆百年摹篆籀雄詞四海乞碑銘鈞璜重為
蒼生起好杖青藜步 內廷

喜聯桑梓仰松楠問字楊雄接笑談詩驚風騷凌屈宋學搜
官禮備郊聘星猶拱極仍依北針為迷途愛指南廷尉門從
羅雀冷山中教授勝朝參

歡尋謝傅登山屐雅傲陶公漉酒巾讀史人推千古眼開門
天護百年身蓬萊註得長生籍桃李栽成不斷春寄祝一觴
申緩約他年歸待五湖濱

朱桂孫

桂孫原名桐孫字楫師號崑客太史彝尊孫上舍昆

田長子監生

詩話上舍少承祖訓濡染極深工書正近率更畫仿
雲林小景頗有逸致遺詩久佚近從其從孫西翰名
聲池得美唐諸作天衣無縫足以嗣響蕃錦以下敬
齋憶亭梅匡抱山諸君代有述作皆無專集行世西
翰並於故紙中搜得之詩人有後其精采自不能掩
也
孫融按楫師子香溪名振祖已列前集許選中尚師
詩係許選所未采

過友新居集唐

幽人棲息處 李中 繞屋徧桑麻 許渾 燕語曾來客 司空圖 鶯啼

過落花 王維 含毫凝逸思 錢起 出火煮新茶 李白 莫怪添杯

飲 白居易 春歸景未賒 張錫

癸未初夏送張子省親中州

手裏一杯滿 白居易 相看惜去留 王駱賓 亂雲低薄暮 杜甫 江鳥

繞汀洲 劉璐 別緒常牽夢 李遠 推君最上流 羅隱 津亭秋夜

月 王勃 應念倚門愁 李嘉祐

續梅里詩輯 卷一

重九夜集成擇堂小飲

愛君茅屋下 李商隱 風雨亦來過 杜甫 踏草霜花發 張九齡 秋聲

候雁多 權得 性情甘澹泊 陳陶 容鬢各蹉跎 李端 把酒思閒

事 白居易 垂綸意若何 無名氏

冬夜書懷兼憶里中遠游諸子

索莫襟懷酒半醒 韓偓 夜深無語獨含情 戴倫 不知客貌潛

消落 皇甫曙 只合烟蘿寄此生 李羣玉 三徑荒蕪羞對客 皇甫十

年身世各如萍 章莊 閒吟四壁堪搔首 薛能 欲化西園蝶未

成 張泌

新秋書懷

夏閒居門不開 韓偓 一聲蟬送早秋來 李中 看花臨水小

便試花前飲冷杯 白居易

中宵多夢晝多眠李鄴細草侵階亂碧蘚無名氏多謝故交憐
樸野伍喬莫教華髮獨潛然黃滔

疊新秋書懷韻

十年塵眼未曾開羅隱幾月郵書始一來韓偓自笑無成今
老大薛能不如且進掌中杯白居易

孤負南窗一枕眠杜牧紅荷碧篠色相鮮儲光須知此狀真
難得溫庭筠故去新來感自然劉兼

再疊新秋書懷韻謝觀權

蓬門今始為君開杜甫三徑曾無車馬來朱灣莫問野人生

計事李九齡陶然共醉菊花杯崔曙

月過花西尚未眠陸龜蒙素房含露玉冠鮮白居易預愁別後相

思處李中握手相看各黯然黃滔

續梅里詩輯 卷一

李宗淮

宗淮字桐源號墨巢又自號小陸岫分巡蒼梧道我

郊子有小陸岫詩彙

香止詩語族祖結節不羈兀窮以老於詩揮灑騰輝
不事雕鏤澹而柔清而壯平生酷嗜空同子故以
陸岫自號篇什甚富後客維揚黃水灌城稿為河伯
所攫深自痛惋詩格畧與王介人先生相似其遭遇
亦無不同今存者什之三惜無如竹垞諸公為之論
定以廣其傳也
緒曾按李香止所續自墨巢以下止十六家未分時
代先後今沈遠香重為編輯此十六家題香止詩話
以別之
瀛按墨巢有淮上破水災後依袁浦慈雲寺詩不作
乘龍遁耶同佈鶴樓云云殆卽客維揚失去稿本時
也

獅子林

吾聞獅子林乃是苾芻室經營至正年清幽世無匹北郭十
坊入道意競吟筆餘興生烟霞點染畫圖出至今什襲家待

論百盜惜余經吳閫子影逐鳴鳧往來迫行程倉忙如郵
屏坐使祇陀園欲遊未能必人間聚聽姑那有歡娛日如何
但吟詩仰天獨搖膝

余作古今體詩并雜文共五百篇貯之行篋甲午秋黃
河決灌淮城稿被漂沒思之悵然漫成五十二韻

踉蹌覓衣食身勢何速適往返瓜步城瞬息三十年但堆硯
上墨不見囊中錢平生寡嗜好惟摩吟哦箋東塗復西抹譬
彼業漁佃芟薙六焚稿餘帙猶半千句雖不驚人要勿乖自
然三唐及兩宋百家恒披研雜文共詞賦抽思亦涓涓取喻
各不掩措精良已專丹黃標次第甲乙分後先錄成五百頁
聊以伴青氈以之紀旅迹歲月朗在編謾謾風吹松琅琅月
印川稍可解岑寂遑敢思流傳一自河衝隄倏盜淮城孺波

續梅里詩輯

卷一

四

濤恣汎濫澎湃相洄漩三城十萬戶淒淒魚遊釜男婦相驚
竄嬰姪亦喧填紛紛螻蟻集纍纍蟻蝨連漂流失箱篋縱橫
墜篋甌荒漭雜坐臥高阜爭踞踰老夫久旅食僻寄珠湖邊
黃流忽湯湯倏爲井底竭倉惶扶斜楸錯愕環深淵終宵迄
朝熾浸潤過羸肩迷亂奪寒魄恍惚歸黃泉悽心飽魚腹頤
影憐茅椽詎意黃頭郎一葦隨波沿疾呼無緩聲扶掖塘西
偏賈勇聳肢體勉力同飛翮入坎忽出坎心已幸萬全寥寥
顛行李百無有一馮子身步長隄踽踽空盤旋腹餒不得食
馮形歎拘攣逐隊趁丐夫苦覺芒屨穿晨依古祠立暮就淨
土眠吾生性崎嶇處世多變遷既無阿堵物復鮮負郭田擔
別鄉里肆志烹肥鮮演漾野店雨繚繞埃亭烟勞勞事跋
涉役役徒胼胼回首馳駒隙接踵過市廛鹽車困短輓不進

九方野眉曉露椰揄結驕語在咽藉茲不律毫稍攄迴勝
胡期隨逝波際若遭酷鞞歸來坐老屋疲憊同吳綿稚桑塵
雞柵頽壁垂蝸涎酸壘佐脫粟到眼增煩悵馬齒逾周甲枯
荷挺秋孱臨風強搜句其噪直寒蟬

近年齒漸脫落不能齧堅物凄然有作

人生天地間怡情賴口腹山海羅珍肴俊味極水陸方法檢
食經調和須濃郁據案日朶頤噬盍歸養育尙論濟生功於
齒宜首錄吾年五十餘齒牙猶雄獨啖蔗效虎頭佳境味久
熟每當發興狂入市買盈束大嚼流甘漿若然聲剖竹蟹肥
逢深秋持螯不厭續奈何年漸衰齟齬苦頽禿竟類駱駝齧
不能近燥菽邇來更愴悽往往畏肺肉吾生早飢驅東西若
轉軸役役過埃亭勞勞跋膝谷幾曾得安栖惟風櫛雨沐自
續梅里詩輯

卷一

五

從卅年來筋力久銷縮橐無半鎰金禿管但盈麓腸肚絕肥
鮮不異枯溝瀆酸壘成羹湯蠹米作糜粥縱有獷豕牙將何
忤阻斷蕭然動哀鳴隨意空不子曳杖立柴門夕陽漾柳綠
何處一村童抱書出鄉塾

蘆花履

吾性當嚴冬冰雪怯寒峭朔風一以來萬籟各鳴竅短褐嗟
懸鶉沁膚欲狂狂行步苦拘攣意態失排稟習踰比蠶蟲僵
臥類筌罩踵趾盡皸疥安得語騰踔炊烟尚屢絕那想紅爐
耀淡粥伴酸壘列几慵歌獻破榻獨跣跌彷彿參禪道或謂
蘆花鞋護寒有殊效一編試擁腳舒和良稱妙因思天地間
其理何廣浩卽此微賤材意想詎能料聊以墊腳跟那嫌擁
履貌滿冊一室中南窗姑寄傲鄰姬偶微窺忽致掩口笑門

前老樹枝俄聞芻尼噪不速三人來提壺乃相勞爲言今雖
貧頗喜文筆進佇看賦長楊螭階見舞蹈

論詩

詩以據性靈天籟偶觸發務須得自然疾徐聲赴節甯免雕
鏤工要歸庸庸截闕關出陰陽窺銳多筋骨渾融繩墨痕委
蛇志波後網羅典籍富取材恒不竭餽飭姑免貪意勝詞乃
揭漢魏暨六朝縈紆溯曲折三唐兩宋間攜掖亦案列呶咀
無倦容搜剔入細髮汎濫百家篇譬諸望溟渤又若挹翠微
峯嶺互突兀鴻濛盪胸懷腴理顯勃窣循途出手眼課虛露
與窟遴掄咬精華洒脫去羈紲食飲隨所甘鼎鑪恣快鬻性
或抱癖嗜何憚立意決首歌與羊棗古人任口悅吾生命不
辰兩臂天刑罰帖括謝場屋韻聲聊抽繹沉雄兼博大小陵

續梅里詩輯

卷一

六

乃圭臬排莽字軒昂昌黎何振擊平生性所耽強欲事搏捭
雖未見藩籬翹首仰止切憾斯筆力孱弱迹媿顛蹶昭代僂
朱王竹垞朔南聳青樾澈澄與豐腴飛聲各超絕俯首拈瓣
香私淑肺肝熟猗猗范萊陽炊烟不黔突擔登遊殊鄉鬚眉
已成雪茲復界高甌桐珪漸如刷率爾拈散卓片詞作小偈
南園瓔珞柏歌

何年虬髯青銅枝輪囷兀傲植于斯垂龍奔逃失左耳拏攫
天矯揚鬣需鴻濛亭毒抑何古矗立有此蒼茫姿緇童稚
卽見此今已鉛背成霜髭摩挲掌諦視尙如昔眞宰蟠結驚淋
漓瓔珞之名偶想像豈須較論同愁癡泰嶽喬松不得見淮
南叢桂名空垂何若逍遙時對此風簷寄目神亦怡吾生不
辰久貧賤擔囊旅食東西馳芒屨重繭踏硯礫勉強揖讓羞

韋脂養鞭娥杵何飄警鎮首彈鍊頻嗟咨每思蒲編逐魔陸
剝啄往返童攜紙華門酒肉那容易幾見顛倒白接羅悲哉
甲午黃河決淮城雁戶成螺螄幾使羸軀入魚腹漂流行篋
無織遺跟踰赤腳歸故里轉眼五見開茶糜三椽破屋鞠茂
草蝸涎漬壁愁傾歎探手不滿一囊粟春雷暗笑鳴肝脾茅
山道士昨寄語邀吾蹙蹙登屣屣婢闔石扇有妙訣渴飲沉
漈飢茹枝人生本如噉站樂徒使精爍形骸疲龜毛兔角蝦
蟄尾相伴螳臂無不宜吾將移柏置礪谷黃茅結屋相棲遲
柏兮柏兮爾莫啞混茫春解吾心知

壽州別駕朱蒙溪謝世已十年矣見其遺蹟瀟灑絕倫
觸眼凄然率筆以賦

國朝雲間畫山水第一儂指數獅峯

沈宗敬

蔚然深秀看不置

續梅里詩輯

卷一

七

董文敏後翹南宗蒙溪朱君能嗣法解衣盤礴超凡蹤三昧
手熟埽窠臼筆墨瀟灑由心胸礪溪叢木有意趣吮毫獨見
烟雲濃吾昔淮南苦旅食一肩行李徒躑躅荊州平生未相
識乃先投刺施權容後來花月頻聚首戴笠不厭時過從吟
成佳句必袖示格調唐宋兼陶鎔日事吟哦寄幽興偏師指
顧誰能攻對墨吾先苦孱弱曳戈三舍避銳鋒酒徒往往招
大戶兇觥綠蟻浮重重深宵剪燭見積跋主猶虹吸客魚喁
那知河梁握手別金鴉玉虎隨流淙今吾潦倒更非昔廡下
不見梁鴻春自從子期入黃土操緜久乏知音逢聽雨心悶
輒打盹柴門鎖日稀聞楚偶檢遺蹟張墜壁臥遊聊作浮嵐
供茶鑑俄見蟹眼出蕭瑟聲送籬邊松何當三泖鼓棹去臨

平巖青芙蓉

夢遊山莊

春風吹吾來山莊花色撲衣斑
麝香夷猶自得任歌嘯
矯首青冥多文章山光不如貌
姑射凹凸峻嶒百千尺
迤徑藤垂乖龍形
頭陀松伴道人石
白鹿啣出瓊瑤花
畧約無人清溪斜
此時抱琴思朗奏
可惜賞音無鍾牙
吾今潦倒久貧賤
吳楚燕齊遠遊遍
手攜空囊嘆無錢
冷煖但察癯肥面
冰紋古劍匣中鳴
可憐踪跡拘柴荆
秃毫筆貯三兩甕
活潑那及羣龜
鼃此生何日開懷
抱醉臥花茵
不知老吟得新詩
出翠微眼前卽是蓬
壺島浮生蟪蛄無
百年胡爲終日聳
羸肩青精之飯一飽
足鴉嘴鉏副金芝
田荒雞膈膊啼茅屋
一輪明月浮窗竹
醒來兩眼揩朦朧
咄哉斯夢何時續

思嗽荔枝作

續梅里詩輯

卷一

八

五月窗射炎輪光金鴉側翅影
何長破榻斜臥如曲尺
喜無剝啄喧茅堂午夢乍醒
拂茶白朦朧楷眼心茫茫
邇來里人別桑梓閩灘越嶺
各一方郵程記籤雖千百
所樂俱爲荔枝鄉此時小暑
羨始熟頰珠累累垂園牆
可惜縮地無妙術樹畔摘吮
冰肥香縱使一嗽一萬顆
老饕還笑非貪嘗饒涎蕩思
不已已眼花錯落空斜陽
迢迢遠隔十八娘思之不見使
人狂

豐草歌

兼旬病足苦躑躅短榻終朝臥
破屋寂寥無事掩柴扉
到眼菁葱庭草簇衰年無力罷
芟除自笑荒涼類深谷
時當初夏更蒙茸漸看細花
紛可掬丹黃朱紫色不同一
望迷離少重複循環諦視不
知名小立墻隅但捫腹雖非
珍卉競芳菲亦

可道遊娛老目人生忽忽如蟪蛄駒隙白光等一蹴倚嗟鷺
籠幻影多甲子已闕六十六少不勤學老無成塗抹枉使不
律禿擔囊踪迹徧湖山丐食從無米一斛意苴苴口成明珠
謗書恐入中山匱懶逐毛生十九人離騷且把深盃讀吏部
祇須抱甕眠步兵何必窮途哭蜃樓海市縱須臾世論雖黃
易反覆自從淮浦鼓柁歸多病漸覺消皮肉數莖酸莖到齒
牙微燄篝躑漾孟粥不知還坐幾春風豐草芊綿看新綠疎
簾青入叢苔痕矯首茫茫百端觸衣桁不覺過斜曛何處飛
來一蝙蝠

過許蹇翁齋中作

吾生蕭瑟如孤桐迴腸沃釜時熾熾身無副衣口無食荒溝
插腳隨飛蓬海內周匝萬餘里寤睡土室忘宵終輪困盤錯
續梅里詩輯

卷一

九

樹邊石兀傲踞坐輪狙公歸來呼吸氣猶縮筋骨成削嗟疲
厓酸蠶粗飯日對案攢眉頗厭霑喉嚨兼旬懷抱大作惡安
得陶寫窺寵從今晨蹇蹇桑麻中略約斜亞溪花紅渴思老
伴一把盾欵門衣吹疎籬風吾與許君就旅食卅年判袂各
西東金鴉玉兔互躑躅彈指歲月何匆匆猝然覩面忽顧笑
頽唐俱已成衰翁隔霧看花吾眼朦畫字代語君耳充用心
汲古君才雄太阿出匣干霄虹吾抱康瓠那足惜君握驪珠
偏投空各撚素髭話瑣屑海枯石爛驚鴻濛吾今仍欲擊汰
去一江白浪浮烏蓬男兒不得挽強弓請纓豈見尺寸功掉
臂日走桑麻叢金龜刮目無良工不如灌園且自給信手小
摘秋畦苾塲頭濁醪次第過醉扣牛角懸詩筒

苦熱

今年六月苦炎歊垂簷銀竹稀千條桃笙仰臥竟不適喘急
笑如吳牛勞移榻四顧少濃蔭炎官火傘圍周遭煽翅金鴉
忽入屋何異百蟲將軍秉申炎火燒斯時老夫兀坐但鬱悒
矇矓指眼胸煩焦豈有招涼珠安得含風袍二者失笑那易
見自嫌軀殼徒皮毛何當攫去玉井十丈藕急呼皓腕雪之
腕聊作瓊漿澆吾齒六十八黃金無鑄毫僧臘彈指須臾換
一葦空使流寒潮浮嵐澹宕洗面目繁花錯落凝指管管眼
忽怒鬼蜮影斬之血肉污霜刀謔呼男兒不獲五鼎食瑟縮
空使隨猿猴吾將伐毛更洗髓若然四大解天鼓華陽洞口
松五粒蟠根大好構衡茅紅泉潺湲玉芝秀碧海皎潔金樞
搖沆瀣夜半驟盈坎活潑挹注充饒枵乖龍三珠忽在手蚶
續梅里詩輯

卷

十

蚪文肯春冬拋此時狎恰翻墨浪俄覺熅熅空庭消

感懷

還家有何益過眼輒攢愁不分依金埒翻教拂刷緜餘生惟
白髮瀕死痛黃流莫問行藏事真嫌一贅瘤
豈有頭銜署何求筆底工世情花落處人影月明中去住如
槎客悲懽記塞翁猪肝誰更餉步履已薰風

草堂獨坐

試問勞人迹眞州復楚州關山千里夢鐙火百年愁把酒誰
青眼吹簫已白頭浮沉綠屐事逐隊狎沙鷗

喜晴

入冬愁易雨今日喜初晴曝背移藤榻烹茶就石鐺食因多
病減詩向寂寥生何處堪娛目斜陽曳杖行

感懷

蕭瑟惟空橐，何由話息機。華堂鑽李核，貧庫卻鷄衣。弱少瘖
牙美，燈搖螢燄微。子規原鳥語，悔聽不如歸。
平生多蹇運，張觸是清秋。水滿將三尺，月斜僅一鉤。湯醪思
易睡，短笛祇牽愁。強覓陶情句，扶筇上小樓。

寒夜

寂寞當寒夜，篝燈一點青。朔風號古木，密雪灑疎櫺。境苦言
逾拙，愁多夢易醒。荒雞何隔膊，聲送枕邊聽。

錦畚三兄壽詩

數楹老屋，逐溪偏。文字兒孫儘，可傳門第。雖殘全盛日，弟兄
同喜古稀年。階前紅杏堪娛眼，壁上焦桐好拂弦。扶杖到來
多舊雨，濁醪浮螿共呼賢。

續梅里詩輯

卷一

十一

白壽

破例年華到古稀，心如槁木已忘機。數椽老屋，瓊豐草幾卷
殘書，伴做幃。祝嘏有聲雙鵲噪，遊宦傍夜一燈歸。清和四月
談風景，櫻筍開筵興意違。

九口漫賦

寂寞牆隅，徧綠苔。翛然獨立，首重回。林端葉痒，蟬猶噪。天未
雲浮，雁未來。老伴久疎蓬徑，迹佳辰。虛說竹根杯，橫山一管
浮。南好辜負秋風，顧况臺。

苦雨

蕭條愁對雨，連綿笑取鴉。衣且擁，肩小聞寒窗。窺雁字，斜依
破壁，掃蠅涎。青泥厭厭看當堦，積素魄應難到眼。圓解寂，忽思
攜屐去，渡頭試驗水涓涓。

破屋黃攢瓦上花庭前雨過卽成窪偶然架木通行路不異
山溪畧竹斜
無事歛眠書掩扉簷端一桁掛鶉衣生涯不及營巢燕逐隊
呢喃下上飛

自淮上歸里口占

黃流瀨死獨還家矯首常窺日影斜碧草滿庭塵滿屋寂寥
何異滯天涯
觸手殘編落蠹魚稠桑濃蔭繞村墟歸來轉覺窮愁甚敢說
虞卿好著書

黃茅代屋蘆編壁赤米淘盆竹作牀不道珠湖一窟水故鄉
反覺戀他鄉

續梅里詩輯

卷一

七

土銼寒煙不繼炊東塗西抹亦何爲論文未必無資格久矣
心師没字碑

櫻筍當筵話竹西酒帘風過草萋萋何時揩眼驅黃犢綠遍
秧針雨一犁

白頭深悔跨征鞍辜負尊人到藥闌試畫騰拏龍滿壁逍遙
好待葉公看

話舊

瓜步環城一彈丸卅年鼓柝泊江灘金山玉帶焦山鼎底事
平生到眼難

九龍山色曉如烟欲試頭綱第二泉不道勞人竟無分東風
性見柳絲綿

銀瓶到闔閭城簫管悠揚午夜聲誰傍紅燈歌水調倚舷

無計解愁生

回首烟鬟黛影疎老年心倦罷攤書
偶來鶯脰湖邊立不見
銀花寸寸魚

李宗信

宗信字謙初號錦畚隴院陳常子邑諸生

香泚詩語族祖志行高潔應童子試見小吏詞譴作一蕪而出學使者大加嘆賞以不合式黜之後為諸生止一起省試下筆敏妙伸紙立就平生不苟作輒棄去祇存七言一絕倚聲一闕又解繪事富孫嘗見有折枝花鳥宮裝美人畫幅勻染極細毫無俗氣亦人所罕知也

江行口號

平生愛畫愛入骨可惜家儲半紙無今日舟行江上雨推篷

面面朝川圖

李宗智

續梅里詩輯

卷一

七

宗智字觀上號勤圃隴院陳常季子監生候補縣丞

有勤圃遺藁

香泚詩話族祖遇事敢為嘗與兄養恬蕉窗錦畚三先生並知名于時嘗遊京師客廣陵使酒仗氣輿時多忤先塋宰木無敢披其枝者羣小莫不懾服詩極伉爽不羈無囁嚅嗁呻之態此亦可想見其為人

同伯兄養恬秋夜游虎邱

向晚離城郭同游古道場蒼苔侵杖屨清露濕衣裳
夜靜歌聲遠林深秋氣涼徘徊明月下渾忘是他鄉

曹慈山園中向有二鶴後先化去因作憶鶴詩云如聞

清唳隔遙川那復飛來向我前目斷鄰家亭下路時縈

清夢在梅邊又云廿餘年伴艸堂秋渺矣仙乎跡尚留

好為開籠重掃徑天風倘送落雲頭二詩意在乞鶴投

梅園主人而作梅園主人欣然許贈後值荒歲慈山作

詩辭之云初聞惠德喜如狂卻爲躊躇是鶴糧曾不飽
人翻飽鶴可能枵腹看翺翔次年慈山往雲間歸棹遇
梅園主人遣小舟載鶴以贈之慈山欣然不復辭因賦

詩索和

泖湖歸去偶停橈忽見珍禽若待招詞客快逢仙客乍鶴聲
相間櫓聲遙月容皎潔明霜羽帆影翻飛破曉潮健翻不愁
成獨立需時遂爾志冲霄

王澄

澄原名章字儒光更字如江號秋練府學廩生有秋

練偶吟

香沁詩話外身遊幕卅載遠歷中州所至輒皆傾倒
然性耽六籍未嘗一日廢棄功名之念老猶不忘詩
筆清腴意趣恬永

續梅里詩輯

卷一

古

龍門游眺用韋蘇州原韻和聽楓從兄

我聞伊入河一闕巨靈關足跡會未經禹圖披朝夕前年大
梁游再作京洛客觸熱跨征驢直上凌絕壁佳氣夾嶺通法
王萬象窈洞古埋雲根潭幽縮水脉二室何崢嶸遙空插雙
碧對茲怡心顏未覺苦行役

安洲客舍同人偶作扶鸞之戲水仙降乩錫祝明府書

屋額名曰經舫賜公子江村道號曰妙可余曰恕存
張子青蘭昔有此仙賜號養涵因不復賜青蘭首製
長篇以紀其事賦此和之

道德五千不言仙香山居士得真銓金臺紫館盡幻境琳篆
琅函空談元壺中日月不可見異被異牀徒酣眠豈無狂思
麻姑爪阿誰笑拍洪崖肩秦皇漢武皆癡絕遠求母乃失嘗

前卽如扶鸞亦戲耳仙乎仙乎來翩翩盤中明珠紛錯落筆
陣縱橫大於椽試問仙翁住何處洞口飛流泉涓涓方平孝
先舊相識蔡經故宅遙接聯千年石室扁不開雪花閒踏下
瓊筵經綸事業勗令宰齋胎匾額看高懸養涵早悟夙世因
妙可初結靜中緣號曰恕存闢我蒙意旨何異尼山傳往來
疑有虛聲步御風而行何冷然浪說騎鯨入冥海休誇扶鶴
衝青天破窗紙閣風雪夜恍若置身十洲三島蓬萊巔

游南峰和吳淼川原韻

秋山閒蠟屐曲徑共披蘿花落人孤往亭空水自波涼風生
古樹落日赴樵歌歸路重回首白雲嶺上多

除夕

今夕倍留連燈前影自憐風霜餘老病江海竟生還入世胸
續梅里詩輯

卷一

圭

無竹傳家坐有種濁醪堪餞歲酌意欣然

壬午立春前一日北舫小集限春字

半是天涯飄泊人暫時相見倍情親卅年幾得清樽共雙鬢
同看白髮新密坐尙聽今夜雨揮鞭又逐異鄉塵古香莫負
探梅約老樹祇園定破春

題吳桐岡垂釣圖

獨把漁竿釣水涯一卷瘦石坐欹斜江湖是處烟波闊可似
春風滿若耶

桐岡會稽人

湖上鴛鴦兩兩飛輕烟細雨晝霏微披圖頓覺催鄉思便欲

歸尋舊釣磯

吾鄉死中央湖有釣鰲磯

送張孝廉顧凱還吳

相逢草草一年過忽賦南征奈別何送爾不堪歌折柳曉風

殘月馬頭多

戶外羣峰假畫屏朝昏巒翠態橫生

孝廉寓齋名橫翠

大江艷挂征

帆去臥看金焦眼倍明

千生夜月蘇臺迴萬里浮雲玉壘遙見說還家仍是客吳歌

聽處轉無聊

別筵痛飲暮雲旁拔劍悲歌更舉觴不信向時飛動意年來

忽忽欲頽唐

登樓笑我獨淹留羨爾尊鱸歸及秋少室山頭一分手紅橋

四百夢蘇州

李鶴齡

鶴齡字展成一字專城號四香縣學生有四香門吟

稟

續梅里詩輯

卷一

六

香北詩話族祖早慧與馮中丞魯巖屠司訓蘭舟並入賢宮當時羣以重器望之嘗於元日集句榜其門云時乖不遂男兒願身賤難酬知己恩人感目為狂屢試不遇遊幕江南貧病以老此非所謂數耶兼精楷法工篆刻詩端莊清麗不入纖佻家數

八公篇 并序

庚寅之秋石梁韓明府葑齋宰弇山余偕吳門錢君半泉真州會君一亭暨令嗣海齋南豐謝君聚原暨賢阮詒詒堂同下榻適棲霞僧嵩亭杖錫來訪主賓促坐得入人焉公事之餘娛情詩酒葑齋半泉珍重斯衆賦詩紀之余既和其體復為長歌一篇畧述生平曰八公者蓋取諸淮南也

使君政績江南傳江花化作鶯花媽三柳春流清且漣弇山

秋色綠芊芊仁風育物晝揮絃羣情樂附蟻慕羶寬以濟益

逐鷹鷗海濤頑梗交相悛荆州賓座開高筵盈盈活碧泛紅

蓮諸公學力皆精專余慙文采近來薦就中子固霜侵鬢蹇

驢壯歲衝寒烟西入秦關北入燕短衣直上太行巔棧雲漠

漠帝杜鵑蠻鄉雨灑紅木棉形勢收拾腹笥高談抵掌王
公前生平慷慨笑茑茑千金散盡少腰纏只今猶是耕硯田
攜來公子何翩翩公子如玉出于闈文章中的手應茲批卻
導窾識踞顛摧鋒陷敵旗可舉試輒不售心焦煎退思閣上
摩陳編拂窗疎柳鳴涼蟬好詩日與錢郎聯錢郎萬選青銅
錢妙齡厯練才稱全衡量輕重豈頗偏驅使故實無忘愆吐
成珠玉味蘭荃頓挫沉鬱聲律圓如舞渾脫風迴旋宣城愛
之不舍旃謝君篋裏多吟箋矯若鳳翥龍蜿蜒直追風雅掃
萬千知已惟有石湖仙聚原新刻爲寶蕉舟一葉浪拍天穩
於乘槎浮張騫峨眉山下瞿塘邊夢中往往恣流連聚原蕉
舟一夢
舊遊也著成秋水難言詮圖自有時擲筆思逃禪忽來惠
達笑拍肩同調爾汝情纏綿樓霞老僧俗塵罽善詩不減方

續梅里詩輯

卷一

七

龍眠筆底常湧萬斛泉

江都汪舟次贈無可大師詩云龍眠

我師落筆爭天功萬斛泉源隨地有無可大師者卽銜杯笑

相城方密之四公子之一也後披緇衣入青原山中銜杯笑

看鵲橋墮雲霞燦爛秋澄鮮空王故態頗滌滌嵩亭七夕詩
有雲燦霞明

照碧羅之句明府賞其不作枯禪態勸君莫結方外緣立取卿相何難焉君視

富貴浮雲然但驚風木衷腸牽恨不重跼歸奔遄空勞人說

項斯賢時朱監司南湖厚幣來招史明府易齋實爲推轂而黎原先聞母夫人之訃將奔歸治壙葬力卹之阿

咸夙昔窮鑽研書味益背碎兩頤文鋒銳若長城堅勁敵仰

攻盡踣躡况逢賓典前例沿今歲依庚辰何不努力著先鞭

鹽車同困悲迤邐嗚呼窮達誰操權嗟余餽口年復年乘潮

海上颿高懸余往來崇歸來囊空坐鍼氈匆匆仍扣鴨菡旌

自從甲子移星躔三戰不利拋戈鋌余三人鄉歷者無地伸

伏陸升者有綫飛風鳶荷衣卸卻朝衫褰鷓鴣班鷺序交編禮

誰歎早上孝廉船從戎底績官承宣誰歎視鐵同磨穿獨窺
中祕畫錦還謂馮督儲光熊金庶常蓉也衆人嘖嘖口流涎朕我何啻魚

潛淵後求花樣變輕儇時宜不合誰從先紛紛槐市呈螭妍
小姑陋嫉眉連卷阿婆三五嬌便娟東塗西抹人爭憐朱顏
老向光陰遷秋風團扇悲棄捐桂叢涼露滴涓涓琴堂明月
浸花甌有酒莫笑鯨吸川請看醉作八公篇

弇山官舍九日席上作

紅萸勝日約持螯客袂寒生飲獨豪懶未離根陪訪菊聚原

菊予不醉休石上罷題熊西風秋老看衰鬢荒逕人歸弔戰

袍韓使君因公至郊外過入座重傾銷燭跋半輪月落海城

高

王弇州祠堂

續梅里詩輯

卷一

六

祠堂寂寂傍城隈滿逕荒涼霜葉堆老樹枯藤經歲月猩袍
烏帽惹塵埃滄桑莫指三弇跡樵牧何知七子才我欲采蘋
潭水涸夕陽一片使人哀

名園堅臥十餘春爲恨青詞媚紫宸謂分宜也時局乍新邊事日

寬謂穆廟初諡父宦情仍淡勝遊頻畱都風采傾朝野經世文

章繼鳳麟兪州嘗曰北地李空同先生夢陽信咫尺太原祠

祀肅瓣香千古獨難泯

中秋夜坐

浮雲初散月如盤坐到空階樹影團淺醉易消成獨醒秋衣
試着耐微寒一庭涼浸天逾湛滿室虛生更又殘忘卻夜深
初巖起梧桐葉上露華乾

金山署中雜詠

潮頭萬疊打玲瓏
海上年年役大工
憑仗一恩波
秋汛
花飛起便歸東

晚餐初罷據梧纔
亂卷秋窗書頁開
知是街頭魚市散
腥風吹過短牆來

小艇如梭慣捉潮
舟人乘潮順流而行謂之捉潮
懶將柔櫓逆流搖
河痕漸

落舟膠處窳女來
聽伍員仄簫聲

韓家塢裏樹陰交
翠接洙涇西市梢
韓家塢在城西北八十里洙涇在城北六十里
休繞斜塘塘外路
野鴛鴦好恐難拋
斜塘在秀州塘東北朱竹垞詩斜塘慣宿野鴛鴦

鴛

馮在鎬

在鎬原名鎬字于京飲賓國倫孫邑諸生

詩話茂才性耿介結振始文社晚精岐黃術緒曾按于京父三垣以義行著于京著有四書鼓吹

續梅里詩輯卷一

學庸辨長子學海庠生有文名

尤

訪史氏草園

主人愛客敞幽閒
曲榭臨流任往還
春水乍生青草渡
釣船多泊綠楊灣
談傾霏屑都成酒
雲晝圍屏不借山
咫尺隔溪茅舍在
與君相約弄潺湲

馮汝洽

汝洽字涇齋飲賓國倫曾孫附監生馳贈戶部員外

郎

緒曾按涇齋祖父三垣號梅村父銓字翰聲涇齋篤于根本修始平家表多所紀述

述祖德詩

赫伯仲護駕南渡葛嶺豐山代寄儒素
始祖必昌本周姓為宋益國公必大
弟自葛嶺徙替纓承業甲第相延出嗣大樹耕讀世傳
世

子章嗣焉後四世釋中六世宗吉憶梅是祝六世字憶梅七

元同知五世秀工詞賦公居小璇璣玉珩建祠設祔祥公生四子

世曰祥小康宅卜康橋側璇璣玉珩建祠設祔祥公生四子

寔最勝祠後逢了僧古墓被劫了僧最勝祠曾馮姓族追至

子白墳墩子盜先墓并廢其祠兢兢世業

九世遵玉父言力本務學啟後承先世玉所出兢兢世業

兄弟同居再徙梅里爰定室廬會祖順喬公與兄三人誕生

四傑端木奇英豐亭豫大萬石齊名同居隣火被殃徙梅里

乘悲夫小子讀書頌詩幘祖世德子孫慎思瑞初三益養素公三

續梅里詩輯

卷一

三



續梅里詩輯卷第一終

李稻陸

稻陸字畊麓號蛻菴邑庠生有寸碧山堂詩集

詩話茂才王抱山高弟抱山受業於竹垞太史淵源有自鄭太守遠稱其詩古澁峻整而神韻標舉晚年有梅會詩選之刻發潛關幽厥功甚鉅其寸碧山堂詩自附於後今所選皆未刻稿

擬古

鳳凰生丹山不為枳棘棲鶴鶴城樊圃安與雲霄期大小各有懷高下適所宜珍禽不自惜凡鳥皆輕欺所以明哲士亮節誓不移振翮千仞岡下視皆卑飛

皎皎中庭月照我游子顏游子耿不寐中夜起長歎富貴須何時貧賤不自安豈不安貧賤菽水難為歡負米適天末彌

續梅里詩輯

卷二

一

苦行路難長願高堂上被服萊衣斑

孤槩沿廻塘芙蓉開未已美人采芙蓉盈盈隔秋水白面誰家郎繫馬綠楊裏一笑得所歡眷戀自此始願為比翼鳥雙

飛復雙止

志士懷獨善一室常寤歌天地為逆旅人壽當幾何朱顏宛如昨條忽雙鬢皤努力勗明德之死矢靡他古人寸陰惜此意良足多

送王六表弟之大梁

平生重知已落落寡所親之子舊相識頗覺氣誼真十載歷齊魯行役多苦辛客歲歸鄉里願言相結鄰爐香與茗椀曰夕怡心神胡然舍此去問途汴水津遠遊固非計負米本為貧轉愁華髮改高堂倚闥頻况茲逼炎暑反觸十丈塵叮嚀

發珍攝握手重逡巡秋風藉鴻羽千里慰故人

醜舫竹

醜舫齋頭都是竹牆角森森動寒綠江村穩臥幾春秋濁酒

匡牀遠塵俗

見太史自題竹垞詩

有時研硃日影遲或來聽兩西窗宿

風流既邈屬後人卅載輪蹄苦馳逐畦丁老嬾少培植清陰

盡減千梢秃一逕無人掩荒草滿眼蟪蛄雜蝙蝠主人歸來

卻辰日便教上番攜纜劬分栽不惜灌漑勤經十蟾蜍滿而

復一朝雨後筍迸出龍孫直向雲霄盡娟娟弄影月乍窺細

細吹香露初濯閒階重掃舊莓苔衍波新拓屏山六日夕披

衿几案間當暑涼生不知溼典來偶一展圖畫

海陵曹岳爲我寫作圖亦

太史尤景依稀全在目可惜當時舊質從零落於今等空谷

坵南剩地猶百弓兼種池荷及籬菊活火烹茶雀舌溫糟牀

續梅里詩輯

卷二

二

釀酒烏巾漉貓頭新長百千箇爛煮欣然飽亦足矻矻淹中

且著書長與此君伴幽獨

烏傷道中

筍輿窮百里薄暮此經過地僻人烟少山深草木多溪魚浮

淺渚沙鳥逐迴波回首孤城外殘陽下藤蘿

送成燕翼之明州

二百八十峰峰峰無定容偶攜綠玉杖去踏翠芙蓉聖水山

經誌藏書石室封仙靈此中聚爲我訪遺蹤

早春偕徐揆斯爰立家潛士雲客天香庵探梅分賦得

香字

何處尋幽好詩翁舊醉鄉

係秋錦老讀書處

梅花三十樹樹樹發寒

香况有素心合能令俗慮忘平生邱壑意吟坐及殘陽

秋江曉渡畫卷爲黃明府吳題

萬里長江天際流，片帆飛渡值清秋。曉風急鼓西津渡，殘月疎鐘北固樓。終古沙鷗來復去，千秋玉樹聽還休。南朝故壘多陳迹，迥首烟波動客愁。

四十初度二首

乾坤飄泊信吾身，悽斷天涯及此辰。敢謂頭顱還似故，已看少壯不如人。蹉跎有恨高常侍，懶慢無聞戴叔倫。從古儒冠多自誤，不須搔首問蒼垠。
高適詩年紀蹉跎四十強戴叔倫詩四十無聞懶慢身

滿鏡蕭疎白髮生，年華如駛客心驚。上書北闕知何益，種豆南山計未成。弟妹堂前添笑語，時間舍弟石田歸自西江親朋客裏少逢迎。每從五百灘頭立，無限秋風故國情。
李白詩聞說金華渡東連五百灘

和吳孝廉絃游西湖原韻

續梅里詩輯

卷二

明聖湖頭六月時，與君邂逅放船遲。橋橫斷岬侵荷芰，水拍圓沙聚鷺鷥。廢苑荒榛餘牧豎，故家喬木尙陂池。年年畫舫紛如織，獨話興亡重繫思。

一片清陰柳萬絲，晚涼初動獨尋詩。白雲斜界仙人嶺，綠樹低圍故相祠。水上笙歌增客恨，山中梅鶴動人思。十三亭外秋風起，準擬浮家作釣師。

贈成燕翼卽次寫懷原韻

尋幽選勝屬吾曹，况值秋風雁影高。蠟屐兩探蘭渚月，君兩至山陰匝旬抽帆五渡廣陵濤。夢魂自昔縈鄉國，霜雪從今上鬢毛。回首燕山歸未得，故人猶復戀綈袍。
君思歸甚切每欲促裝輒爲居停所阻

讀史二十八首

解讀嬴秦火後書，一椽負郭自窮居。誰言稚子長貧賤，門外

猶多長者車

淮水蒼茫屢問津南昌亭外獨逡巡空勞一飯尋知已誰是當年下釣人

姓氏無知且擢船黃頭一夜上青天異時倘入明王夢肯乞銅山白鑄錢

海上持旌十九年漢家頭白得生還未嫌屬國恩猶薄姓氏麒麟閣上傳

珠簾甲帳已生塵婉步姍姍望未真休信齊東方士技人間那見李夫人

嵯峨樓閣起瀛洲漢苑神仙望已休桑孔於今應悉罷大家新拜富民侯

下嫁單于絕塞行君王臨別重含情丹青未足挽顏色爲博續梅里詩輯

卷二

四

琵琶萬古名

沙漠能行十萬師桑乾逐北亦稱奇行間博士誠何用笑殺黃鬚馬上兒

臺下潼流去不還西陵草樹渺寒烟分香賣履須臾盡更有何人望墓田

紫氣宵分徹斗牛人間拂拭暫爲留故知神物終當合莫遣延平沒水求

華陽亭外夜月時千秋絕調忽相期於今一曲廣陵散太息難逢袁孝尼

父祖名高海內知文章入洛並稱奇經過二陸臺前路愁聽華亭鶴唳時

不與龍門載筆殊搜來神蹟豈全誣古今變幻皆如夢合作

人間鬼董狐
名士新亭尚
南冠學楚囚

英物徒稱溫太真
重頌嘆可人

嘆息登臨石室來
西州策馬回

一決披靡白土岡
樓船下武昌

臨春結綺競豪奢
解唱後庭花

一將賢於十萬師
續梅里詩輯

須推來護兒
官家龍種一朝盡

乘鶴學吹簫
元武門邊血未乾

西山藥一丸
呼來市上酒醪顏

解悅謝家山
鑑湖一曲絕點塵

見風流賀季真
夾道峩峩棨戟開

翠華迢遞錦城遊
華清扈蹕回

花落劍門秋

樂府新聲播九垓，絲綸入掌一時推。那知閣下青蠅集，笑問適從何處來。

紆千山頭凍不去，九曲池中投亦甘。可恠殿前孫供奉，不隨宰相學朝參。

割據紛紛無已時，澶州初見擁黃旗。如何點檢作天子，題白雕青郭雀兒。

錢

臨

臨字準可號北山處士枋曾孫監生有拙養艸

香社詩話伯兄春輝曰先生善談辨美鬚鬣因覽尼
弃舉子業終身不娶精虛跏之術專以濟人為亟遠
近奉為良醫纂有立齋醫案外甥馮中丞光熊校刊
性剛直不阿處事果斷吾里向有惡賊號披頭髮者
無不受其毒害先生聞于官逮治之里中得安詩亦
豪邁可喜

續梅里詩輯

卷二

六

春暮同吳麗天觀潮昆季黃在古登紫霞山樓

攜伴遊丹壑登臨散客愁漁歌來隔岸灌木繞危樓一塔雲
中見三山海外浮烟波籠晚市蕭瑟似初秋

江文叔從乍川航海至閩別後三日卻寄

春風添別泪三宿對孤檠海外一帆沒天南幾日晴時正苦雨離
情楊柳色鄉夢鷓鴣聲旅况應無恙家書慰眼明

題鄭萼樓小照

烟波一葉五湖舟占斷春光最上流短笛一聲明月下梅花
落盡不知愁

脉脉相思一水間輪君心共白鷗閒扁舟棹入武陵去知在
春風第幾灣

徐士龍

士龍字揆師號孟亭

香江詩話外王父久客山左倦游歸里與弟桑者先生並嗜吟詠然惟行陶隱不事洗鍊句如一年將盡夜千里未歸人馬迎芳草路風送木蘭船春風絲客座明月照離人桑麻環丙舍松柏間秋花亦頗清雋

客窗聞雁

孤窗蕭瑟甚旅雁一聲愁俯仰悲生事關河感舊遊不辭道路遠只爲稻梁謀風雨年年慣傷心蘆荻秋

題鄭鐵堂尊人琴樽自適遺照

梅里詩人老鄭虔聽鴻酬唱劇芬妍如何瞬息風流盡寂寞

琴尊畫裏傳鐵堂尊慈有聽鴻樓詩集

李 淦

淦字玉持號春浦澁院陳常孫乾隆丁酉拔貢生癸卯舉人有師竹齋臺

續梅里詩輯

卷二

七

香江詩話里中自晦堂采江家六忍諸前輩後繼起者爲王碧山楊未菴諸先生當時有愛吾盧文社就正于六忍從祖以先生爲最醇先生天資穎粹事親極孝人無智愚皆稱爲孝子與人藹然無忤昔六忍從祖謂楊孝讓先生終身皆孝子之容亦惟先生不媿斯語詩多溫和不爾雅極其爲人惜鄉舉不一年而歿

題聽琴圖

亭亭百尺桐流陰垂碧幌下有幽棲人橫琴發清響曲罷靜無喧閒雲自來往

天風颯然來冷泠拂素指木葉下秋聲閒心逐烟水會當策

杖過一洗筆遂耳

題張柳村臨孫過庭書譜後

隸楷忽破碎草草迭爭工衍流及魏晉變化益無窮度禮契三昧作譜析微蒙秘旨一以啟心手輒相從惜哉千載後殘

闕牯魚蟲張君擅墨妙愛躡前賢蹤臨池水漸墨拂指興自
濃向客出臨木真跡將毋同騰軒起鸞鳳天矯驚蛇龍崩雲
與垂露想象經營中摩挲愜心目虛堂生清風君家數能事
草聖夙推崇後先相輝映一一振孤蓬得非三杯後腕下精
靈通嗟彼臨摹手遺神徒取容近時格益下但誇肌肉豐似
茲絕清勁端由內力充勸君珍什襲留爲學者宗

題沈司馬出獵圖

寒雲匝地塞草荒疾風捲摵開圍場呼鷹縱犬逞馳逐壯哉
意氣何飛揚沈郎翩翩揜羣雅興來袴褶好鞍馬五花一散
霹靂飛鄴下黃鬚此其亞卽今射獵南山隅連岡岌業路紫
紆梁野健兒好身手紅陽紫燕紛馳驅切怒未深復奔競越
壑超巖氣愈橫蒼鶻高盤塞日昏雕弧滿挽霜風勁復陶翠
續梅里詩輯 卷二 八

松江道中

被坐山崖胡姬旁列顏如花推手卻手發清響左射右射驚
飛沙坐久喧聞震陵谷餓鳴聲中羣讐伏掉狐拉豕奚足多
稱觥爲君頌得鹿主人一笑解重圍夕陽擁騎紛來歸歸來
熏爐坐芳褥重斟桂酒揚清曲

遊景德禪院

東坡次禪黃茶處
今賜名茶禪寺

巨澤連橫浦孤舟近海門帆懸天際樹潮沒渡頭痕塔影斜
塘轉烟光落照昏陸機草屨草極日一銷魂
沿隄尋古寺塔影俯迴塘曲徑挑花合疎林春水長禪思叅
妙諦茶許試清香不覺歸遲晚孤城帶夕陽

送東園弟之甘州

絕塞陽關外平沙青海邊如何遠行役况乃值殘年雪盡寒

衣薄山危瘦馬懸前程應萬里去去慎風烟

錢王偉

錢王池館古城西樹色蒙茸草色齊當日鄉間崇廣義此間
祠廟煥雕題百年壯志餘金雁十丈洪濤念水尾清樂孤亭
遺址在臨風傾想語兒黎

題蕉窗伯父松江竹枝詞

卅年灑落此棲遲身後惟留絕妙詞三柳九峯無恙在江南
風景不堪思

一官嶺表已華顛蟹雨蠻烟劇可憐吟徧蓴鱸秋正老西風
空憶李鷹船

楊益

益字受之號勤民監生候選主簿

續梅里詩輯

卷二

九

香北詩話少尹豪邁自喜大有古烈士風嘗從家六
忍從祖之燕之山左之楚北一時名公卿無不折節
下交詩不多作筆意亦極娟秀

題李和齋扣舷圖

菰蘆初長柳如絲小艇延緣任所之好是一丸明月上落花
風裏倚歌遲

撲眼波光鏡裏秋蠻花狁鳥繞汀洲有感令祗應十日九沉
醉一片濃陰盪客愁兄也

屠傳楫

傳楫號肖巖文學廣曾孫歲貢生雲和縣學訓導

香北詩話明經性敦敏重氣誼早遊幕府傾動一時
年逾七旬始得授教職歷任未及三載於宦所
詩清穩秀麗隨手弃去詢其家遺棄已無復存此余
從友人處鈔輯之

杞子和王少凱韻

爲愛西涼種秋深正爛如色酣霜落後顆綻雁來初蔓弱垂
何密莖纖綴似虛明璫將贈若紅豆更思渠本是依金井偏
教映王除細疑桐乳垆香並菊囊儲品早分岐伯鞭應湖赫
膏延齡方自好卻老計非疎我已慚青鬢君能讀素書仙期
三戊上大藥百煎餘酒熟懷憑遣吟成意藉舒插萸追令節
作賦共閑居照夜燈添豔和羹味緩咀故園常徒倚客館得
依於丹竈他時鍊芝田異日鋤還同王母棗介雅獻南廬時

兄吳亭五
十初度

陳黃鍾

黃鍾字音初監生有古愚叟艸

言懷

爲愛溪山再卜居結隣多半是樵漁蒼顏憔悴羞臨鏡白髮

續梅里詩輯

卷二

十

蓬鬆怕掠梳盛世休談三尺劍寒窗守看一編書蕨薇採盡

芝苓熟且向松根帶月鋤

八月十五夜遊南湖

欣逢佳節雨初晴竟夕良遊載酒行
淩葉露凝浮夜月蘆花風起助秋聲
城頭戍鼓三更壯水面漁燈幾點明
世路紛紛輕薄甚一樽相與白鷗盟

春日登孤山

林家舊宅水煙空千古高踪想像中
惆悵梅花三百樹只今

零落倚東風

周秋光

秋光字顯華號莘野布衣貧曾孫邑諸生有莘野集

詩話茂才承簞谷之後清門世守潦倒一巾晚年喪
子青瑩破屋研食不給讀無兒歡真一字一泪也

無兒歎

無兒固無累所恨不早無我年六十五兒病捐厥軀兒年二十一
十五可以代奔趨庶幾衰羸者安坐得須臾一旦捨我去悲
與歲月俱我婦蓋棺時兒幼如雞雛宵晨自撫育父母一身
俱所以兒死日歎惜盈路衢周氏本忠厚天道豈肯誣高曾
世澤斬邱墓付樵蘇他日我骸骨誰與埋荒塗一再念及此
血淚迸淋漓

留別富湖戴楚香

老去猶爲客飄零王粲身梅花留故里柘水獨歸人別酒悲
雙鬢衰年感一巾與君期後會斜日縣城春

韓侯釣臺

青草迷臺址經過最愴神不從鼎足計邗得保全身寂寞一
續梅里詩驪

卷二

七

竿竹死生兩婦人悠悠千古恨淮水斷垂綸

北關魚簪

荻蘆風起柳絲涼閘口瀨聲接水莊雨笠烟蓑何處覓但聞
人語出魚梁

馮時柱

時柱原名璘字林友號秋岳有粵游簇錦等集

詩話秋岳工策刻歷游西江南粵晚寓湖首歷朝
閩媛詩選

曉登顛州入境臺

凌晨振策越王臺極目東南曙色開萬井炊烟依岫起雙江
流水夾城來雲山縹緲人千里吳楚飄零酒一杯自有坡公
詠後手傳海市近蓬萊

潮州竹枝詞

牯蠟牆高樹蔭濃黃皮果熟荔支紅溼蒸五月連朝雨香滿
迴廊茉莉風

蝴蝶逢開五色飛葫蘆山頂翠煙微妾家樓閣臨溪畔多種
芭蕉作嫁衣

街南街北賣湖紗上水門西破苦瓜最是蛤蚧初入市擔頭
紅挂佛桑花

大都風俗尚嬌癡男着朱鞋女抹脂一曲蠻歌心事切檳榔
蒟蒻寄相知

郭鵬

鵬字宏中大令哀采曾孫維垣子有杏園詩稿

和舍弟中秋寄懷韻

客舍蕭條獨我憐每逢佳節倍情牽何時得暖姜肱被花月

續梅里詩輯

卷二

七

烟波共一船

郭鶴

鶴字一鳴號青巖鵬弟邑諸生有弟錄集

寄楊南溪南昌

豈意同門友中道恒別離况隔數千里欲見詎可期相彼中
林下春風燦花枝清商條爾至應候慘淒其之子繫我念鬢
髮欲成絲寄書申情素會合當有時

郭鳳

鳳字友桐號雪樵鵬弟有雪樵詩鈔

詩話雪樵家甚貧兄弟極友愛工書入分仿曹全碑
所居三楹不蔽風雨嘗於秋晚步園中拾柿葉樓友
詩成輒書之積數十番乃從郵筒馳寄有分柿詩百
首又著茶譜

宿佛子村田舍

野老疎人事偏勞出戶逆漫同今夜話如有故人情
並屋簷
鐙坐深林秋葉鳴曾無雜黍約何意欵柴荆

題畫

榆柳椿槐一半凋空山寂寂雨瀟瀟只宜結箇蝸牛舍
日
江頭看早潮

題仇十州漢宮春卷

靜日春風內苑開雨餘新長玉階苔細腰相逐閒遊戲背着
君王鬥草來

崔振

振字集三邑岸生

詩話許晦堂先生評其詩云古體蒼妍律詩明秀其
源始出右丞歿時年未四十遺孤幼弱剩稿漂零所
存者僅有此爾

續梅里詩輯

卷二

三

梅花莊歌

吾家住近梅花溪平生未識梅花莊前輩流芳渺難卽春風
日暮空徧徧曾聞洪武初太史此間住誅茅長水隈結廬傍
村路幽莊十畝野人家舍南舍北皆梅花柴門窄窄絕車馬
簷籬短短橫杈枒一時意氣何瀟灑過從翩翩媿羣雅踏殘
晴雪香正濃吟徧寒窗燭初施至今陵谷幾變遷溪橋南岸
稠人烟斷垣古樹尋不得石門題句徒流傳春草碧兮春愁
起雲烟滿眼春光裏懷美人兮何處是三里梅花一溪水

張鑑

鑑字雨蒼號蕉白有蕉白剩稿

冬夜有感寄抱雲弟

寂寞滯江干霜凋木葉寒愁緣哀雁起夢逐曉鐘殘孰念無

衣苦徒歌行路難相思憑寄語早遣報平安

曹心泉先生移居

背市三椽枕碧湍牆圍半畝竹平安家藏鄴架千編富門對
及峯兩髻蟠蠅釀傾壺供醉客圍蔬盈把作朝餐徹廬不遠
村之北輪與先生雲水寬

送李簡齋之龍游

休嗟此去曲江寒雪浪銀濤足壯觀羨爾推篷酬唱好時與
董明
舟 畫眉聲裏過嚴灘

九月初八夜月有感

霜天雁度夜何長月浸迴廊秋氣涼聽徹砧聲腸欲斷明朝
愁說是重陽

李黃房

續梅里詩輯

卷二

古

黃房字佩延號萊村監生有半榆詩藁

香泚詩話家敬堂先生曰公負材不遇故浪于酒杯
杓未嘗離手詩極精麗不入俗氣年未強仕竟鬱抑
以卒

送楊廣文之官赤城

聖世盛右文秉鐸皆人宗惟君懷奇偉家世本關中幸絲得
東甌直通天姥峰顧予辱世好衡宇聲相通花晨兼月夕浮
杯一笑同君今理旌施玉勒三花鬢行行苦炎夏到值聞秋
鴻名山有桐柏茲喜哲匠逢入林恣採擇運斤輒成風良材
信非易竹箭稱南東行看楊夫子報最明光宮

春日同升書綠珩遊審山分韻得局字

乘興怡新霽探幽一册停春深憐樹綠雨後覺山青暮鼓來
蕭寺漁歌出遠汀歸途還共醉明月滿柴局

雨後曉發半山

曉市漁人集雲陰喜乍收荻蘆低折水松竹迥含秋峰抱雙
蕭寺溪橫一釣舟只愁山徑滑不及遠尋幽

同友人自斷橋之孤山

橙黃橘綠九秋天結伴尋幽上畫船最好湖光三十里教人
何處不堪憐

扁舟蕩漾任西東如笠孤亭著水中輪與野翁好風景一篷
明月下漁筒

幾層樓閣俯山前梧碧楓丹色色妍記得炎天曾到此荷香
十里映流泉

再楫登山正夕陽鶴亭梅畔一相羊當年富貴雲烟散高士
于今姓氏香

瀟梅里詩輯

卷二

五

陳襄

襄號紅樵文學志巽子

詩話紅樵隱居里之西施橋雅擅臨池久客江右寧
碑評製多出其手晚年與胡思良戴宇純夏柘園王
東阜李蛻庵為梅溪六逸許文學燦有詩

題沈葉舟

世昌 畔隱圖

課罷農功日已晡松風蘿月到吾廬移家近得田間味畫出

唐風擊壤圖

萬里歸來遠市踪青青隴上日過從摩挲學倦眼題詩句我是

西涇一老農

馮樽

樽字瀛四號匏齋監生以子光熊貴累贈光祿大夫

都察院左都御史有夢墨軒詩集

詩話贈公父號墨莊故以夢墨名軒以志思慕晚年
就養京邸同里公車多主其寓與金編修蓉未大合
作承相倡和多懷鄉之作於民風土物風土物風土物
緒會按匏菴曾祖三祝號素村舉飲賓祖鉅字楚佩
貢生得明末欠菴東園竹垞太史爲書八分懷芬額
遂自號懷芬父崑源多義行海鹽私販拒捕胥吏流
應滋蔓于海里力爲救援有司清火獻田直陳奸徒
之擾撲滅之鹽邑按曰徵稅苦口勸革事見家乘勞
墨軒集八卷沈琳李集爲之序從姪孫登府馬之傳
長子光燕號奇巢郡增生次卽光熊次光薰號曉巖
寄巢之子馨號傲園署高郵知州梓行其集

偶憶家鄉蠶事方興土風異處聊誌其概

糊遍紙窗卍字文灰鹽浴種各紛紛快船蕩出燒香港兩鬢

簪花廿四分清明後村婦燒十廟香各
簪紙花取蠶花廿四分意

催促新娘去摘鮮牆邊嫩綠小於錢金刀切細渾如髮比較

寒溫只問天蠶初出如髮
切葉如之

安設泥猫燈火前分筐細細檢頭眠隔年剩有餘杭子曾否

續梅里詩輯 卷二 天

生齋捉得全蠶室中用泥猫以鎮鼠
種取餘杭山中最佳

形色參差未足誇匆忙問卜獻蠶花自來出火關心後魚肉

無錢儘量賒三眠出火時以
問卜酬神爲重

車聲軋軋響村村半入田租半給殮卻怪停忙忙未了追呼

絡繹徧柴門禾中有蠶事者停忙
一月今則不拘此例

一月勞動不出房間來纔得理新粧聊將野菜和團粉商畧

歸甯問訊忙蠶事畢各作蠶團爲
歸甯計名問蠶信

旅館中憶及嘉禾土物因紀八絕

餅山一曲韭溪流宿鳥爭棲古樹頭回首令狐監麪部春風

題上月波樓餅山月波樓
俱在縣治西

聯畦青甲簇心開桃里風香傍水隈未到天明齊入市肩挑

船載驛西來挑花里在西水驛
西多出臺心菜

長水圍桑繞竹村微鹽新甍鳴餽鮑秀州門外金鏡似官各
嘗來價莫論鳴餽鮑俗名喜蛋

燕來穀雨滿橫塘新透龍孫隔短牆姑惡村村啼不住紅
四月早盈筐

柳莊湖上起春濤雪艇亭邊黃蜺高寂寂范祠螺五色空餘
絲網對城壕相家湖出黃蜺范蠡湖出五色螺

蟹胥曾記出分湖馬疇陶莊雀更映鄉味每當秋正好鮮菱
兩蕩雜青菰分湖出蟹馬疇陶莊出黃雀南北兩蕩出菱

開遍柔荑照眼紅飄殘黃葉寺西東盤中九月肥秋鳥啄破
溪田野稻風不地出柴黃曆積出秋鳥

風捲官塘雪滿街三冬冷落舊青鞋紅鑪小閣添春意古製
鳴岐式倍佳銅鑪惟張鳴岐舊式為最

續梅里詩輯 卷二

家鄉田家雜咏

枳落茅檐傍碧潭綠陰深徑小桃酣篝燈織就宜春服一過
清明便浴簾

休評葉價有低高獨繭雙絲賽鳳毛宅外多栽桑百樹隔年
翠帳滿東臯

二麥披離色漸黃墜邊枯豆又登場朝來梅雨抽苗尺二寸
涓涓針水涼

犀角初勻透竹笆田橫葱韭地頭瓜烏凌白矣中秋近下里
謀生小有涯

稻花細放白於絲趁得薰風甚露時雨後穗岐增靄靄社中
齊插紙尖旗

年老樞翁久輟耕桑麻話裏課陰晴飽餐自在壟鹽飯喚醒

兒郎打稻聲

冬著綿衣夏苧麻遊春幾日飾鉛華吳娃也學翻時樣兩
添粧蘭子花

昇平無事費追呼先了官糧後納租饑歲雞肥家釀熟打魚
不用典衣沽

馮炎

炎字行上號雲野明府渠子官福建漳州府經歷署

西甯縣知縣有雲野詩草

緒曾按雲野曾祖鵠字舒虹著左傳日抄祖澄淵號
廣菴著學庸講義四書考疑父渠著有文選牖唐詩
評明詩選母徐氏有來青閣詩草雲野有陶詩評論

富平

丹心空化祝融雲入陣圖殘孰策勳野鶴亂飛招不得也應

續梅里詩輯

卷二

六

梅殺曲將軍

李集

集字釋芻號敬堂徵士良年曾孫乾隆癸未進士授

湖北鄖縣知縣有願學齋文集

詩話大令少負異質彈精允鄭之學詩清探崑崙老合
乎古人繩度治鄖時歲旱糶孔治巫致雨與西門豹事
相類民人頌之有風烈何如陸清獻神明已遍鄖山
公之句鄖地枕山夏潦為患遂池數畝蓄之栽藕其
中衆名青蓮池隱寓清廉之意歸田後猶講學不倦
多所啟迪厥後慎交諸子各以經術名其淵源有自
也

融皮胡昌基石瀨山房詩話云敬堂令鄖時亢旱西
湖水涸見黑石在潭底噴水數尺有鄖巫者造言黑
龍將起水十丈穉城居民惶皇敬堂以羊豕投河默
禱俄有物噓風躍大訂之去擒巫鞠之云切夢神教
伊言禍福立中前言亦神告之遂鑿木偶至令巫質
之云偶有靈我當之不靈則置汝以法巫叩首乞命
即取火燬偶巫荷校通衢是夜大雨鄖人德之

續梅里詩輯卷三

擬古

良會若平生歲月忽已徂轉蓬成飄泊永訣在須臾念子晨
當別哀樂一腳躡日南動文昌塞北懸威弧天路安可極夜
光照前除悲風吹笳管聊為今夕娛仰見雙飛鴻送子返舊
廬

擬招隱詩

幽人一長往陵壑竄以沉歿醜行自悔抱甕夙所欽浮榮如
朝菌幻忽成古今結宇一方水夏木千章陰人影橫略勺汀
蘿翻游禽好雨從西南隨風潤園林丹葩媚叢薄綠篠俯孤
澗佳蔬各異態一一諳我心生理物自得外營力不任願言
招隱士晨風懷好音

灌園我世業世業蒹葭濱祖德垂詩書養志屬隱淪十畝遠

塵市微尚積蕭晨農語聞隔塢落英認前津竊比漢陰叟或
號無懷民牆東闢隙壤炎曦捐浮筠棗實紅漸熟菘菜青初
勻白華佐餐膳清尊薦嘉賓鑿坏行太苦訪嶽志難伸圃業
敦前修庶以全我真

鳥聲遲山客零露滿修竹憇茲曉氣澄理我故時贖農書多
質言勤敏以爲勗越畔有垂戒知足良不辱眷言營南田賣
劍置黃犢溉種資園丁激水乞隣曲戴笠度菑畚葱菁忘炎
旭良苗多馨香桂椒詎云馥我田歌既滅取次春酒熟大斗
祝黃耇盈缶會宗族力田長子孫詩書運不促良士可兼農
母藉詹尹卜

三餘展圖史苦志事幽討豈無濟物情艱貞嗟吾道雌蜺旣
蝨蝨雄鳩復佻巧閱世已多窮力學苦不早歸鳥懷長林游
續梅里詩輯 卷二 一
鱗戀回潦拾穗遵女畦式飲面箠篠陶公已云徂隴壑多嘲
笑矯首呼王孫食力敦宿好

力田務孝弟淳樸始一鄉色柔敬斯篤讓敦愛益將拜母往
推袁共被復美姜藹藹接鄰里抑抑避車裳飛遯苟利占榮
瘁處若忘哆口輕軒裳將毋熱中腸故人鹿裘翁惠然來中
堂嘉魴出絲網青菱擷芳塘興至染柔翰琴聲助樂方詩詩
傳燕禮詎云廢詞章

禾中盛噍事懋力方夏初蠕蠕出磷藉簇簇徧遽篠晝夜飼
不息女紅良卒瘠前籬花如雪軋軋線絲車一絢暴未乾里
正下租符蒼然入城府雙闕臨高衢不識吏名姓早輸免追
呼纒益有剩繭更充三冬襦小婦工織素鳴機向南隅

方塘廣半畝青蘋編絲繩翛然魚影動四角翻紫葢涼颺起

萍下扣舷妻孥仍采采齊分嘗茅屋燻明鏡溪頭響郭索白露皓已凝流膏配薑芽我愁念載登小婦治釀具金鹽淥芳
顰眉壽願之喜持螯盡一瓶呼兒讀爾雅更與續酒經

讀書貴立身立身絕瑕滓農圃誠瑣屑或可厲廉恥撫景愛
三餘經訓勸踐履庸行苦難敦沒齒事則已山中無時趨庭
除具古禮戒旦肅冠簪酌酒誦愷悌園中鬱嘉樹交讓足連
理徙產本秦人後世以爲美孝弟篤同居繩繩詎世紀和鳴
叶堦箠合組成錦綺輝輝千仞翔始可語文采

易象歷四聖日星明大義反復備人倫豈徒資卜筮田家無
月令甲庚識終始變化豈易窮近取方無弊秋高稻始花涼
風起西兌攜兒面深林遺經共擬議擊峻諷友朋向長厲已
志咄哉風落山艮止迺無悔當今堯舜世可無務光輩招招

續梅里詩輯

卷二

三

狂狷士高尚可共事

鷓鴣巢深枝海鶴隨天風躊躇買山資難與觀成功苦口多
奇士石戶有老農芟製殊易佩鶴租無取豐清晰風冷洽香
草花茸茸時鳥識春候山果落秋叢仰事兼俯育志不關窮
通水中契潛鱗雲表仰高鴻知幾先聖許躬耕哲人崇稱名
欽儒仲不屈善成公得朋果有慶溪父與園翁

立秋前一日食菱

秋氣泠然來此夕驚爲客撫茲紫角纖遙憶青絲摘金塘翻
文禽魚雲籠素葍蒨歌避人窺棹舟入深碧開矜有餘觴羈
思紛如積引領水一方夢宿江邊菽

登萬松嶺奎星閣用少陵登慈恩塔韻

嵐氣烝堂皇山雨苦未休稍聞晴鳥喧乍解羈人憂攀林升

高閣拓窗恣遐搜日射金碧亂烟鬢龜鼉幽鳳屹然峙勢
壓滄江流濤頭恨未平勁氣摩高秋一鏡忽倒景神光將焉
求佛髻環重湖恍惚神仙州俯身渺木末獨立蒼茫愁倚杖
叩天關此路通蓬邱隱現青鶴飛浙瀝丹葩投嗟彼夏蟲輩
徒知朝夕謀

赴桐川作

佳果護本根珍禽惜毛羽食力嗟何能負米媿無具曉寒絕
行跡柴門閉春霧良朋惠然來出處重絮語芳槭出懷袖一
枝聊可附高堂促輕裝顏澤神未豫穉子猶牽衣倉皇問章
句指點鳴鳳鄉揮手從茲始午風聽愈烈蒲颿成屢駐溪橋
轉連延曲渚莽回互農語聚檐端翛然動遙慕

出門多艱阻雪霰紛以繚凍鵲號巢中灌木頽雲根榜人問
續梅里詩輯

卷三

四

前渡行子認孤村曲汜屢參錯沙隄俄崩奔回回情闍謁輒
軋心煩寃投暮人語歇微火露松門縛纜探叢薈捲篷延芳
尊利涉行已後麗澤念彌敦水宿有遙恐襪被無重溫客夢
落書帷懣恨肅精魂

積雪船欲欲推篷戒愈切舟師呵手前岸竹當水折解纜及
流澌于林同一潔心期淡與持須眉對如失翻思冰階除新
筍奉黃髮髮柳鳴源轉遙路岐曲未畢桐溪亦
有九曲釣艇寂無人拖
篷覆漻泐林鴉稍已飛炊縷寒欲絕懷舊旣云遐領新庶可
悅願得丹青手含毫望超越

紫陽山絕頂同王穀原蕉園朱笠亭謝金圃賦

際曉上吳岫山深澹朝暉嚴霜踐滑石仄徑礙履綦高空懸
青帘仰視不可梯迤邐怨折盤徒旅互攀躋一躍松厓上四

顛浮雲低已愁晨風肅喜見春艸萋湛湛俯江水萬頃堆玻
瓈抗志斲冰雪靜言思奮飛回瞰西子湖霧鬢隱輕絲遐搜
近復失境轉意忘疲遠寺帶金碧比屋紛瓜離得遂曠然遊
應念來者稀營魂思偃仰裏糧庶可期

立秋日寄子讓用昌黎酬盧雲門望秋韻

三伏毒暑鑠肌骨蠕蛸布網封琅函凌晨翕赫雲氣湧陽烏
黯黹迥嵌嶮中虛歷夏得脾疾乍挹朝爽披重衫枯腔似得
一瀰力修鱗始脫重鈞銜黃頭叩戶持柬至赫蹠七寸高頭
緘中云有司試方急詩誦束置從夷芟君才清峻氣深穩排
風未試空潛巖入琅仙部泛瑤瑟九霞和具調金鹽昨者寄
我江樓句力追鉅手同詒謫釋卷歛衽重卻顧衆口已恐生
譏讒此才一出鼓神勇亭亭玉牒親雕刻有時譯出靈寶字
續梅里詩輯

卷三

五

入腸萬恠真宰監翳余才薄心怯薛嘗鼎亦足解口饒瀕行
苦語爲策勦鸛巢好友心同誠謂養真試席傲兀月初上遮莫
擊按歌擻擻

晦堂先生歸自豫章招同珠淵養真未孩少愷集山房
分賦

朔風吹墮陽鳥翼素雪紛紛明几席已看凍浦斷連船更覺
遙岑失寸碧先生一笑在巾車袖中徐出蠅頭書自言早歲
苦行役升沉閱盡雲烟如日歸敝廬拜家慶吁嗟霜鬢生麻
姑得失雞蟲不足道急觴且試開懷抱英英但睹新少年那
不顏容漸枯槁酒酣風急飄成團冰簪玉柱橫闌干忽憶前
年理游策編篷晨下毘陵山庚辰年事澄江一碧圍玉帶亭亭竊
執羅烟鬢先生聞言意鬱佛會度長城飲馬窟八月金河雪

打圍三冬青海風飄日人生聚散若不常何須整轡凌八荒
歸守衡茅返初服手課長鑿跨黃犢亦有子舍白華餘乍喜
糟牀春酒熟君不見六出飛花大有年但令瓶粟無罄吾願
足

古松篇題項

聖謨

畫爲沈懋壺賦

天吳翦取寒江濤飛落空堂雷怒號驚颺烈烈冷毛髮火雲
斂容焦烟消咄哉此圖出誰手曲蟠小印胥山樵古松狎獵
貌奇特勁氣直上摩層霄孤撐絕幹舒鬼臂澁旋敗甲現龜
鱗清蒼一望渺無際疑有老鶴千年巢奇材不蒙匠石顧鬱
鬱獨向山之坳秦爵九級何足數幽人長往甘蕭寥巨石旁
立勢怒攫竹影瑣碎抽風梢無多點綴實清絕不使俗物妨
孤標緬昔尙書富卷軸吳陸關童看不足墨林山人更嗜古

續梅里詩輯

卷三

六

直欲凌霄圖五嶽陋卻米家書畫船補就歐公金石錄須臾
一燼成焦土斷簡零籤紅籤斂畢章真跡失流傳粉本河陽
空緬邈至今天籟劫灰旁尙有幽魂夜深哭吁嗟神物歸沙
塵縹緲雲烟傳虎僕項叟放筆何淋漓酒酣一掃盡百幅畫
法直登作者堂世間俗手徒碌碌卽看尺幅光零亂鐵骨霜
姿森滿目我爲展玩心懣懣回頭尙憶葦園松白衣蒼狗多
變態風髯雨鬣嗟飛蓬安得好手爲描摹艸堂故物生光容
沈郎懷抱若冰雪此圖瞥見前賢風宏景院中生竽籟藍田
樹底陰秋空科頭狂叫長鬚奴藥船小滴眞珠紅更拂冰絃
調十指飛泉百道聲淙淙鍾山一曲成絕調千秋弦指疇能
同以游儘得烟霞趣何須杖策離塵蹤君不見慈仁寺裏雙
杏樹車如流水馬如龍

七月十四日集程抱樸三省齋用青邱翫月張校理宅
韻同王珠淵程思陶作兼懷錢北山

涼雲片片拖蔚藍青銀隱曜洗夕嵐燭花記曾昨夜放觥籌
試向懷中探眼前齒髮各已壯幸未斑鬢影髮鬢回頭竹塢

光炯炯白銀盤現金波涵殿上竊藥信荒渺囊中脩斧絕擬
參抽豪進牘隸故實分曹射覆懲叨貪須臾改席陳左城石

牀點墨交空嵌子猷雄辨折肌理側身東望俄詰誦語餘蟾
蜍緣碧落如彼脈望蛻紅蟬程子風度故藹藹抱也清泚

荆蘿龕陶思憶昔虎林紆歸權山莊結構同繭菴千松蔚鬱須
眉古旁栽嘉植標香楠迷濛一眺徑路絕背嶺窈窕環澄潭

是時恰當禁烟節意錢花鼓來村南垂髻新成簪穉柳嫁衣
乍試祈先蠶拖筇更覽亭閣勝遠規會景夫何慙囊書惜未

續梅里詩輯

卷三

七

來行藥纖塵不到靜味耽婪杯徐放盡領首客子棖觸窳餘
談僂指掛帆黃歇蒲試燈風裏羣傳柑彌衡一刺滅欲半馮
驩長欽歌行三中心拓落不成緒罷琴悵離情含賤子一
言四座聽荷衣急就停游驂溪頭老緞曰送客樹猶如此人
何堪江鄉風物况不惡蒹葭披雪夢寐諸北隣詩人有錢起
坐客履滿真奇男孤情勁氣世莫問藥鑪經卷義所甘田廬
有咏愛彭澤涓城無取吟何哉桐溪屈曲長水邇詩筒還往
資研草安得羽衣鞭秋駕北山一老同宵酣五花合隊酒兵
整更斫月桂枝麤麩

書李家莊旅店壁用昌黎山石韻

驚沙蓬勃艸樹微土屋斷葦當簷飛斗柄乍轉寒尚峭過汀
未見梅萼肥釋策投寓如脫險擁爐設餅知者稀憶昨初經

五臺路哀鴻徧野啼朝饑此間已覺風景美春帘幅幅飄山
扉驅雞膈膊散朝景吹竈幕歷亂夕霏輕裘暫頓心已折頰
視腰帶乍減圍離家兼旬隔千里緇塵侵鬢上素衣灌園世
業樂莫樂何事束縛掉鞅鞦鈴聲且莫五更墮容我殘夢江
南歸

臨平道中同王蕉園鴻字作

客思全披豁拓窗明翠微亂帆喧渡口宿鳥傍苔磯石鼓崩
沙出山泉古寺圍還期藉花發涼月放船歸吳中

懷存卓弟虎林

見爾臨安札頻年心事違抱琴誰復聽乞食計全非犯雪尋
蕭寺分襟認落暉廬陵江水隔更覺雁書稀時值兄留豫章

紅蟬招飲

續梅里詩輯

卷三

八

旅食崢嶸秋思繁喜從素侶倒清尊當窗水墨浮圖畫拂帽
寒香點石根南渡風流齊物望西陵文獻故家存翦鏡重作
明湖約一角青螺帶雪痕

贈許晦堂四首兼以送別

朝來遊子欵柴扉五載離情手重揮海內論交憐我在吳中
詩格似君稀佳兒膝下誇文度香茗閨中惜令暉君甫悼亡好是

北堂春書暖咳蘭馥郁上征衣

匹馬當年短後袍長河落日指臨洮孤臣舊墨迷沙雁公子
愁心惣寶刀急雪三城邊騎入暮笳千帳錦筵高至今紅柳

秋風曲

君以尊先公總戎事留邊數載著嶽煌集紅柳秋風集中句也

譜入佳人碧玉槽

鄱陽岑接楚山隈杖底寒潮萬壑雷九派雪深鄖子國雙江
春轉大孤臺頻年踪跡歸長欵幾度風濤遣濁杯卻憶滄洲

坐吹笛神魚驚起夜猿催
呼兒問字叩山堂萬卷編摩手自藏脩竹半村成小隱兼設
一水宛中央消寒有句愁先豁醉眼相看鬢各蒼便擬與君
堅後約三年更掃讀書牀

雜感

治河旌節下雲霓保障東南控制齊欲挽滄波歸北海翻教
瓠子潰金隄五丁夜鑿鯨魚怒片碣晨開澤馬嘶簫鼓樓船
邀一盼江干尙說庾征西
回首神州災異多滄江白日上鼉鼉連錢沙市馳封版耕父
清吟嘯薜蘿風急潮吞彭蠡月秋高木落洞庭波吾鄉差喜
膺天慶紅稻如坻掛綠蓑

皋亭懷古

續梅旦詩輯

卷三

九

喬松夾道勢氤氳此地曾占五色雲怪得浴龍池水涸皋亭
山下伯顏軍

桃花塢口花空妍迤邐南山佛日邊小雨吹沙春落莫扣舷

爲弔杜樊川

相傳南山下有
唐杜牧之墓

題王甥文也種菜詩後

倦圃自稱鉏菜叟先公會賦十章詩寒夜訪君開雪圃紅芽

碧玉發華滋

春初秋末意如何曾爲張郎按七蔬好待嬾儒拂東絹

謂魯
菘

菜根圖就理香鋤

金蓉

蓉字衡一號采江乾隆己丑進士翰林院編修有青

岳詩稿

詩話編修入史館未久丁世憂後不復出山詩近金
風亭長才藻高翔七古尤勝嘗補正楊氏曝書亭詩
註惜未定稿

遊審山

微風吹蘋未鼓懼清溪灣溪雲一以散忽露青嶽顏亭午巖
峽口策杖窮躋攀衣染嵐翠濕屐破土花斑高標跨穹漢金
碧紛編爛法鼓時一鳴抖擻禮花鬢逕轉絕人迹漸覺塵緣
刪山桃花漠漠山鳥聲喧喧危樓居山半一片春雲閒惜不
攜酒榼爛醉青冥間憶昔登岱嶽舉手叩天關精神四飛揚
詎知筋力孱玉女顧我笑剛風吹我還不逢安期生焉能起
人寰半載臥荒村山水緣何慳愛茲雙螺髻窈窕亦彎環雖
無瑤草拾差足任疎頑振衣發長嘯響答水淙潺卻顧所來
逕遠近夕陽殷惆悵芳菲歇蒼茫歌下山

續梅里詩輯

卷三

集草堂賞梅分體得暗字

宿雨收平林卷幔風日豔庭前雙梅樹一一芳英挾風輕入
淡無日夕破昏暗新月掛纖纖冷若孤岑占欲洗渴肺肝應
和冰雪啖有客不速來發坵倒清醞枝橫翠羽舞影落紅螺
泛停觴復抽毫各各精研探質本異鉛華句亦戒渲染况我
寂寞居忘言意彌淡卻顧素心人相看總不厭何妨車轄投
儘教酒債欠

題王東溟先生谿南漁屋圖

東溟先生大雅才凌雲健筆超鄒枚白頭還作諸侯客銀燈
高館紅蓮開竭來襍被倦行路登樓每憶仲宣賦鄉心迢遞
一夕生隨風吹挂谿南樹谿南舊業無恙在水冷冷兮石磊
磊
若祐昔年相對詠梅花至今老樹猶紛拏急磨生絹描橫幅風

四面搖空綠釣竿一拂碧雲環數片飛來檐際宿客來披
圖重摩挲先生意氣何消磨只今高名動寥廓底事生涯寄
綠菱年來蒙亦事游歷山月江風耿相憶歸時卻值鱖鱸肥
瓜皮小艇撻輕碧谿南谿北烟水通沿谿十里看秋容筍鞋
櫛笠紫荷筒一笑相逢天隨翁會當載酒日來過撈蝦鬪鴨
我能從

題十八羅漢圖

吳生灑墨妙無敵開元寺壁眞容傳後來貫休亦神俊至今
訶林手痕鮮平生嗜竒迹未到鍵戶神遊同枯禪客來示我
圖一幅摩挲不覺空塵緣石闌翠落杪擺樹雲根風溜阿耨
泉或縫破衲參妙偈或翻貝葉融眞詮波騰萬疊一葦渡衣
被七寶五雲旋就中一僧神最寂心睡目睡如惺惺世人夢
續梅里詩輯卷三

士

題邨居小憩圖

夢不復醒咄爾大覺翻長眠俗眼幾會見眞佛誰歟貌出孤
光圓想其凝思筆未下空中定墜青花蓮我聞詩人妙佛理
前有摩詰後坡僊蒙也時亦得靜悟小牕長繞博山煙還君
圖畫仍兀坐天橫一氣冰輪懸

高人習靜清溪灣宴坐日對溪南山山頭老松作龍吼白雲
片片紛迴環此中眞意知者少盤礴林間事幽討衆芳搖落
氣蕭森卻訝空巖春獨早春風一夜吹南枝疎花冷蕊光參
差相於結此歲寒友掀髯長駐冰雪姿看君託興迥超俗置
身宛在逍遙谷比隣詩老倘過從正值糟牀酒初熟

催租行

京鄴野老慘不樂狀如紇千山頭雀飢來乞食走荒村逢人

欲語聲先吞云自三秋黑髮舞田禾漂泊假黃土上官蓮草
報有秋縣官徵租苦未休斯時出亦愁入亦愁朝行北山麓
暮宿南陌頭阿婦已填溝墜死阿女遠隨估客舟家有黃口
兒不知今在否仰天一慟淚交流悲風蕭蕭起長楸君不見
官衙對雪張高宴里胥持帖下鄉縣

題吳興欽右軍印譜後

西京六體不復試蝌文鳥跡同紛麻後惟官私大小印籀斯
遺法還交誇豈知古人妙游藝在奇而法正而葩紛紛貴耳
不貴目坐令異蹟韜其華吳興欽君雅好古篋藏金薤何紛
奢周秦以來閱千禩玉光流血銅生花博羅犀象石五色經
兼兜虎麟辟邪鑿如九方臯相馬廐中真見太乙駒復如顰
心露真態毋許東家爭妍夸錄成未許凡夫賞古香日夕縈

續梅里詩輯

卷三

十一

窗紗吁嗟宣和舊時譜一顆不數黃金車流轉海壖復何有
寶珠麝粉隨風沙姜王吾趙善著錄文何繼起法彌嘉吾
前輩揜羣雅白榆父子妙無瑕奚囊檢點得遺刻風流欲絕
生長嗟欽君操鑿裁偽體定使前哲相吟呀只今秋風下木
葉青青石氣飛周遮深巖古洞貯靈異我欲蠟屐探幽遐急
持此編挂笏竹上薄崑龍下淵渟不須黃神越章印卻走猛
虎驚修蛇

題沈上舍問津圖

我昔夢入神仙洲松花亂落蒼嵐浮須臾白雲掩山麓滄波
滿地風颺颺夢中掉頭不肯住醒時卻失去時路披來橫幅
幾沉吟依稀記得桃源渡渡口雲林何迷離神仙有無不可
知陶公寓言世莫識令我重歌昌黎詞君今問渡意何屬青

衫聊染山水淥荻蘆兩岸夕照遲風前試聽滄浪曲

送人歸里

薊門七月暑氣微酒塵雨過風吹衣空階乍驚暗蛩語離心
已逐初鴻飛松陵才子意慘淡朝來別我欵雙扉自言年時
迭躑躅今當歸採山中薇嗟余踈踈長安道如鳥翦翩駢銜
磯峻嶒病骨厭奔逐晨夕素侶長因依卽今輦轂盛才彥鄧
林一枝君庶幾壁牋摛繡色燦燦拈毫吐蕊芳馡馡金徽自
足厭箏笛鐵網乃復遺珠璣蒙莊濟物善持論何用蹙額相
獻歎看君掉頭去亦得吳船三板疾如駢水村老屋臨浦激
高梧綠篠環烟霏紅菱香膩翠葦滑白鱸鮮脆黃雀肥江鄉
風物洵足樂免使猿鶴紛嘲譏我今欲歸歸未得秋風燕市
酒徒稀明年訪爾虹橋側釣竿共拂青苔磯

續梅里詩輯

卷三

三

題琴鶴圖爲巽齋作

雲根峩峩插穹窿飛流倒瀉蒼嵐中綠陰滿地發清籟素矜
一洗塵緣空吾家仲容青雲器少年吐氣如長虹千金散盡
不復顧長嘯何曾悲途窮建康山色勾留好壁蘿裊翠巖花
紅間攜綠綺坐磐石天風泠泠生梧桐林端吹墮雙白鶴興
逸直追孤山踪清徽一奏無人識坐使雲烟空溟濛我聞黃
山奇峯三十六上有五鬣盤蒼龍崖光日色互虧蔽清飈急
瀨相琤琮問君老屋無恙在開軒面面青芙蓉芒鞋一輛恣
盤礴羣仙往來相逢勸君招鶴抱琴去曰歸曰歸我能從

題沈葉舟

世昌

耕隱圖

與君六載別展卷滌煩襟十畝野雲合一犁春雨深
耕應有綠招隱爲誰吟笑我勞勞者何時息漢陰

雨餘

簷溜滴初靜清颺生碧虛雲停深樹杪鳥語落花餘遠寺一聲磬空庭半榻書坐看春水漲垂釣意何如

畏堂表兄新居

移家愛住碧雲灣時有清風到竹關
逕草春融翡翠點牀書香麝鷓鴣堞人傳洛下東西屋
花放淮南大小山更喜孟陽居不遠

謂盤客表兄

日長笑語奉慈顏

送李大表弟禮遊閩中

笠館清樽興未闌朝來離思滿江干
孤篷雲外行人遠雙屐天南碧草寒
仄徑千盤緣絕壁跳波三疊下危灘
百年講席留餘韻知爾臨風感萬端

題李曙園表弟小照

續梅里詩輯

卷三

十四

蕭然垂橐賦歸來蓬轉天涯孰愛才
夜月黃河空擊楫秋風燕市獨登臺
舊圖重展驚霜鬢好句新拈付酒杯
無恙溪山堪送老休教笠笠染塵埃

崑山雜詩

聞說航遊陶水仙秋風江月放吟船
如何更效燃犀客枉付摩訶葬墨泉

過江人物總偷閒獨有龍洲血淚潛
詣闕陳書竟何益孤雲淒斷馬鞍山

題某上人圖

青鞋布襪徧恒沙水涘山椒閱歲華
天末孤雲渺無定春風吹老寺門花

辛苦津梁已倦遊年時振錫返林邱
攜來一片峨眉月照徹

南湖煙水秋

旅窗雜咏和石蘿舅氏

袷衣初試帶圍寬瘦影蕭蕭並玉竿一臥滄江歸未得秋花
空向客中看

登山試一彎

金陵送春

晚晚春光似故人客中相送倍銷魂落花風裏匆匆去剩得
青衫舊酒痕

幾番風信到宋恩較綠量紅寄小詞一事差贏劍南老未曾
負卻牡丹時

木蘭小艇漾輕波樂府猶傳子夜歌寄語飄零吳苑客秦淮
續梅里詩輯

卷三

十五

芳草近無多舍弟諱曾自吳門寄詩有吟殘吳苑
死襟花瘦夢到秦淮芳草多之句

客金陵送人旋里

士衡北邁懷道渚小謝西陵感遇風羨殺歸航多樂事聯牀
共對一燈紅時令兄南來同返

石城橋下水冷冷撥動鄉愁醉易醒此去故園風日好蕩花
開遍鏡香亭

天涯同調日相求未必長卿竟倦遊記取河梁霜月白遲君
共醉秣陵秋

失題

寒雅枯木梅花渡亂水殘陽茜草徑踏遍春蕪青未了好風
吹度柳州亭

題王處士

履仁

秋江返櫂圖

重憶紅亭話別時尊前楊柳正絲絲吟船到處勾留好不忘

江干舊日詩甲子春君以春江語別圖屬題有憑君更染荆關筆寫取秋江返櫂圖之句

題沈上舍世德烟江結網圖

小長蘆畔足洄沿最是耕漁樂事偏讓與君家分占取一犁

春雨一篷烟令弟葉舟有耕隱圖

消寒圖

羊家靜婉舊知名絕勝春江打槳迎小閣爐香圍暖玉任他

風雪撲簾旌

王肇基

肇基字履仁號鏡香

詩話鏡香善白描人物嘗各金臺自畫清宵見月圖名流多題咏蔚心餘尤重其品藝

自題清宵見月圖

續梅里詩輯

卷三

六

明月出高林徘徊照幽徑臨風歸思深此時正昏定

李蘭

蘭字香林號采芝觀察我郊孫乾隆己亥恩科舉

人有采芝吟稟

香沁詩話余幼時聞族祖母查孺人課子最嚴日稍晏起輒加鞭扑即入膠庠後猶然先生奉事二人亦極孝惜年壽不永僅一舉孝廉而已文筆凋儻排稟詩體亦俊邁不羣足嗣漁洋遺響

融按采芝就禮部試歸中途聞父計痛不欲生時霖雨彌月洪水暴漲兼程以進既至家卒以哀毀歿

觀周忠介公行書真蹟

高閣攬墨妙晨曦照清豁筆法既端莊詩情亦超脫忠介昔

善此緬懷心惻怛往者天啟年委鬼騎鷓鴣聞狡客內煽忠

夷奸盡拔扼克繇太猛固寵愈難奪格主有轉圜諸賢亦迂

爾時雖君未正賴此國猶活太常松柏操羣小鼠蟲齧志已

託江湖死還對廷闈夙昔忠義氣彷彿蘭紙末夜半精光騰
書林皎秋月

秋水歌 秋水鏡名

秋水秋水會藉爾以覓羅明光之文錦拭爾以瓊粉金屑之
精液臨波皓璧輝華池照日菱花上素壁秋蟬閣中素心聚
一良宵鯨飲鯢籌錯筆花漫爛冰紈精竹影瑣碎梨雲白一痕
蕩漾瀟湘秋酒醞燈檠相映射三年雪案濯吟魂一旦冰輪
失精魄鑿影流光今已休慢藏誨盜古所責幸勿入纖兒手
徒寶康瓠固珍惜幸勿照少女眉綠窗粉黛恣狼藉吁嗟乎
物既亡去遑惜他空餘月照芙蓉席

張梨谷以仇十洲設色羅漢圖見示并索長句

十六羅漢傳神奇古有作者禪月師後來能事復誰屬龍眠

續梅里詩輯

卷三

七

獨有李伯時仇英繼起亦楚楚神佛莊嚴得妙處敢稱撻足
先驂驅猶列附庸比邾莒仲蔚先生好古者素絲示我南窗
下九天妙相一十八如玉出龕金出冶降龍伏虎者二僧三
僧坐樹台看經石邊五僧或披册或持蕉葉祇半形欠伸補
衲各有態更一塵尾憑疎櫺一僧又手氣勃勃一僧長眉光
熒熒恒河沙遠波冥莫蒼筤樹古花瓏玲踏蘆破浪二佛子
後隨一衲停沙汀已懷彼岸者三衆持鉢擔笠風清冷內中
一僧頗寂滅不動不語含淵亭雄妍少壯出渲染袈裟刀尺
勻丹青聞生白描更得古人法華嚴變相足以破昏矓江邨
銷夏錄中曾載之迄今昆明池灰遭殘劫不如此卷尙完好
錦繡繡褫出玳匣整衣瞻仰喜欲狂還君寶物情低昂圓光
夜半照夢寐時時來到溪北堂

古藤精舍牡丹歌效蘇長公體

梅花如靜女環珮非人間菊花如瘦姬瀟灑露風鬢不如牡丹獨豐麗停勻骨肉妖且媚玉環飛燕各有態取彼舍此譏偏慳古藤精舍有數本綠苞何必移房山東風昨夜太狡獪裁紅翦綠光爛斑閉門旬日苦脚病尺步疑上青雲艱不然此時好風日誣花酌酒相循環采衣倦舞風狎獵晚管巧奏鶯間關譬若後堂列衆豔裙襦拖錦圍芳顏村北村南隔咫尺有此不賞足可惜風流未及水田衣十日花叢領薜澤

錦瑟歌

佳人彈錦瑟嬋娟對房櫳締囊初開煥朝日素手拂拂揮春風冰絃由來二十五吐絲每羨春蠶工春蠶吐絲三月莫巧心宛轉亦良苦女紅妙手始製成一絃比以數十縷置向金

續梅里詩輯

卷三

七

徽玉柱間細捺斜勾再三鼓長風天半奏雲琅空山無人叫鳳凰調高易哀絃易折斷裂不復成宮商此物成敗信有數人生那得忘其故新絃縱使繞指柔豈比舊絃久相傅明珠已毀豈復全金鏡已缺難再圓安得麟角鳳菊之膠重綴連一彈再鼓冷泠然新絃那及舊絃好棄置錦瑟勿復道

頂易菴畫松長卷歌

古者畫松重畫骨不取擁腫取兀突古者畫松同畫鬼不貴秀麗貴奇偉畢宏韋偃妙不傳誰其繼者沈石田胥山樵叟亦擅此百餘年來稱絕技我今柘湖艤輕篷故人展示晴窗中繭絲煙篆色娟好何必宋元始足寶老如虬奮鱗之而矯如鶴舞羽稜褱壯如銀濤怒噴擊咫尺驟驚雷雨墨霜皮剝落撐青銅長風謾謾搖蒼穹十株五株皆安置一縱一橫各

稱意吾聞泰山五大夫輪囷車蓋東南敷胥樵嗜古愛登陟
手撫目縱心神翰爾乃潑墨發奇穎解衣磅礴任馳騁一時
畫工盡退屏披圖恍見歲寒心羞御碧桃與紅杏

三叔祖自邗上歸得蔡忠惠洛陽橋碑搨一本見示因
賦

南村詞老風格奇平生三絕書畫詩五年一返淮陰棹披篋
示我洛陽碑卷舒正值天霾曠朗如秋昊開晨曦想公典烈
振采筆畫堂醉墨揮淋漓詞源袞袞波濤涌珠璣磊磊雲錦
披筆可透石石背裂神力恐有兵鐵支昔聞萬安之渡水波
惡誰能一手援傾危長橋如虹臥百尺公肯不惜萬金貴大
文獨撰記功德勒石橋上鐫磨施蠻煙瘴雨不剝蝕寶若周
鼎竒尊彝謫仙嗜古如食蔗倒尾不肯棄置之此碑珍護勝
續梅里詩輯 卷三 九

妍姿
春日讀書邨塾春伯弟札至訊余近况適覽白太傅詩
竊效其體以答之

郊原春事也相宜閒向東風步履遲鳴綠水添一二尺猩紅
花發兩三枝偶臨快雪時晴帖更咏餘霞散綺詩聞說橫山
峯極秀往來擬借短筇支

瓶梅效元人謝宗可體

越窰瓶色翠琅玕
取瓊姿露未乾
煙影怡隨燈影遠
一分須作十分看
清能如此詩俱瘦
香祇無多夢亦寒
昨夜東風吹急
兩枝頭已先小窗殘

懷古

爭長雄風冠九州珠槃十二狎諸侯網從越客千絲結腸斷
吳姬一笑休芳草難消亡國恨垂楊不散館娃愁浣紗溪上
年年月猶照胥門水北流

仙人樓殿鎖晴空結綺臨春閣道通十二金釵朝度曲三千
鐵騎夜嘶風瓊枝寂寞凝煙碧玉井爛斑鮑淚紅千古清溪
鳴咽水分明猶恨舊行宮

馮李冶春詞

參差水閣烟邨路下上荷花紫草田好與故人同負鋪月波
買酒此中眠

小閣低臨學繡濱門前碧玉水粼粼珠簾翠幙春何限定有
山山畫裏人

續梅里詩輯 卷三

魚樂國前波渺渺釣鰲磯

三

魚樂國前波渺渺釣鰲磯畔風徐徐竹枝唱罷不歸去細雨
落花春捕魚

綠笠青簑倚短橈賣魚沽酒儘逍遙一分烟雨三分水舟繫
春波第幾橋

李 雋

雋字存卓徵士良年曾孫邑諸生有樸溪詩鈔

許茂才

燦

歸自豫章伯兄敬堂招同楊未孩諸君飲觀

權山房

清冬凜凜感歲華細腰臆鼓紛椎擗拓窗起看迴風舞翦水

六出成天葩谿南伯氏新斲熟招尋裙屐來蒹葭余方聖湖
且征棹君亦章水初還家相逢一笑撲塵袂具言弱歲天之
涯湖颯風鬢暮雨簷北海燕塞南若耶卽今鶴嶼偶投足連

年雙井試烹茶望雲杳杳鄉樹隔歸囊歷歷詩篇奢殘杯冷
炙吁可鄙冰蔬雪菌欣相誇須臾風高雪轉急千條寒玉垂
簷牙卻思舊日彭門道草驢秃尾隨風沙堅冰在鬢十指痠
冷光撲面雙瞳花困投野店路旁宿那能紙閣輕幃遮十一
月實五年還往桃花隘筍輿欹側驚谿舂山魃時聽巖底笑
虎偃更作嬰兒呀忍寒犯雪侵晨發濁醪荒徑何由賒丁丑至辛
已俱客甌陽每乃知嘉會不易得雲萍聚散空咨嗟鵝兒拍
浮鸚鵡杓百壺傾倒巾冠斜銀光鋪几淨如拭爭歌冰柱兼
雪車我吟短什愧龜蛙申章柳備偏師加

續梅里詩輯 卷三

香車與雪十數韻申章柳備偏師加
行囊頗似百壺酌酒巾綠絲與冰脆八竿吹埽年深木出葉
日餘容歸尋章式取嘉會不易得雲萍聚散空咨嗟鵝兒拍
浮鸚鵡杓百壺傾倒巾冠斜銀光鋪几淨如拭爭歌冰柱兼
雪車我吟短什愧龜蛙申章柳備偏師加
命世對酒與新詩困裏視世相等客醉前誰與醉
夕思舊日楚門數草繩系乳夢風何理水香
夕思舊日楚門數草繩系乳夢風何理水香

許燦

燦字衡紫號晦堂參戎雲龍子邑諸生有晦堂詩鈔
 詩話茂才天性耽吟弱冠卽主講嶽煌歸游巽府旋
 理行笈近而茗雪於越遠則入閩西江樵川皆有講
 席搜奇瓊勝發爲篇章有嶽煌擊汰羣凡錄三百餘
 晚年執耳騷壇繫心桑梓爲梅里詩輯凡錄三百餘
 家視李選爲備儀徵阮文達公嘗謂梅里自竹垞太
 史爲大雅扶輪提唱羣彥一鑑相續得晦堂而繼起
 有人詩輯之功在藝林與沈述之先生鑿並行世而
 掌故之傳今詩輯得已侯朱述之先生鑿並行世而
 當湖胡昌基所纂續梅里詩輯錄取朱朗詣吳越詩選徐從
 緒會按晦堂梅里詩輯雜取朱朗詣吳越詩選徐從
 之編約集褚鹿堂梅里唱和王抱山就雲軒唱和釋
 搜林分栢山房偶編以及見聞所得者周莘楚周邵
 庵金子衡李道傳徐蘭舟楊彥遠周元夫及晦堂仲
 兄正扶皆助爲蒐采編纂三十餘年前輩有杜春洪
 名若吳秦生吳仲發名維鏗沈子儀前成英洛瀾洪
 刻有測厰遺集均以不得其隻字爲憾又有洛瀾樓

續梅里詩輯卷四

一

詩高山集入蜀詩不得作者姓氏未及錄入附誌於
 此晦堂又有春風錄載梅里交游最詳多爲梅里志
 所采
 融汝胡昌基續梅李詩繫三十九卷自天國初迄嘉
 慶丁丑得詩一千九百餘家向藏嘉善黃太初芝青
 師家旋爲平湖朱小雲觀察所什襲今秋與王芑亭
 茂才借往借鈔得全稿亟議商付手民刻可喜也丁
 丑迄今三十餘年吾郡詩人已逝者又復不少尠更
 續爲采輯

將赴甘州留別

駕言出門去去居延陞居延豈云遠我心多傷悲殘秋氣
 蕭索匹馬倉皇馳弧矢固所願親門忍乖違古人感將母藜
 藿時念之念之竟何益此行詎能辭願言加餐飯三歲爲歸

期

羣鷹忽相失一鴈裴哀鳴物微豈足道感此中宵聲繫余本
 欲士二十身無名伶仃遑急難維持仰諸兄一旦去鄉國羣

情
處變孤嫗乖離誰不惜況我同根生意慮不終逢此時難爲

庭花殊姣好當別無顏色念我道阻修欲留不可得亦知聚
爲歡豈曰好跋涉離筵且乍開征舸暮俄卽揮手自茲去武
威更張披我馬非八蹏君身乏雙翼安得長相逢言之增大
息

蓬蓬天際雲分飛各西東合者一以乖別去何時逢東髮事
交結所期白首同當杯發長嘆四野生淒風贈言不在多含
意無終窮茫茫天地間我獨爲飄蓬相思邊月苦愁上三危
峯

甘州述感八首

弱冠去鄉里控轡臨邊州我昔誕生地于役此重休曩今旣
續梅里詩輯卷四

卷四

二

殊候衰盛可自由春風吹舊林寓目含新愁眷言懷先德涕
淚交頤流

吾家守儒業累葉爲清門先人出童龕文藻雄詞壇十七不
得志翻然厭儒冠聯翩青雲上二十陪朝端三十仕興漢四
十辭長安甘州實要地三品非卑官如何清宴朝邊境猶艱
難

居延鄰絕塞澤旺忽跳梁王師事撻伐鐵騎踰燉焯孔道

駐營壘大吏坐堂堂道遠馬罷敝願易輒中良是時甘營卒
西征正相當言出衆志怒倉卒思披倡怡顏告大吏嚴氣靖

戎行千言辨反覆事寢安故常上以勤國事下以全此方
慷慨報國計老成濟時才籌邊策縷縷制勝謀恢恢經權酌

今古事勢陳精該書成上執事郵筒積塵埃矯矯劉中丞

傾心歎殊材貽緘持鄭重願交締陳雷檢觀篋中藏撫
鷹有餘哀

中堂喧擊鼓飛符夜深到輓輪利用駝徵債爾惟効奇貨民
間居成賈詎能操眼前雖可醫身後非所料當時急公事臣
職奚足道司農覈贏餘本以懲不肖吁嗟夔牖間有懷向誰
告

軍書日旁午食息鮮甯晷不暇奉旨甘況復顧妻子任重身

自勞心竭病肯起痛哉書不報不遂馬革死

先人上書請効死疆場賁志以

沒 藐余未三週終天恨靡已郭門出截髮白衣冠載市嗟彼
征者妻哭送不能止感人一何深桐鄉得母似

有司給軍食出納弊所生信手作高下往往起鬪爭慨焉申
良法用概始得平宿弊一朝革非徒惠邊營此中有經濟弭

續梅里詩輯

卷四

三

釁在未成

重來念疇昔事往十七載桃李不更榮日月肯相待常時少
壯人十室九何在南山自峩峩北河自浼浼摩挲墮淚碑呵
護得真宰負荷恐未能庶幾策駑駘

呈香樹先生

昔弭關隴駕馬首迎華山拔地五千仞絕頂誰躋攀平生見
培塿於焉快殊觀偉人鍾間氣嶽降非偶然功名在史策山
斗昭人間奇才元祐蘇鉅儒元和韓一時賢達士大都歸其
門乃知休休心四海納百川一登畫錦堂復觀西嶽尊不得
九節杖曷窺玉女盆

弱齡操翰墨幸生風雅鄉雖乏振綺才結習未能忘井蛙窺
淥景窗蠅鑽末光精理徒恍惚岐途獨徬徨詎知蓋代手萬

象爲文章起衰匪異人作者遂升堂不虞驚駘鈍豁然示康
莊終慙伯樂顧矯首冀騰驥往者良已晚來者庶無荒

題諸同學詩卷

菊墜篤摯人平生重然諾詩境亦爾爾苦心得沉著熟精草
堂集凡響本不落尤工體物篇吾儕特糟粕

朱翰宣
王路

蕉園畧形似超超露神明天然絕綺靡流動無俗情沉思木

葉脫得意秋山清不見今三年中有比興生

王鴻宇
澄之

墨巢短小姿天才特雄驚放筆學昌黎往往闖其奧卅年積

蘊輟意氣轉排真世無相知人濁酒恒自勞

李宗淮
桐源

北舫善論古其識高於頂不顧俗耳聾雄辨目炯炯著作雖

無多超然絕畦町碧山人欲來生氣動溟滓

陳其源
自天

樵客清華選遠遊未能息楚水淨聰明燕雲振風力寄我古

續梅里詩輯

卷四

四

今詩窈窕見顏色篇終有餘感失意無南北

朱景億
南湘

閨齋諱言詩悠然悟詩理酒酣耳熱餘跌宕果自喜月曙淨

秋林潭空瀉春水吁嗟詭癡符老不喻斯旨

王章
鏡光

道山亭

龍門紀神山欲近輒儻慌此猶噉士名虛聲出標榜何如無

諸城三山峙森朗縱眺茲亭宜乘間一筇仗涼隨白鴈來天

挾滄海往羣峯雨後歸孤島烟中上靈區亦人境勝遊非渺

茫載拜南豐碑瓣香矢宗仰

鄰香臺

題名徧崖石斯人安在哉大笑不能止獨上鄰香臺抗手招

長風浮雲與之來雲浮忽以散風長豈復回滄溟極東顧飛

濤卷驚雷微茫辨點墨焉知非蓬萊左摘扶桑榭右浮瓊水

杯誰謂身世棄祗覺襟宇開愜我山水癖遑爲古人哀

鼓山

攝衣石鼓遊巖翠紛在目導我萬松樹奔濤振寒麓磴窮雲
適開紺殿聳虛谷駛雨如欲來江光溼蘿屋勞前峯特奇賈
勇策筇竹天風挾海勢寒盛不可觸混混一氣中夷島眩東
矚浴鳳去不回洗空尙靈瀑探奇豈無侶會心各成獨下就
老僧居夜分譚抵足

考亭琴澗

泱泱幽澗鳴隱隱空山響如聞指下聲天地爲清曠境以賢
遜超迹奈風流往緬昔撫漁根遺琴鐫
漁根字蕭然寄遐想擊磬世
莫知揮絃復誰賞徽軫已寂莫元音自鼓盪游心太古初洗
耳泉流上臯禽警蕭晨獨立秋月朗

續梅里詩輯

卷四

五

訪橋李城遺蹟

志稱縣南四十五里去破石十五里舊
經并記其丈尺高厚必非無據杜君卿

則謂縣南三十七里未知孰是黃省曾作
贊乃以郡西三十里本覺寺當之謬矣

故城昔保障言言久頽倒輿圖披再三訪古積襟抱紀載紛
異同隋尋適何道緬雜春秋季茲鄉特爭擾弱強勢迭更恩
警事難了地推越何棲蛙式吳已沼驕駭固速亡詐險豈常
保雄圖旣茫茫遺墟亦渺渺南邁獨徘徊四顧迹如埽滄桑
本無常傳疑闕退討陋彼作贊者奈何勿深考

述懷

弱冠嬰旤患慷慨事從軍飲馬長城窟嘯雪祈連山激昂盛
意氣萬里不苦艱歸來拜慈母思子成衰顏始知遠行役難
得親心安擺擋四方志幡然愛晨昏雖乏旨甘養菽水良所

譏來不能遣菽水豈易謀賤貧天性薄稍作江關遊縱違子
舍侍歲時命歸舟奉觴博一笑可以祛百憂有風自北來趣
我趨洪州彷徨起中夜達旦不自由吾欲叫閭闔天高雲悠
悠

詰旦戒行李送者俄充閭淹留豈不孰何由待斯須自我行
有期老母常嗟吁於時哭失聲執手語模糊臨別尚如此別
後當何如人靡不有親乃獨爲饑驅寄言好遊者得已宜歸
與

草坪

山行始辨色出郭迷遙邨清霜澹茅屋殘星光在門盤空盪
寒氣迎面來朝瞰蛇行抱岡曲忽若赴壑奔遠懷多溪古近
睇玉斗尊仙蹤渺何在漠漠風沙昏犖确石徑仄漆林鬱以
續梅里詩輯 卷四 六

貴溪

赤城壓湖濱延衰勢迨壯輕航度曉郭連山遠相向合離斷
續間靈怪不可狀躍躍如欲來止止竟孰抗象山讀書處秀
氣不凋喪仙巖居者誰洞天故無恙遐征愛冬晴應接神亦
王暖蒸山翠浮淡冶春不讓天宇爲我清烟開顯羣嶂山靈
應笑人倚舷但怛悵

石鐘山

靈岫不幽深巍然倚烟郭何來蒲空吼噴屹客篷落水石激
無清佳名欣有託含精腴不枯秀氣蘊巖壑危磴凌虛空反
顧懼失腳青餘不斷山江湖際寥廓我行忽逾旬筇杖未有

著匡廬積壤抱終被遠公御勞人天所矜償以山水樂津鼓
催鬻鬻奈此風波惡

馬當

馬當天下列險適與狂飈會下碇依山根巉巖扼江介彳亍續
徑滑偏僂石稜礙數息顛迺躋一上風益大奔濤挾以驕白
日氣沈晦偏人爲辟易窮目但覩隸雕鴉不敢翔何論燕雀
輩行舟下上絕易遣客心悔孤艇爾何來橫江走瀚海起眠
帆貼水傾側船露背毋矜彼岸遠行險古所戒

永濟寺

過客非有期香界偶然得流傳典午餘劫火不會及地擅幽
奇兼古閱人世積娑羅月中樹何年此移植老木根崖間瘦
硬腴顏色末抄不自量上欲干霄碧快哉異境開徑絕出靈
竇梅里詩輯

卷四

七

三衢道中

寒色滿空江涉烟汎舟獨川將山氣夕風隨帆路曲雪嶺逗
微青橋林延遠綠迢迢宿何許離憂夜方續

春愁曲

桃花杏花開漸稀豫章城中春欲歸張天遠綠參差肥落紅
紛紛踏作泥粟留愛惜百遍唬雲母空窗烟霏流黃機邊
人非非停梭太息知爲誰吳蠶未老箔上饑纏絲滿腹空有
絲雙丸不定晨夕暉去適何所來何依天涯迢迢碧草迷白

馬緩勒黃金羈東風吹愁江之折春寒昨夜烏不棲
膺雛朝飛

鐵柱井

電光霍霍雷鼓敲真人挺劍逐老蛟劍鋒所逼風呼號敗鱗
殘甲曳尾跑失勢一落井千尺祝融騰焰冶精鐵指揮溟妃
鎖妖魄八索鉤連柱中植老蛟不出鐵不蝕陰雨慘慘泣有
聲今古茫茫黯無色高明大使神明通來騎金鳳去玉龍時
荷導前盱烈從白晝天樂迎虛空咄嗟老蛟亦神物但供螻
蟻飽泉下不逐雞犬飛雲中行人俯窺杳莫見惟有寒潭方
贅留仙宮咸通節使曾致疑畚鍤甫動江波飛陰陽制伏理
固微君不見神禹亦鎖無支祁

彭蠡阻風歌

續梅里詩輯

卷四

八

曳兒不得致身青雲上臺閣便合息影窮簷老林壑胡爲乎
出門如轉蓬南北東西苦飄泊彭蠡之湖三百里目力所窮
烟漠漠已驚上流大水發頗怪連朝疾颺作濂批不淨恣簸
揚篙櫓無功但錯愕烈風疑自船背生白浪倒從篷頂落心
知龍女出游戲隱見鼉靈快騰躍豈無羣山作砥柱翻爲狂
瀾助噴薄山中饑沈不敢唬空際盤離自云樂昨夜行商宿
左蠡巨舶十三一時溺鹽艘如屋戒勿開何況我船直秋籜
沈郎古思屏息葉生瘦嘆又聽船頭雨聲惡平生自動總淹滯
淡旬猶近南康郭我不希助風宮亭預文讖亦不愛稽首青
洪乞如願但得陽侯斂虐封姨迴推篷穩識廬山而十日之
留亦奚恨

漢唐紀功碑

周郎從軍越絕塞好古所至窮蒐羅古碑出見豈偶爾鑿地
竟得雙嵯峨叫呼合力百夫曳沙沉土蝕勞刮嵯頰鐫漫漶
屬巖失會意剝落重摩挲迺辨紀功屬兩代維唐貞觀漢永
和唐楷千字什存七漢篆反得全文哦亟求良工搨細細貽
我遠道馳明馳南窗展紙映晴雪快讀數過捐沉痾永和二
年秋八月呼衍王等尋干戈雲中裴岑燉煌守將兵誅馘歌
凱歌海祠初立表萬世遺蹟莫攷何山阿高昌國孱梗唐化
不異池水與微波奮威赫赫三總管摧彼精甲棄則那功成
旬日勒銘紀駢麗大抵傷繁夸惜哉殘闕費思索側想補綴
終慙他漢唐爾時正全盛文章亦復超曰科楷筆瘦硬篆高
古五季以下疇能過越數千載不終秘疑有鬼物與護呵考
稽歐趙漏收載太息金石沉埋多方今 王師討反覆蠹爾
續梅里詩輯 卷四 九

附錄碑文

維漢永和二年八月燉煌太守雲中裴岑將郡兵三千人
誅呼衍王等斬馘部衆克敵全師除西域之災蠲四郡之
害邊境又安據威到此立海祠以表萬世師漢

昔旬奴未滅寶將軍勒燕山之功闕越末清馬伏波樹銅
柱之績然則振英風於絕域申壯節於殊方鐵二騰鐵二
於千秋播芳猷於萬古者矣大唐德合二儀道高五帝握
金鏡以朝萬國調玉燭以馭兆民濟濟衣冠燁燁禮樂天

山而池翰傳地戶以靜幽都莫不解辨髮於藁街改左衽
於夷窟高昌國者漢屯田之壁遺鐵一之所居趙文恭卽
其首鐵入王歷洪入自皇威遠被稽顙中原之雖沐仁風情

讓首鼠杜遠方之職貢阻重譯之銀二肆豺狼之心起蜂
蟻之毒發徒聚兵鐵一攻無已聖上愍彼蒼生申茲吊伐
乃詔使持節光祿大夫吏部尚書陳國公侯君集交河道

行軍大總管副總管左屯衛大將軍上柱國永安郡開國
公萬均副總管左屯衛將軍上柱國通川縣開國男姜行
本等爰整三軍張行天討但妖氣未殄將軍逞七縱之難
百雉作固英奇申九攻之畧以通川公深謀間出妙思縱
橫命前軍營造攻具乃統沙州刺史上柱國望都縣開國
侯劉德敏右監門中郎將上柱國淮安縣開國公衛智錫
左屯衛中郎將上柱國高陽縣開國伯屈防左屯衛中郎將
李海岸開州刺史德衡右監門府長王進威等並率號
雄鼓岸而進以貞觀十四年五月二十日師次伊唔時羅
漫山北登里嶺一所未盈旬日尅成奇功伐木則山林殫
盡此砮則川谷蕩蕩衝梯鑿缺一百擔冰鍛一機檢一發
千雲飛躍之術無施公鼓動天地高旂蔽日月長嶽
一繼以中軍鐵騎直原野金鼓動天地高旂蔽日月長嶽
獨西域故述罕存勳都護之滅軍師空聞前史雄臣受天
彼獨何人乃勒石紀功獲諸不朽其詞曰於赫大唐受天
明命化齊得所功無與竟荒服猶阻夷君不定乃拜將軍
珍茲臬境其六奇勳思羣雄逞力陣門龍嶽一營嶽麗
星光旂明日月揚旌塞表振威四極其岷嶽峻嶺砂渺平
原塞雲冥結胡風晝昏長辰歲次庚子高樹吟賦一銘功
以下錄大唐貞觀十四年歲次庚子高樹吟賦一銘功
日辛卯瓜州司法參軍河內司馬以下錄

周九座上賦大德銅瓶

續梅里詩輯 卷四

野人開屯亦集乃銅瓶出見溝澧間入眼已嗟制度古拭土
忽露青花斑猪肝色久轉紅潤持獻枝官開笑顏正書九字
足邊凸大德三年七月日官造大德官造文班折枝欲插轉縮手盃
前弔古膽不豨杜鵑嘯徹天津月白鴈南飛氣衰瑟十六天
魔舞正酣紅羅障裏真人出建德宵奔劈正沉端明議散興
隆歇寶玉空留劫火餘都作金陵庫中物別駕山前鬼夜號
此瓶幸不終埋沒土蝕沙侵幾百載摩挲博得今人愛花枝
忍向此中看花開花謝增長慨

蘇農官

威虜農官姓者蘇紅玉作面銀作鬢堂堂七尺脩而癯少時
讀書不求解志在武奮羞迂拘酒酣手縛白額虎大笑李廣
非壯夫獨提千金迫羣盜刃擊刺攢頭顱鼠子齷齪乃敢

爾格殺不異屠犬猪意態雄傑膽力羸自謂將帥可立致數
奇所向皆窮途荷鋤驅犢氣凋喪中野仰天歌嗚嗚春秋入
十已有餘秋毫入眼無模糊丸泥作彈向飛走一發往往疊
雙鳥消磨壯心亦偶耳孫曾拍手爭歡呼今年戟門試馬射
伎癢亦復彎雕弧豈須攀鞍忽騰上磬控芟駕織塵無僕姑
九發必中的乞公暫緩愁鼓奴拱手少年今老矣馬前百輩
誰能如惜哉少壯我未見見此爲汝長嗟吁天生此材何爲
手

太湖

我欲登縹緲峯綠毛仙者行相逢我欲叩林屋洞靈威丈人
如可從不然木奴徧種山西東致富甯但通侯同嗟哉偏側
瓜皮艇子笱皮篷上有狂飈掀下有急浪衝具區週迴三萬

續梅里詩輯

卷四

十一

六千頃縱三百里橫二百氣吞溟渤混鴻濛我獨曲躬屏息
於其中仰見眾船來軻峨萬斛容尾橫巨網亘數里峭帆六
七飛虛空水中曲房不見水柁樓漁女雙頰紅約臂金跳脫
搔頭玉玲瓏塗妝綰髻高等天上坐笑指我船猶蠅蠓我船
利涉尙輕快愛汎淥水揚芳風柔櫓啞啞雙槳捷任意宛轉
花溪通豈如今日因簸蕩篙飛席舞愁舵工乃知萬物鉅細
各有宜違才易地皆無功嗟汝乘風破浪之長技但使移置
小湖淺水將無窮

謝徐可亭贈定武斲損蘭亭榻本

右軍神品脩禊帖千秋萬古不可階臨摹奚翅幾百輩獨數
定武本最佳定武之石亦有二較量不露纖毫差此碑昔輸
宋官庫眞鼎竊負驅瘦駟誰其易者薛師正刻損字畫甘識

排矯詔竟觸丞相忌重輦幸脫完顏董維揚兵火四郊偏督
發一擲瓦礫皆神司鬼守豈終秘世無識者甯長埋文光夜
起木蘭院二十八宿相摩挨珠沉碧海三百載東陽嵯節臨
江淮苾蕩絕幽至寶出天地爲之埽晦霾比方漢壓一角缺
五色欲補愁聖媧懷仁已死僧莫賞使者歸載蘭江涯後人
世守慎推拓縱有蠶客徒徘徊相傳昔遭令長賺肩輿疾去
如飄飄生憎耳孫當道索悍然作勢拋烟街斷石四五躡響
榻繚以鐵索鎔頑錯南州高士好遊歷金華仙洞騰櫻鞋談
逢收豎羊化石行逐雉徑松搖釵驟聞神物心忽動迫於甲
圻催陳菱經營慘淡得數紙細繚什襲行篋偕展玩時防俗
子矚長鬚會意重門闔物少爲貴合珍惜所至寶晉宜名齋
山陰道上笑謂我側掠努趨書全乖歲蕤啟鑰出移贈早有

續梅里詩輯

卷四

十一

古香充戶塔自來肥瘦本不一議者聚訟紛嗶喋延之順伯
各有見涪翁持論平不佞諸觀此本亦近瘦妙不露骨彌劬
助宣和舊法特精慎價紙三疊加註指君從何處得名手大
有神氣非形骸晴窗展几臚別本仙姿迥不齊妖娃昭陵爾
紙向兒乞雲烟過眼伊可懷此石流離閱劫火迺不焚毀隨
冀薰我癡絕類趙子固性命可輕當模楷梯杭不下柿葉貯
凡骨詎易窺根厓天寒歲暮決別去圍篷穩載還荆柴對夔
官燭復何日但當握管思朋儕興酣韻險忽滿紙勿嫌方便
副俳諧

長水懷古

而文合水市沛公公然作天子祖龍欲以人勝天大發諸囚
長水長水至今長強秦振古強不信海神供指使卻令山

鬼話興亡噫呼嘻風帆南北紛如織何人說是秦皇方

河伯詞 并序

壬申夏秀水孝廉周元禮公車北上夢天帝召爲河神遂卒於德州之西方庵余奇其事爲賦此詞

河水悠悠河伯死帝向人間覓佳士公車猶有真孝廉挾策何曾獻天子白楊薰颯閤紺宮烏噓月黑生悲風夢醒一笑脫形去功名焉用諸緣空翠旗翩翻擊鼙鼓夜夜龍光射龍戶生不能爲上柱國便作波臣亦何苦鮫人織綉千尺長淚珠濺濺情茫茫烟飛浪湧簇紅鯉回首南雲思故鄉

烏坂城懷古

君不見閩越弄兵恣狂悍築城言言拒天漢令迫何難蒸土成時移便作填沙散伊昔一旅從番陽感秦滅楚親戎行論

續梅里詩輯

卷四

三

功敢凝同時傑都冶居然異姓王南江臺高不計尺寶王金泥受封冊百代蒸嘗延夏禘七閩山海班新籍山崇海闊據分茅坐使籠才益叫喚歐冶池中飛寶劍高平苑外墮金鏡天南三伏熱如煮百丈峯遙堪辟暑鱗洲戲馬盡神駒翠衷擊杯定妖女煌煌五子戒禽荒底事無諸作法涼釣龍待鬪藏珠耳射鱗翻沉白馬郎已擊東甌復南粵金革相尋那能歇漢廷方遣兩將軍投甲城南變倉卒兩端餘善更窮兵橫海樓船績易成版圖已屬會稽郡故蹟猶傳烏坂城年年綠草萋萋處明月長懸漢時古可憐多少築城人化作烏健犂下土崇岡憑弔入高雲螿擾曾屯鐵騎羣無復野樵知古瓦空餘詞客賦羅紋

方竹歌

中年負夸志名山徧遊踪已辨青芒屨合配方竹筇方礪廉
隅竹虛勁扶持健足凌危峯選材數載無一得卻觀絡珠巖
前萬竿植苾芻見慣詎解愛編作蔬籬樹雞柵有時燁佛供
鼈場不爾了又苦薪積君不見淮陰屠釣困英雄塞上琵琶
怨顏色人生遇合亦復然對此摧殘空太息僧言是材何足
重不如芝巖之顛億青鳳飽經霜雪樵斧稀堅韌差堪適君
用逝將躡屨刷雲根一握明朝走相送拱手謝苾芻已若置
身員嶠與方壺便當捨我萬年老藤九節杖排雲拂烟唯汝
須但期遠致直方大慎勿規圓如槩朱

六逸圖

開元逸者六肆志徂徠山風流渺千載圖畫留人間

宣和譜
邱文播

六逸圖六婦人
童氏六逸圖一人人間莫道風流住佳話于今屬吾鄙梅溪幽

續梅里詩輯

卷四

古

與竹溪同今人逸可古人仿紅樵八十一飯先七十三翁最
少年六人四百六十五 陳紅樵胡良思戴守純年皆八十夏
拓園王東臯皆七十六李蟬庵七十
三 太平幸民非偶然昔人之逸逸以酒今人之逸逸以壽卻
老疑傳辟穀方同心合作餐霞友拄杖何煩卽粟條春秋佳
日相招邀無花不看須行樂有壑堪尋肯憚遙才華少壯時
所倚坐閣流光皆老矣歎紅塵土十丈高車聲不入林泉耳
朱顏素領神仙徒流傳好事爭寫圖不知閨閣丹青手亦有
江南童氏無我今婚嫁粗已畢五嶽遊蹤纔得一請俟七十
三翁百歲時把臂還成竹林七

題宋文忠烈公詩卷墨蹟爲尤慎齋作

有唐書家以百計盛名獨歸顏魯公公書雄俊固鮮匹寶貴
尤在人精忠文山先生丁宋季國事瓦解冰消融力雖屢

氣益振天不祐宋人無功祭酬炎午一死白血濺柴市千秋
紅人生大節有如此書法何計拙與工揮毫落紙況乃爾神
骨秀勁霜巖松是時年少甫及第賦詩已希周召風意嚴詔
重志遠大富貴曾不留心胸乃知正氣塞天地不待星嶽聞
歌終三山遊客歸權儀卻攜此卷誇蹇翁焚香盥手亟下拜
魯國信國先後同閱五不暇尙完善所在呵護神靈從君今
得之信非偶子孫百世傳無窮卷還溪堂夜引領斗間寶氣
光熊熊

全圖梅花莊歌

梅溪水如衣帶長上有王氏梅花莊梅花之莊不可見溪水
自作梅花香莊後莊前看不足想見茅堂繞寒玉我家只在
此溪偏聽慣橫吹笛中曲

續梅里詩輯

卷四

五

涼州

絕險河湟路嚴城暮寂寥萬山趨塞曲匹馬逆風驕白麥寒
原盡紅鹽古澤遙霸圖餘想像雙闕舊岿峩
空闊五涼地英雄百戰場河聲猶鬱怒山勢故飛揚漢月笳
中沒龍城雪外長關西亭障遠何處著燒當

出塞

虛作還家計何辭出塞勞春陰喧蛤蚧夜帳酌蒲萄土壤流
沙盡山峯聚雪高據鞍眞失笑戎馬一青袍
獾狍煩周將燉煌拓漢邊驅馳烽火外憑弔戰爭年有水皆
名海無山不倚天琵琶彈舊曲新怨入鶻絃

南鎮

形勢踞天根嵯峨蔽曉昏滄溟橫覽小南紀此山尊一氣金

庭合神書玉簡存共傳雷雨夜朝拱百靈奔

與李秬田繆立脩別於越州西郭

今日蓬萊驛鄉關近不迷送行秋水殘照郭門西夢逐寒江遠歸憐候鴈齊明朝二千里獨聽鷓鴣鳴

哭朱王路

可歎平生友斯人委逝波古風稜角厲舊雨賤貧多老去無恒產愁來有放歌西州堪痛哭歲晚獨經過

次韻蛻庵九日游橫山

不遠長塘路平原湧翠岑勝情老逾健靈壑冷還尋隱是逋翁舊秋於九日深登臨應有賦盟手百回吟

果單

張掖叢楸樹濃陰暑謝炎九根諳古法萬顆亞低簷細摘邊續梅里詩輯卷四 六

娃慣輕攘素手纖霜華愁拂衷火齊笑盈檐杵臼安排預籃筐決擇僉確餘還屏滓煎處弗加鹽端正標風格通明映日暹山川生秀潤人物幻莊嚴畫豈丹青假書還篆籀兼形模偏妥貼滋味劇和恬側理原非紙斜紋或類纈酸甘嘗并作紅紫色無嫌已覺植饒俗翻憎楠餅甜美從回後得清合醉時拈物產輿圖貴歸期旅客占輕裝方寂寞正可百翻添

大安寺香鑪

東寺花連屋南風雨載塗灌城春去久謝宅客遊孤寺為晉時鎮西

將軍謝尚舍宅歸殿存如魯雄金鑄本吳入門驚菌蠢駐屐辨規樞

突兀山呈象煇爛色貢映雷回猶隱躍文字或模糊佞佛關

風土留名及婦姑鐫功岐碣異求舊維鐘俱鐵仄收誠富邱

師造不羸有收買鐵仄錢打造重一萬斤鑪匠師等字立紀元懷霸畧遺器託

芳蕪江水橫天塹淮壩拓地圖蟬吟移弱柄龍虎據雄都國
有豪奢俗時無遠大謨家山唐曲破臣妾宋京驅舊地鳴鸞
路神僧卓錫區罕尤珍故物鑠幸避洪爐閱世滄溟淺長年
壽鐵輪摩挲憑好事拂拭倚僧雛峯近窺廬泉甘置水符
積水不竭清冽列誰同吟石鼎試擬說鋼鑪羸獸仍垂腹盤錫
中茗飲稱鑪泉疑寺在南昌而朱竹垞先生
疑金陵梵刹志不載廬造
疊篆附繙書驗時地還訝見聞殊先生謂是孫吳赤烏元年也

河西雜詩

故國休屠地壯哉馬頭凝望障塵埃全秦鎖鑰三邊重萬里
金湯五郡開蔥嶺雪迷青海子火山雲燒白龍堆單于莫遣
穹廬近漢室新遜衛霍才

廣騎河西處處通舊傳兵甲滿湟中詞臣善頌元和聖小雅
續梅里詩靴卷四七

仍褒吉甫功策府丹書猶昨日戰場紅柳自秋風此邦文獻
渾難問夜夜秦時月浸空

郭外秋林樹樹霜西風憑弔幾斜陽賦才磊落昌高殿霜氣
銷沉宣德堂無復黑龍鱗甲幻空傳白雀羽毛祥銘功莫問
嫖姚石不獨傷心是五涼

朔方獨受黃河利上郡全臨紫塞雄五路未成韓范績雙渠
猶指漢唐功南樓袞冕倉皇甚大夏干戈寂寞同問訊靈州
城下柳官軍妬殺短條風

日落長城絕續間城臺迢遞玉門關地形遂斷匈奴臂山色
能增婦女顏驚蟄有雷春亦度郭登有甘州詩地寒經
歲不聞雷今殊不然防秋

無戰馬常閒遠人佇遣梯航使迷迭羅琿貢不艱

六月祈連雪未殘塞天空闊阜雕盤黑風草草疑無晝白日

堂堂祇有寒，西極若徠千里馬。東封請用一泥丸。山川自昔
澆形勢，遺種楸槐欲賦難。

一去冰橋道路長，酒泉要郡舊名疆。西王近下三青鳥，穆滿
空歸四白狼。割據霸圖憐晉酸，辛邊調譜伊涼。羈愁欲上
高樓望，戈必茫茫接大荒。塞外無水草，處謂之戈必。

何年沿塞植黃榆，歲歲榆錢着地鋪。奉代築城非上策，前朝
棄套豈良圖。悲笳入夜天應老，戰骨沉沙海共枯。一自失侯
邊釁動，須知博望是狂夫。

衛所嚴城錯犬牙，晝長軍府鼓頻撾。邊丁日課屯田麥，使者
星馳屬國瓜。地下有鐘還入塞，沙州地下有鐘，聲遠至肅州。沙間無樹可

看花，淒涼莫更吹蘆葉。羈客宵來已念家。

大將專征統六師，波羅長雜屈茨吹。龍沙埽雪秋馳馬，兔魄
續梅里詩輒。
卷四
七

凝霜夜照旗烽火，漸消雞鹿塞歸人。能誦漢唐碑使星，忽下
班軍。詔思婦刀環定可期。

乙亥秋述事

三吳兩浙廣輪連，海雨江風一夜顛。豈意頻添盈丈水，遂令
久浸數州田。朝廷遠慮流民畫，樂府新愁白飯篇。獨恤自
天皆實惠，好憑賢吏奏安全。

嘉禾亦是膏腴地，九月新禾不入箱。賤米惟思追孝覲，歉年
兼恐及淮方。本唐李翰嘉興屯田鎮。何時射的山，重白辛苦請田雀。白

黃高價江東愁，更問兒曹努力鑿糟糠。

感懷

江天搖落肅蒼乾，苒苒他鄉候乍寒。烏鵲南飛空繞樹，青山
西笑獨憑闌。文章知己原無據，貧賤驕人也大難。庭際桃梅

零落盡蹉跎華實有誰看

桃梅秋
日皆花

術隱山房餞席懷聽楓瀉溪靜齋

向來文讜流連地今夕還成翦燭綠酒入離筵無大戶心傷
岐路是中年山間秋思淮南樹江上西風獨客船尚有遠遊
諸子在可堪消息兩茫然

福州道中

螺女江深碧玉流風來款款峭帆收晴山北苑春時畫
宣和
諸董
源有說
色春山落日南唐劍外州津樹不遮花滿谷海雲早露月如
鈎歌聲漸起墟烟近倚水誰家賣酒樓

華陰廟雜詠

柏抱椿柏抱槐

涼颺搖古柏歷亂椿槐影雷雨爾何來石上衣裳冷

續梅里詩輯

卷四

九

青牛老樹

初九迹終遙

牽牛老子頌
龍潛初九

何時繫牛住紫氣至今留長龍嶽

陰樹

卷石生雲

但見朝雲出不見暮雲還應向三峯裏濃堆玉女鬟

唐元宗碑

輦路迷秋草碑亭帶夕陽石牀雲拂處猶是憶霓裳

雲拂石
牀霓裳

可按碑
中語也

及山雜詠

洗藥井

山中丹竈荒玉虎井邊老不見洗藥人時聞擣藥鳥

受仙石

怪石一卷耳怒作潛蛟舞曷不下滄溟前山響推斧
銅棺冢

道人蛻形去巾氅亦何有狐兔不敢藏猶疑鬼神守
公主墓

夜月空山冷宮環歸不歸年年野花發蝴蝶作團飛
藏兵塢

深塢昔藏兵指點不可得猶有戰雲生須臾四山黑
神宮祠

古木叢祠晚空山蠟屐稀東風吹不醒微雨濕秋衣
符官澳

一泓清且甘酌之昏寐醒那不攜都籃松間支古鼎
清江宅

續梅里詩輯 卷四 二
不識依山宅誰吟作雪花相逢雙玉女曾與載琵琶

雲藍雙衷撥鞞婆醉客春生金叵羅江國夢回飛鴈早燈前
歌席

腸斷小叢歌
臨洮雜詩

垂楊垂柳碧烟籠六月涼生處處風欲問龍興唐代寺何人
同詠木香叢 岑參有臨洮龍興寺上
人房同詠青木香叢詩

巨人踪跡渺平沙赤水城荒落日斜百里南關回首望數峯
空翠聳蓮花

燈屏高拓綠紗窗油碧行春隊隊雙樂府新詞誰第一至今
猶說鄧千江

劉侯三惠至今傳 宣德中郡
守劉昭 得似容城謫吏賢 楊叔山
先生 看遍

東山好巖壑講臺風月最超然

洩流湍險走黃河渡口行人喚柰何昨夜堅冰已有信朔風
吹起水珠多

洩河水將合先有小冰凍圓如彈子蔽水而下俗呼珠子凌

驅犢齊耕嶺上田種糧官許借明年打門老吏催徵急上戶
先輸賣褐錢

胭脂嶺北盡寒雲十八盤山雪未分莫近扶蘇墳側住妖狐
叫月不堪聞

南風五月試單衣不似甘涼暑氣微倒著接羅城北路張將
軍第看花歸

蟻磯靈澤夫人祠

風環歸去已無家古木荒山殿角斜杜宇朝朝嘯不住靈風
吹冷白蘋花

續梅里詩韻

卷四

三

采石

江水蒼茫葭菼肥風光無恙酒人非天門日暮片帆急木落
秋山碧四圍

澹臺墓

何處住城葬大儒郭門東去莽榛蕪不知今日尋遺老亦有
羅通在市無

滕王閣

紛紛蛟蜺尚翩翩誰憶元嬰作鎮年贖與多情洪玉父汀風
江月淚潸然

紫溪

皮屋角酒旗飄雲影山光共寂寥駛雨欲來風力緊浪花

不過紫溪橋

山田高下闢成梯不放飛泉直到溪黃犢一犁雲滷起峯峯
布穀雨前嘯

苦雨口號

六塔河流一葦杭平添丈水亦汪洋老夫不出逢人問但道
街頭米價昂

村村蠶事響纜車眼看春花未到家高田放水得魚賣低田
豆爛麥生芽

雨連三日是為霖四日不止愁人心堦面泥多引苔上庭前
竹倦入窗深

帶草衝泥池水渾漫流爭出赴溪奔隔窗蕉葉苦撓睡又聽
私蛙無數喧

續梅里詩輯

卷四

三

園門五日不曾開總是泥塗斷往來芒種前頭雨如此愁聞
三日立黃梅

續梅里詩輯卷第五

里人沈愛蓮遠香編

楊謙

謙字子讓號未孩邑諸生有緘齋集

詩話茂才枕經薛史學極淹貫人品高潔與李大令集金翰林蓉以古學相切劘里中後進多所啟迪晚年注曝書亭詩援引賅博風行宇內為詩亦宗金風亭長

記庭前草木十一首用東坡韻

結廬在人境幽栖謝時彥恒慮歲月徂元髮良易變庭前餘隙壤長鑿鋤未倦山雪昨始消黃精苗已卷孤根何葱鬱花色亦嫵婉披拂南窗下煩慮聊自遣凍雨上疎籬牽牛延細蔓啟闢僅三弓樹菽等九畹入眼滋蒼翠莫嗟時晚晚

凍雪散檐牙庭柯已成林當階樹護草忘憂頗自矜莎草攜

續梅里詩輯卷五

一

春酒獨酌力不任好風從東來靄氣拂衣襟涿徑稀行跡散髮何須簪種葵備嘉蔬采采秋已深靜坐觀物化隨時為廢興人生亦有定豈盡歎無能

吾兄善繪事精妙筆亦老疏疏幾葉蘭不畏秋風倒剛健含婀娜位置惟意造觀者疑見真始知覲天巧不愁筆力短彌苦心精耗迺攜黃磁斗綺石養香草

山岳羅藥草仙人杖已拔春雨灑連朝青萸忽亂插絳珠垂瓔珞孺根無芽蘖不訪朱明洞已有元鬢約曉起坐書窗清光眼亂潑更有甘菊花相映綴離落

階前植門冬石上多菖蒲未見九節花節節生根鬚入秋轉忽禱所喜無時枯我昔館由拳放櫂駕鸞湖嬉春坐山窗題

鬚志飢劬今朝忽相對髮鬢重陳圖

春花顏色鮮飄零苦太早勻藥及荼蘼已覺春光老始植萬
年枝停雪終不槁余性本迷罔色不分白阜窮年坐斗室潔
清志夙抱不有捺愁花頓使雙鬢編

晨光小雨歇苔痕入閒廳蛺蝶從風翻繁香撲簾釘螭屐懶
入山連筒灌中庭古藤初著花沿階影玲嶸倚杖久注目一
髮遙山青有時成小詠韶濩音泠泠

書帶生高密水仙來湘南移種到蕭齋撫玩吾意甘習習清
風吹馥馥幽香涵當其愜孤賞茶具列都籃不用絕交遊自
顧誠何堪對茲堦前草爾令心懷慙

連旬雲匿匝閉門息交遊有書置不讀坐愛林塘幽去年插
檉柳垂垂逾深溝一番新雨過蔓蔓萌芽抽石隙留小松盤
曲枝相蚶不種千年桃曼倩何由偷

續梅里詩輯

卷五

二

壘石爲小山一簣常在目濕翠沾雲鬢藥苗敷山麓青青長
藤蕪簇簇響寒玉風簾雙燕翔止水一泓綠課童培沃土低
叢養秋菊清風颯然至萬籟奏琴筑徘徊俯庭除聊以慰心
曲

遠志在深山托跡人皆知既出爲小草能無生傷悲惟有嬋
娟竹搖曳淺水涓開花結其實長離亦來期我無楚客感何
爲詠江蘿覽物多所欣愴然忘朝飢

題楊雲耕華陰行旅圖

二華劈靈胡嶽巖絕徑路翠微連屣屣重甌莽吞吐鄂不蓮
粲削燦然玉女露伊昔昌黎子賈誼倒芒屨一躍升層巖驚
魂俄駭顧惟茲雲耕老每識訪岳趣蹇驢入臨潼鞭絲訪亥
墓巾箱背奚童短後拂其鼻藹藹夕陽沈蒼蒼鬱雲樹仙掌

崖高擎蒼龍嶺錯互臺憶老聃經市訪公超霧幽遐探奇蹤
鈎梯捷窘步旅懷自豁如寒餓琢秀句轉笑華頂書哀情託
豪素

遊煙雨樓用昌黎山石韻同朱笠亭李敬堂吳潛齋李
憲吉作

凌晨霽霍光熹微沙頭拍拍宿羽飛高樓縹緲暎空碧柔艣
細劃春波肥擲杖彭觥叩玉版白銀盤淨埃瑤稀雲級歷歷
上初枕縱目遠眺慰渴饑憶昔來登秋乍半桂子浙瀝點郊
扉手持雙噉浮大白凝碧亭畔煙霏霏今我重來歲幾更參
覃遠樹綠成圍蕤絲乍滑正搥把濕翠霽屨沾人衣桑鳩穀
犬聲可聽何事浮名縛塵鞿釣磯一坐移日晷不覺暮鳥投
林歸

續梅里詩輯

卷五

三

和沈欽齋聞鴈懷友韻同蒼真作

一彎纖月上庭柯新鴈驚沙幾陣過僊羽何曾謀止息客心
那惜老關河爲憐荻渚悲風急已覺寒塘落葉多此際懷人
倍惆悵題詩欲寄奈愁何

寄懷養真雪樵

尊前不惜醉顏酡鎮日書窗少客過舊雨十年星散去新茶
一斛月團多詞場未敢凌元白風度依然想阮何各有板輿
花下御南陔次第補笙歌

論古絕句

辭病歸全意不忘同時有客效柴桑卽看純孝題貞石絕勝
吳家御聘坊

小韓子已稱當世自警還裁二十箴亦有南枝無限恨孝陵

松柏對蕭森
條條明燭未成灰
川月交輝愜好懷
惟有霍人知郡博
樵風古徑挂金釵
河津此事懶心不
夫子聲名日下留
不道後人都解事
遂令一會可千秋
陽春默坐十年長
風月江門不自量
秋水濠梁渾未覺
逢人更說浴沂章
翰林四諫久垂名
辛苦楓山晚力咉
隻手獨肩三巨擔
金華近號六先生
定山高處最堪思
才力當年孰與期
活水溪雲亭子好
江門漁父卻能知

續梅里詩輯

卷五

四

公多講學功

受易三山力最深
南昌去轍見公心
一編獨手金人誠
涵泳還須有密箴

誰將學蔣能通辨
又見淵源續考亭
橫浦江門流派別
空山雪後見松青

莊渠倡道振疲癯
盡改淫祠作學宮
莫漫譏訶附時貴
誰能心折李崆峒

苑洛先生頗嗜奇
忽看九鶴舞庭輝
椒山有瞻惟君識
直道猶看萬古垂

道南重問顧涇陽
講學還開麗澤堂
坐使東溟難置喙
一泉一證意差強

格心一疏奏綏亭
碧血斑斑照汗青
規矩義莊仍不改
獨憐

儒統付滄溟
學兼漢宋見精神
心折藜洲六藝陳
朱鳥魂歸秣陵樹
先生方許號完人

蕺山流派原王學
晚底精醇青出藍
弟子桐川傳一脈
千秋絕學倡東南

沈藍村先生故宅看海棠和菊墅韻

半巢居外夕陽遲
寒食棠梨賸幾枝
春草梅花零落盡
我來猶為立移時

金標

標字養真有肄畊堂詩鈔

詩話處士鶴村結隱負耒行吟晚與同里李大令集楊明經謙幽湖陳徵君梓以道義相切劇詩冲淡真樸讀之能釋人紛華之慕佳句如古藤低壓帽秋色遠當筇衝烟孤鳥去背月一僧歸爨烟窮巷冷雨色

續梅里詩輯

卷五

暮村多皆可誦

五

田舍懷古效陶公體即用其韻

耕田我夙志及此乃欲踐
豈不苦其難飢寒庶自免
養生亦多術皆非情所緬
食力寡外營作苦易為善
舉趾及良辰甯辭隴畝遠
婦子有同懷披榛共往返
舉世貴榮名所見無乃

穢
耕也飯在中未必解其貧
人生貴有業安得辭辛勤
隴畝日易畏晨炊促家人
東風吹百草遇目各呈新
良苗亦既種奚慮不欣欣
日夕帶月耄遠道無迷律
行行至我里燈火近四
侯門有稚子長願為農民

警志詩

余年當知命德不加脩
無念生平彌滋愧而因賦警

志詩十章自勗且以示我後人焉

慎獨

明鏡本無垢積垢乃見黷人心本無物遇物乃生欲是以古君子明德寡幽獨時至攝方寸終恐爲所役滌蕩澄其源清之可不濁

惜陰

白駒行千里維之莫迅馳晨風振九霄執之難高飛嗟哉日車奔力士不可迴百歲曾有幾况當知命時努力惜寸陰或減老大悲

惜物

讀書居民上牧民勞其職耕田與鑿井營營皆自食我生非士農所用皆人力莫以一粒粟農事幾培植莫以一尺布女續梅里詩輯

卷五

六

紅亦拉雜儉以奉口體尙自愧耕織天物苟暴殄尤爲聖所

習勤

維蜂采百卉釀蜜禦冬食維鳥徹桑土拮据成我室孰是秉四體而不營其力日短事苦多黽勉恐曠職我年雖已逝所須無終極努力赴東臯願言無休息

崇儉

富貴非所願衣食當須裕顏子居陋巷簞瓢亦時具原憲雖甚貧不廢敝衣屨我出日以滋我入仍如故豐年無餘儲凶年何以度節儉尙可憂詎敢厭蔬布

擇友

君子慎交友所重在熏沐形骸初似隔意氣漸以屬旁觀或

知之在己反不覺莫言涇水清雜渭忽見濁莫言素絲白廻
黃又轉綠旨哉孔聖言損益貴昭燭

安遇

泰岳登其巔仰之有蒼天培塿躡其跟俯之有深淵所遇本
無常所性貴無遷膏梁同充腹衣錦同禦寒卽事無窳墜此
心便陶然

守謙

長編行小港峩峩同萬斛一入大海中渺然是一粟何地無
奇才虛懷宜若谷陳王夸入斗入斗亦不足杜陵破萬卷萬
卷有遺蹟况我質凡庸焉敢驕樵牧

攝生

春林方靄靄秋至葉枯槁衰落有定期况更西風繞人生非
續梅里詩輯

卷五

金石焉得長姣好靜以保其質或可冀壽考我年才五十我
髮已皓皓心勞日以拙守真事幽討

檢陳徵君遺詩感而賦此

酬倡情如昨思君感萬端風塵雙鬢老天地一鋤寬著作何
人纂聲名後世難窮交吾輩在撫卷一長嘆

懷馮蓼園

渠

何日辭鄉里溪楊已十尋一官三黜易孤館萬峰深遙識天
邊淚應爲澤畔吟春來逢令子悽斷故人心

白題鶴村圖

雨歇林塘樹樹清桔槔聲裏聽啼鶯平田隔水無多路竹杖
芒鞋自課耕

當門流水自悠悠我亦忘懷任去留園有青蔬田有秋一年

無事到街頭

薛廷文

廷文字魯哉號春樹有聽雪齋集

詩話布衣貧而樂道蕭然自足年三十五始學爲詩一以唐人爲宗與方處士薰金比部德輿倡和最密馬柳東太史稱其幽能皎潔近可循環劉沓虛之流亞也擅繪荷以畫自給

牧牛詞

爾牛色黃我牛色蒼扣角出前林徘徊岐路傍爾驅爾牛下
平坂我驅我牛過彼崎嶇突兀之崇岡崇岡之陰叢叢者篠
平坂之陽青青者草所趣雖異境相牧自相保牛飢牛飽當
問誰寒煙隱隱墮夕暉呼牛戴笠覓同伴一聲短笛騎牛歸
我怪我牛顏色槁爾羨爾牛形體好我去飯牛牛邊臥爾去
飯牛主人怒前村老農到門各相訴道爾牛喫麥苗竟不顧
續梅里詩輯 卷五

八

酹詞拂劍引

看不厭三尺劍飲不厭萬斛醪劍能截風前之吹毛不能斷
東流之波濤酒能合須臾之歡笑不能解方寸之焦勞吾今
把酒復引劍鬢毛颯颯風蕭騷冷光出匣白於水星辰夜動
霜天高郎當把劍摩挲久舉杯大呼蓬堂走劍兮劍兮汝知
否我今淬汝一盃酒惜汝好霜刃無端落我手十年冷落在
牀頭一片雄心徒自負何如尊前與汝同一醉萬事茫茫亦
何有不然男兒負氣恥齷齪焉能醒眼看劍成白首

郭雪樵鳳過訪

一從棲陋巷經歲客來疏惟以門長掩因之草未鋤憶人茶
後殘夢鳥啼初寂寞春風裏勞君到敝廬

寄懷蔣初陽 紹輝

經年成夙慕未得一逢君風雨秋傳夢關河鴈隔羣
人依落月搔首望停雲不待梅花發相思已十分

楊未孩

謙過訪

孤吟傷落魄十載臥荒村雪後春歸樹花前客到門
老從青眼惜貧與素交論解得相親意應知道義尊

江樓有懷嚴石帆

光祿

落照澄波迥江樓四望通天垂秋色外人坐鴈聲中
紅葉千村樹黃蘆兩畝風倚欄思舊雨惆悵隔西東

姑蘇曉發

小艇平江路淒涼駐客程亂燈開曉市殘夢落秋城
月墮霜華白風高雁淚清不將行役苦那見宴安情

中秋後一日同徐西塘過浣花居看桂小飲

續梅里詩輯

卷五

九

寂寞興秋思萍橋叩隱淪酒連前夜月花識舊時人
樂事間方得交情老愈真草堂欣聚首莫負此良辰

舟行

潦倒烏篷酒一尊西風江上黯銷魂遠山雲影多藏
樹秋雨人家各閉門客子停橈炊野渡水禽衝霧下
孤村平居莫羨他鄉樂途路淒涼不可論

鄴都懷古

休將成敗說興亡三馬同槽跡已彰但有漢臣尊武
帝獨無天命到文王吟鞍鐵槩沉秋雨總帳銅臺付
夕陽天下英雄君莫數西陵芳草徧牛羊

織婦吟

遊子秋衣薄空房夜月多他鄉寒信早不敢久停梭

蚊蝶

臨風無力怯齊紈影落花前玉翅寒三十六宮春草碧幾人愁絕倚欄看

雲錦爲裳粉作衣梁園春夢半依稀憑君種滿相思樹到處尋花只共飛

馮光熊

光熊字太占號魯巖太學樽次子乾隆丁卯舉人考

授中書歷官至貴州巡撫調雲南署雲貴總督以軍

未

功賞戴花翎授兵部右侍郎擢都察院左都御史

詩話總憲入內閣值軍機以敏幹稱隨果烈明公征緬甸著征緬紀畧後官監撫定小竹山教匪南籠府仲苗甚有方畧擢總憲以功名終賜祭葬詩無專集訪鐵一首鳳毛麟角彌足貴也

續梅里詩輯

卷五

寄家書

豈爲功名計空羸白髮齊旅魂依浙遠天勢入黔低世路森子戟關山隔鼓鼙何時長水畔歸去荷鋤犁

朱賜書

賜書字自天號敬齋太史彞尊曾孫上舍桂孫子以

子休承貴贈知縣

詩話贈公性恬退不樂仕進詩格蒼秀

南郊晚步

兩霽六峯淨晴雲檻外收身閒猶承晝山暖不知秋落日帶

鴉背野花香路頭村帘招客慣酒殘正須謀

憶家

出門當上已風雪滿河橋記有滿花約長憐蓬梗飄病餘心

力盡書寄雁鴻遙選石池頭坐懷人朝復朝

秋夜聽雨

秋夜渾無賴挑燈感寂寥艱難仍昨日風雨又今宵何處寒
蛩語如酬獨客謠朝來門外望堤水已平橋

朱昌淳

昌淳字同初號憶亭太史彝尊曾孫徵士稻孫子有

蝴蝶局吟稿

詩話憶翁家居長經性極疎曠賭酒紘詩別饒清興

偕沈冰壺徵君游望海亭

偶作浙東客來游望海亭烟橫一水白雨過萬山青縱眼悲
前事瞻雲識地靈登臨無限量日莫促歸舲

接敬齋信賦荅兼招其歸里

續梅里詩輯

卷五

七

官衙吟獨苦寂寞又殘年貧病憐相似琴書悵各天養親無
善策入世且從權把手知何日春風好放船

諸暨學署畱別敬齋

欲別不忍別相看各黯然劇談無晝夜前路渺山川慰勞情
何厚飄零祇自憐臨行重握手古渡夕陽邊

羅浮蝴蝶四首敬步先曾祖韻

不逐人間野草蟲生成五色颺輕風翩翩洵屬神仙種變幻
應知物化功異地飄零廿載久故園迢遞萬山中文章豈肯
同凡俗粉本西江恐未工

還編會誇幾度飛簷花吸露見應稀舊時圖畫形堪並愛惜
蛾眉錦作圍栩栩未殊莊子夢翩翩可以葛翁衣爛熳古色
光蕙掩絕勝天孫巧織機

池南池北無春駒共道之蟲與俗殊金粉每誇勻露翅高仙
隨處護花鬢重尋舊地情何戀不識仙衣化幾銖彩鳳青鸞
差可擬野蛾乳末自應輸

嶺表歸來帳未齎伯兄自天客粵兩欠未得攜歸警看花底胃金泥須知風

貌從無匹似此神光更莫齊曉露試飛何綽約豆棚遙見撲

東西中村三絕流傳好珍重當年藤笈栖

朱休承

休承字育泉處士賜書子乾隆癸酉舉人官陝西城

固縣有集益軒詩草

詩話明府詩硬語盤空奇氣橫溢洵足遠紹家聲解
組歸里家無長物其清操可想也
緒曾按育泉克紹家學乾隆中輯永樂大典多經義
考所未見育泉欣然曰吾得此可繼先志因廣搜博
采及近人說經者之書為續經義考數巨冊盧雅雨
都轉欲為付梓育泉以稿未卒業辭之官城固有惠

續梅里詩輯

卷五

十一

政即取續經義考補綴之無子以弟休奕子墨林兼
祇續經義考為人取去
融按育泉續經義考無從搜求今得桐鄉馮浩所輯
本亦屬未卒業之書又復叢殘過半儼與談經之士
商畧成之猶有志未逮焉

將之濟南留別舅氏盛晴川姊婿金采江舍弟梓廬

三年住京國隻影常酸辛豈無新交游總不如周親今春計

吏偕先後來先侑雖未蛟龍化且貪糜鹿羣宵踏六街鼓書

衝十丈塵見面無虛日情語得所欣獨於瑁瑛中甘作襍

人茲樂不半載遽為天公嘖驅使出燕市遠適濟水濱來者

既盡畱畱者偏忽分依人感王粲棄繻慚終軍明知曠非久

念此傷心神臨歧一揮手去去勿復陳

過錢孺石表叔齋見所畫墨梅率賦

梅花溪溪上梅千樹每到花時香滿村更逢晴日影交

踏雪空恍恍盼不到
傾頓頭飛不到孤山後
江南驛使又不來
一翦何緣落我手
問奇偶至翰林家
開簾瞥見玲瓏花
清香撲鼻觀幽豔
舒心芽恍如置我清
冰寒露之玉壺
泛我挂星貫月之仙槎
湘妃出水鮫背立
安得天風吹使入花光
搖蕩看乍真墨瀟淋
瀉紙猶濕畫梅用墨
格最強疏密密各擅
場疏爲楊旣咎密乃
王元章兩公繪法入
神品何容觀者煩
雌黃君不見西子容
顏俊濃抹淡粧態
總好况今能事兼
兩公意匠經營豈
草草輪困老根結
戢香柔條抽花花
自相間枝枝自相
樛成陰結實勢可
待髮鬢翠羽聲鈞
軻使我對之愛玩
不肖休坐臥其下
可以消百憂須臾
過眼雲烟收
遊歸隱凡忽夢遊
夢逐梅花溪水
流

續梅里詩輯

卷五

五

賢清園歌爲德州羅上舍以深賦

濟南名泉七十二數與孔門高弟同
鈞突珍珠暨金線位置直並顏曾隆
其餘諸泉各競爽賢清品望猶驚
弓嘉名肇錫豈無意中州文物交推
崇廬陵晏鑿編咏七十二泉其咏賢清泉云中州文物重譚城故以賢水名
周遭老樹數十本楊柳松柏槐榆
楓梧桐終宵韻疏雨芭蕉滿院招
涼風千个簷簷映活碧一池菡萏
游驚紅恠石堪令顛米拜奇花何
減平泉叢亞字墻頭山不隔鹿眼
籬脚

溝仍通百餘年來幾易主
勝地合作羅含宮小園可賦擬
庾信草堂有志傳盧鴻

沈廉使椒園先生作記

又有泉曰小鈞突懸清之

北賢清一

龍潭東

園在五龍潭東

冰澌稜稜湧石竇雪乳點點翻晴

空灤源勝概洵具體况由天巧非人工
誰歟倚掖竟遺此

泉不在北強作解事唾兒童得非廬陵晏君璧
瓣香莫嗣會

南豐

會子固在齊州放
詩山水最爲精核

靈境顯晦殆有候乃擅奇最茲園中

我來正當三伏時夕陽欲落光朦朧望門尙未響剝啄側聽
已覺聲淙淙主人一笑揖客入指點泉脈窮初終殷雷聒耳
心轉靜冷氣沁骨神逾融久向紅塵插汗腳到此身似登方
蓬狂思借住一百月不爾十日留我躬煩襟滌盡真意見行
坐臥夢忘憂忡更乞家釀召酒戶避暑日日傾蓮筒濁賢清
聖恣品第竹林嘯傲追羣公

題史五墨莊竹林課子圖

甯越非被捶丹朱非失教斯語固自超惜哉未聞道君不見
烏衣子弟競風流何如馬冀諸郎務束修東山裘屨一朝盡
始興門第仍悠悠吾鄉王謝羣推史台鼎家聲煩繼美第五
名高驃騎稱詩壇酒國尊奇士墨莊千卷紛摩娑春松堂上
續梅里詩輯

卷五

十四

芝蘭多膚如玉雪眼如漆渥注墮地空千疋只今頭角未成
童已詫聰明能對日君也情殷式穀賢縹緲手輟枕中篇風
亭琅琅閑課誦碧梧翠竹分清妍義方之訓古所重况復世
澤垂千年羨君甫壯教能豫膝下雛鳳行高騫我亦年來憂
續似衰門失學洵堪恥生子當如李亞子劉景升兒豚犬耳

人日有感和若垞韻

年年人日當爲客今年人日頰憂積寒風一夜吹雪來萬井
千山同一白冰膠泥滑阻蹄輪梅花埋沒不成春閉關僵臥
渾無賴愁殺登高能賦人斯人負氣良骯髒芳草天涯結夢
想檀板金樽彼一時盛衰感歎如反平聲掌君不見高三十五
舊題詩南北東西有所思此身明歲定何處世事浮雲卽得
和樽酒由來難取醉儒冠大抵終爲累不如作達且狂歌和

者誰歎呼爾季

調盟

嗟我臯魚恨獨深
峴然人面鬢霜侵
去年今日屋奔路
殘月荒雞正痛心

立春前三日同及栗堂夜過孔莊谷紅欄書屋酣飲分
得送字成二十韻

煌煌幾點昏初星
照我兩人踏殘凍
登堂倒屣迎孔君
別館披帷叫張仲

爐邊雜坐成團圓
燈下諧談詫效黠
探懷出袖競新篇
隸事徵詞戒鑿空

是夜各以咏雪中事五古相示

拙詩固須七分讀
佳句尤堪百回諷
冷齋頓爾生融和
靜夜誰其恠喧闐

遂救中厨餉小盤
更教酒庫開香囊
拈題闔韻力闢險
射覆分曹巧命中

爵有深杯金谷園
座無惡客倚玕洞
解從文字連宵飲
遠勝紅裙一餉

供參橫斗轉爝
跋頻脚旋夫眼花歸路趙
高低前後總模糊
沙礫紕繆尚嘲弄
不知寒氣何以減
卻憶

續梅里詩輯

卷五

五

土牛正相送喜逢
鴈尾接春頭
好趁閑身脫塵鞿
主賢得一已足多賓至成三

可為眾免教野草
伍芳蘭肯使凡禽
題彩鳳來今往古迭
評論舊學新知共
磨礱盟心自有辟邪
符餽

歲無過益智粽頌
椒銘柏樂逍遙官
債私通絕倥傯醉裏狂
謔訶罷眠曹騰不作
還家夢

歲莫偕周莘楚同歸里率賦

客居當歲晏結伴賦歸
與世道真難問謀生吾
不如清餘兩

拆雪重載半船書
且暮憐垂囊還思慰倚闥

寄鄞縣宋半塘明府

惟公妙為政文學擅兼長
籤軸羅楊畢風騷壓景唐
咸欽經術茂更信史才良
著述乘公暇幾同案牘忙

六藝秦燔後百篇竟未全
古今文忽判真贗世同傳
辨誤開

來學成書繼昔賢

前人政古文尚書者如旌川梅氏山陽閻氏並有專書聞公亦深疑古文辭而闢之

首有古先人經義在敢乞入重編

國朝自康熙中至今說經訪輯成續經義考附先太史書後故及

咏讀書

擁書萬卷輕南面日讀千行酬素心樂任四時皆自得疑逢一字便沉吟專精莫笑當陽癖博涉誰咄皇甫淫少壯不勤悲老天下帷那得負分陰

仲春偶吟次彭樗亭韻

玉河二月凍盡融潺湲流出春城中蒲新柳細一般綠杏淺桃深相間紅欲來不來避社燕得過且過號寒蟲不游母乃笑倉父剩有幾番花信風

朱休奕

續梅里詩輯 卷五

六

休奕字永之號梅厓處士昌淳子有醉茗齋詩詞集詩話梅厓筆畀自給守道寡營工分隸克承家學

蓮葉

江南五月起新歌喜見亭亭觀綠波酒淺劇憐簫小夜涼靜聽雨聲多參差鈿扇簾前舞斷續蘭橈鏡裏過獨立池頭空悵望幾回覓種總蹉跎

題雲林秋曉小幅

爽氣絕塵囂疏林天欲曙不見著書人隱隱雲深處

朱休萊

休萊字集之號抱山處士昌淳次子

詩話抱山壯歲幕游稽山鏡水之間輒多題詠

彈指閣月夜偶成寄北舫丈

寒月當空照淒涼雁獨征疏鐘來遠寺緩漏下高城知己時
相憶他鄉事有成寄聲市隱者應慰別離情

中秋夜懷友

惜別月矇矓無端秋又中不知今夜裏可與故鄉同落拓名
山席飄零大海蓬生涯何處是迢遞望長空

李心祖

翁卷 心祖號見亭大令潮宗孫監生

二 詩話上舍切負異才長游幕府性慷慨所得修脯輒
隨手盡詩紹家學

晤蔣鏗巖話大梁舊游

卿嬾回首幾星霜一墮紅塵鬢各蒼世眼問誰憐葛帔故人
依舊業青箱飄零燕子年年瘦狼籍東風處處狂七載萍踪
兩把臂不堪往事細評量

續梅里詩輯

卷五

平原華屋已茫然繼起誰能矚後賢何處朱門無狎客可憐

白髮逼殘年黃燼酒侶梁園盡謂呂絳淮左宜亭諸人玉樹歌喉菊部

傳一亭觀察舊部小伶無有限何重語舊一聲長嘯破蒼烟

將赴歷下阻雨甯陽與友人話明湖近事

二月西風作吼聲南冠冷落對孤檠一犁小雨農田足半榻
餘寒客被輕湖上新堤春綽約年來舊事夢分明青山有約

桃花笑誰道奚囊虛此行

陳補堂來自海頓將赴鳳城邂逅旅邸感話近事有作

闕寂空庭雨乍收故人來自海東頭風塵乞食憐同病車笠
盟悔浪游清茗話殘茆店夜涼颼吹動葛衣秋更爲後會

鍾何地用送爾西行滿目愁

吳尤深

深字均洲號梓村

題凌雲閣

凌雲小閣依江岬寂寂無人到此遊四面青山無限好一欄
溪水只空流春來嫩草添新色秋老西風感白頭自笑此生
多落莫憑闌惟有對輕鷗

壁虎

壁虎本微物蟲書名未登想因疾讒佞酷喜食青蠅

李三才

三才字兼之邑諸生以例貢成均有茹古閣集

詩話明經為靜寄先生長子少與弟乘之讀書茹古閣墳簾廣奏篇什流傳人以機雲目之乘之天茂才亦以病早卒子壽昌刊其遺集金編修蓉序之

天香菴看梅用昌黎人日城南登高韻

續梅里詩輯

卷五

六

晴江朝日麗風暖遊絲弄梅花本耐寒况值春消凍竭來看
花去緩步杖不用親朋固相得我亦欣陪從一逕入茅菴巡
檐索笑共蚪枝老更繁纒纒清香送緬懷人世間塵事如積
封徘徊古梅下心跡歛超縱愛此日日來藉以辭徑憶春來
第一花行樂須鄭重

寒女詞

秋漢飛瓊霜夜靜寒氣逼層陰結空幕朗月皓東壁孤燈照
萌簷緘愁勤紡織紡織何勞苦脈脈人不識拋梭織迴文蛩
語共啾唧蟾蜍西向行轉軸終未息寒窗無限思淚盡消不

秋夜集同人飲觀妙齋拈韻得齋字

秋來幾日天氣佳清風明月酣高懷劇憐詞客盡豪放能使

主人忘病骸銅盤刻燭眼長句蘭缸鬪酒暄茅齋露下竹林
掛河漢夜涼乘醉談齊諧

楊志梁

志梁字蒸皋海鹽人僑居梅里副貢生官山東日照

縣知縣

詩話 羅官後築室於梅塹竹垞之偏旋花盤石
以詩送名惜遺稿散佚所居亦鞠爲茂草矣

李文余吾見贈甘泉漢瓦研賦謝

古瓦十二傳觀奇團圞一符月儀其背隸法誰所爲得非
史遷丞相斯甘泉本閩祖龍遺漢武因而挾拓之千秋彝鼎
滄桑移典物往往飛烟隨李侯嗜古追軒義搜羅金石恣邀
嬉秦中壯遊荆棘披殘碑斷碣窮錙釐此瓦無乃神護持堅
緻細膩無纖虧我昨見之神爲馳手搦作圖急裝池爲我割

續梅里詩輯

卷五

九

愛瓊瑤貽長生無疆起頽衰感君真意液骨肌挹以勺水研
喻康媿無好句足解頽願同壽考永寶茲

金稼田

稼田字奕清號守愚監生

采蓮曲

翠蓋翳遠浦紅衣明落霞徘徊中婦鏡妾容何如花
南浦花已殘北浦花未晚飛飛紫鴛鴦同心自纏繆
采采意如何懷歡不可卽采之欲遺誰惜此好顏色
顏色非不愛照鏡羞自整零落已無多秋風偏未靜

續梅里詩輯卷第六

里人沈愛蓮遠香編

王焯

焯字少凱號碧山乾隆丁酉舉人官鎮海縣學教諭

有白華堂集

金

詩話教諭為抱山處士孫父東溟明經嘗病里中言

魏六朝乃可以言唐學唐人具體乃可以言宋若墨
守一家未有得窺門徑者教諭博覽羣籍加以天才
峻卓振采發聲足以颺響朱李晚年入彭西詩社與
家理泉先生相倡和門人丁子復序其遺集行世

舟中望錫山

錫山生片雲倒影浮篷窗東南落海色佛宇沿濤灑空礮霞
石開影合孤禽雙出門風色怒擊檝窮鄉邦太湖一葉席逆
浪吞輕巖白日奔蛟鼉暮雨吟蘭芷今茲展清眺繫纜苔花

續梅里詩輯

卷六

狂何當對邛壑高閣闌清江

北固山甘露寺

南朝盛樓臺卜築空人代獨有此僧嗣紀年後千載絕境洪
流中吐納乾坤大收視入鴻濛石壁風雲帶能使平生胸浩
然無芥蒂茲山不落江正與江向背海氣橫空虛香林動旆
鶴根石空秋風天津溜寒瀾羣生浩劫中法鼓夕陽外

金山

洪濤白石推一拳無瑕秋玉浮江烟空中崛起自孤勇風瀾
吞吐朱方天鵲鳥叫墮香雲顛盤陀影落中冷泉我欲作使
摩訶泗水底下問雲根幾日生重淵花跼何處抽青蓮那能
出水長飄颻風來可以一手撼只恐驚覺蛟龍眠篷窗倒見
浮屠懸青山笑我窮迥沿安得妙高臺上一杯酒中原吳楚

風雲邊君不見水枯石爛有時陵谷變惟有當時光景堪人
憐金山卽到大江涸詩筆猶足垂千年世間萬事如轉燭誰
能永結江山緣一笑金陵無愁作天子何如金山寺裏三乘
禪

憶菜花魚

去歲清明同人課詩浣花居會咏是魚子得
七言古竹字旣脫稿見香齋所作長短句亦
工今客京華頗憶舊游因
亦作長短句仍用竹字

孟子居陸海只言魚可欲吾儕生水鄉魚當別其族屏叢書
弄往牖不須更掘魚經讀但傳吳語志鄉俗黃魚大腥黑魚
老青鰲細微白鮒毒鱧魚弱鱗編縮項雖號肥鮮難越宿紅
眼鰠魷烏背鯽數見翻教遜榆肉楊花鯉魚桃花鰕索價未
廉等鷄鶩就中最美菜花魚菜花魚生滿身馥是魚或云花
時出餐花之衣噉花粟或云身如花薑心點點映波綠吾土
續梅里詩輯 卷六 二

本接鱸香亭菰菜蓴絲秋水曲不學張季鷹亦不作東曹屬
自愛棗溪魚思鄉在心目花開田裏魚尾長花謝溪頭魚子

足魚生往往傍野步欹石露根岸藏腹數頭相聚時相鳴是魚

能如鼓隴胡斷還續老漁挽衣赤雙腳轉側彎環鷺沙伏不

放魚鷹不下竿不鳴魚榔不張簾先以耳聽後手摸將得還

驚往來倏修者逾尺短扶寸兩腮貫串柳條束吳娘烹煮有

新法不藉鸞刀鱠紅玉細髻滌盡脂流膩搯指模糊血出漉

碧蘸香油煎更好翠分菜甲堆還簇梅花三白傾春螺雪花

二紅沸朝粥晚來欲配筍鞭燒蝴蝶風前握深竹蝶有菜花
黃等名

伍烈女

女子生有家一馬配一鞍雖未相將去有盟何可寒忽聞鏡
裏鴉孤鷺捐軀請赴義所安吁嗟鴉鳥不我諒搥胸嚙血摧

心肝露臺夜零秋露溥斷腸花死風雨酸飛霜更漉沙波苦
切玉轉覺昆吾難棠花飛處隔江步李樹殭時添井欄此時
求死不易得哀啼玉筋雙汎瀾側想長河夜漫漫所悲阿母
在後單寢門臥病病初起哀暮願汝長加餐天地慘淡光欲
爛居貞有義無盤桓纖手接彼紅羅帕微軀逼迫方寸寬鳴
呼藁砧未見刀頭絕破鏡清輝萬古看女嘗夜坐露臺欲受
霜露以死又啖斷腸
花根跟鹵絕粒家人苦防護不許近河窺井禁示刀剪中懷
之屬後女侍母病愈乘間自縊死蓋女求死最苦而後得遂
云一馬配一鞍吳中諺也

陳學洙 書舍題管仲姬臨摹瓊璣圖

雨鳩逐婦鳴檐牙風蝶作隊飛窗紗試看當歸甲未坼間來
還試頭綱茶陳郎示吾一燈古圖書琴牀拂拭支了文瓊璣
之圖出蘇蕙詩情明灼言何嘉上留一格見天心紫微垣轉
續梅里詩輯 卷六 三

天街斜左舒右闢知從牽牛畢昂始天根月窟迴入遐淑眞
分章似抉漢仲姬握管如簪花紀年至正歲辛酉字跡不敢
塗昏鴉百年豪素黠光采明牕把翫重咨嗟自從俗工愛道
染大半浣筆圖粧華拉雜寫成兒女醜更續錦字舒淫哇古
時君后有陰教洗滌媒霓無偏邪區區恩怨至瑣細似此粉
墨誰雄誇若蘭回文寶滔過挂之齒煩羞吟呀金輪天子闕
於事賞歎絕藝殊乖差妻齊妾接溺情一臣工何以能忘家
當時作者已癡絕好事摩倣逾紛華卷還陳郎洗我眼譬如
書卷袪麻沙君不見齊國鷄鳴鄭弋雁尼父不刪正而葩

弔嚴子陵

截竹一枝爲釣竿占山一石爲釣壘淮陰滑濱不足伍飄然
獨立江之干當時物色除諫議人說公卿待小吏豈知不是

天子臣意中別欲廻天地先生意思不可窮肯比雲臺四七
功故人已得中原鹿合向江湖作釣翁釣壇欲落天邊石釣
竿百丈絲千尺山高水長一星挂萬古蒼蒼此爲容

甲李少白先生爲表兄李稻騰作先生名自明官揚州
自縊學舍幼子鳳侶亦自經死訓導時史閣部兵敗

事定仲子于苑求遺骸不得

一官不與經世務遭逢國難以身赴父子捐軀忠孝間死時
無棺葬無墓我聞少自廣文耳千秋毅魄猶辛苦當時逸樂
來荒王遠輸石晉宋南渡黃侯史相不可支何况左馬交抵

晤久矣天命歸真主冷官心事尚如故尺書慷慨投雲岑

一門仗節滄江路先生從孫雲岑父子亦先後死近來綸

綽愈寬大會見孤忠鷹異數百年碧血留青瑣鬢宮悵望水

雲暮兄也先生幾葉孫含愁示我落花賦先生嘗作
落花賦

續梅里詩輯 卷六

四

胥山同毓齋四兄顧生一清崔生煥

登臨一卷石可以弔靈胥吳越霸圖盡江山秋氣初涼風悲

小海野水想羹魚更有真祠在滄瀾走素車

九日同馮孝廉重華蔡秀才環黼周明經大榜吳秀才

承登攝山宿文殊山房曉起作

紅葉南朝寺來悲六帝秋百年重九日孤枕大江流靜得烟

霽氣高看花雨收自將人世夢同寄萬山幽

不去堪常宿栖遲暫給園亭孤懸木末澗細落雲根夜逼星

河淨山空霧露繁平生何限意到此已忘言

山曉更濃日湧最高峰興自清秋得遊非老衲慵天花千

頃黛色六朝松極目翠微外寥寥聞講鐘

訊明僧紹於今宅亦荒名山接茅蔣斷碣自蕭梁積雨空

林氣孤花一逕霜築臺高樹曲飛躡幾人強
欲別西風落遙聞木葉乾尋幽孤絕頂送客駐奔湍令節斯
游最高山一枕寒祇愁輸沈顧未寫畫圖看

秋感

蘋末微風江漢多悲哉宋玉可如何九秋落日天邊立千里
投書渚上過游子年華易蒲柳故人酒肆每山河側身逆旅
憑知已舊雨沉吟獨放歌

縹緲江花一感予沿流采采意何如南雲萬里長垂淚朔雁
三年不寄書月落猶聞湘浦瑟風微欲伴楚人漁荆臺屈宋
才華地未展風詩計自疏

絕域波濤萬壑雷山名開母至今開江吞雲夢二湘去海合
滄沱九曲來落日含沙居霧窟秋潮挾劍上冰苔二桃國相
續梅里詩輯

卷六

五

成何事梁父吟成兀自哀

悠悠鱸膾憶秋蓴故故鴻軒廢隱淪南國看雲猶有客北堂
樹草未歸人金風天地思懷橘黃葉山川感棄薪不見登樓
賦吾土自言家世本西秦

洞庭波後一扁舟千里江南木葉浮北極星高天不夜西風
地迴簾長秋茱萸濁酒人多病蟋蟀虛堂客易愁吾有雁行
遵落在日歸無數滿滄洲

浮雲似蓋結層陰歧路相思未可任萬里悲秋君痛哭百年
送遠我登臨天邊挂劍將星散市上吹簫易陸沉最有嗷如
山上雪男兒不惜白頭吟

芳草連江白馬嘶王孫遠道漫萋萋稻梁澤國膏腴少鴻雁

田碌碡低赤海風漪侵旅夢青天月色入羈棲漢臯解佩

殷勤劇歲晚多情不可稽

迢迢銀漢落滄溟往往乘槎犯二星桂樹小山日遲暮芙蓉
秋水雨飄零美人天路雙魚素游子風懷兩鬢青何以消憂
一樽酒百年容易醉中醒

謁于忠肅祠

誰言曲逆善籌邊豈似公忠卻也先社稷眞將孤注失君臣
實比靖康賢再中昃日千秋事一洗蒙塵萬古天赤手銀河
遺績在論功更欲諫南遷

空屯土木戰雲殷會閃旌旗萬里關國步艱難名世出沙場
日月翠華還春秋卜貳謀方遂玉帛和戎事等閑表裏山河
他日在南城憶舊泪應漣

扶危一手資元老復辟同朝棄壯猷龍躍淵中南內夜鷺尋
續梅里詩輯

卷六

六

冰上北風秋青山故里堪埋骨紫禁春場更擊球問道朝天
餘兩袖一生清白至今留

海色江聲肅墓門溪毛欲薦日初昏傷心兩帝偏成讖抗疏
宣宗亦有孫公疏帥王請立元良與商文毅公駱同一代屬鏤矜國老千秋提

髮想天昆湖山此夜應惆悵碧血誰招萬古魂空山血淚憑誰訴萬里忠魂獨自歸公終後詩同于林碑一詞

不寐

萬慮分明傍枕留孤衾涕淚濕征衫潮邊聽雨鼃鼃徒窟底
逃雷虎豹饒獨夜睡方愁孰檢深更鼓吏苦誰監此行未必
輸張翰何待秋風始挂帆

杖履雙游舊板扉家山夢覺一身違應看束皙咳蘭采未有
芝隴雉飛心事百年微祿遠歲華七秩二人稀友于挺拔

時依邾待並開顏小弟歸

酒坐

燭滅風狂雨忽斜風迴電轉走雷車春聲掃去還驚籜雨氣
香來遠送花酒後思鄉恒涕淚夢中失意似天涯離愁不爲
鴟苔在獨夜豪吟感歲華

夜坐山堂酒已中一杯心凸莫嫌空當歌自笑狂夫甚謝客
猶憑小史同千里春心飢野鶴百年歲箭飽離鴻翻餘跋扈
飛揚意玉帳談兵聽亦雄

何堪白頭亦軍鋒

臺橋
盜警

詔下鴟苔虎穴封三月風高應破

竹百蠻樹暗尙屯蜂

滇南
有警

似錦春浮瘴朔騎浮花夜到

叩聞道祝師元老出李波小妹莫雍容

憶烟雨樓

續梅里詩輯

卷六

七

厓戀南湖水一灣爲憐勝蹟復鄉關鶴烟涼滴裴休島蘆雨
秋喧伍員山終古層樓開鑑曲至今五代落人間吟詩錄付
登臨處留取風光待客還

懷許蘅紫

將家才子足風流年少曾爲萬里游淚落玉門關塞雨詩題
紅柳戰場秋歸時不改耶爲宅老去還登王粲樓見說西江
詩派好吟成楚尾接吳顛
自梅里之蛟門寄懷薛春樹周漁耦楊未孩沈理泉楊
旋吉丁誠之李奉池旣方慶伯家秋坪香蘅隱梧

故人高隱背青山都傍西溪水一灣南北中央還往易筆詩
經義課功閑蓴鱸候熟吟濤健稻蟹年豐酒膽豚可憶當時
同社客獨孤幽事向問關

老向江關成薄宦全攜兒女作貧游已拋南浦三篙水來趁
西風一葉舟菰稻欲紅霜滿野荻蘆初白雁橫秋抽毫愧未
丹青學寫與詩家破旅愁

江上曾看孝女碑酒邊復讀賀丞詩留題黃絹千秋筆解識
青蓮百代詞三浙水長空擊汰四明山好漫棲遲漢唐事往
難重問此地栖栖恰爲誰

城下濤聲總似雷眼前未省見蓬萊鯉魚有信飛難到鷓鴣
多疑去莫回九日誰將桑落酒百年身負菊花杯獨憐舊雨
溪山曲黃葉柴門逕屢開

京邸夜話同陸

以藏宋

大樽李

浩馮桂芬張

大德燕昌

燕臺蕭瑟露華零萬里河山作翰屏地輔黃圖沙塞白天垂
滄海薊門青合昏花謝偏多兩盃旦禽啼不見星閑殺防身
續梅里詩輯

卷六

八

一長劍崆峒欲倚路冥冥

街鼓初沉夜未央天開碣石自蒼蒼重簾霧雨呢喃靜四壁
風花蟋蟀涼水國蘆鱸隨夢遠湖田稻蟹入秋香行須稚子
敲針就放鶴洲邊釣晚陽

鱸魚

陔蘭泣露棗花空破鏡銷沉紙閣中已分故園成逆旅鱸魚
何事起秋風

范蠡祠

錦障寒恍明暮聲白雲殘照滿孤城當時且有扁舟在卻爲
黃金鑄未成

重經孝陵

空階石馬鎖銅鋪未許人間識畫圖玉匣珠襦零落盡溫風

尙曝衮衣無明制六月六日曝衣

詔許宮奴闕夜臺五吾勅監守陵鍾山陵樹夕陽開惟愁玉枕人

間出不見金吾雪後來明宮雪後錦衣衛掃雪

古意

江上相逢漁父漁烟波落日弔三閭可知戰國君臣際一卷離騷也自疏

意氣凌雲自古稀東華往事一時非季鷹當日真才子汾水秋風雁不飛

將赴都門口號呈吳亭兄

胸春欲解定無時寸草春暉報荅遲三歎絕裾成故事太真端不是佳兒

干時何事竟辭親扶起衰年送遠人人世萬行游子泪可憐

續梅里詩輯

卷六

九

救水易風塵

慈母心先游子寒丁擘新婦怕衣單堂前嗚咽尋刀尺手幾

縫成可忍看

晴日潘輿路最諳鶯花不勸駐江南尊前料理三年別況隔

郵籤三十三

結束輕囊壓蹇驢燕臺春盡望雲初多情雁陣天邊數一陣

飛來一附書

題梅溪六逸圖

偶然賣藥入壺中謂胡蘂江先生馬帳羊裙活計同戴東軒先生掌

先生賣三壽作朋逾四皓只休錯認夏黃公處士夏枯園先生時稱夏黃公

不知夏黃公亦姓夏也

竹裏此梅邊卜宅溪橋近接連猶記先人書亥字畫中

若箇是疑年先東溟公以丁丑生年七十三見昔園中明蘭江戴東軒陳紅樵三先生俱丁丑生今年八十矣

幕府頻年勤羽書歸來遙背市門居夏柘園李晚菴兩先生俱名重幕府

白髮門生老不減風流載趨車晚菴受業東溟公

儂家小店逐溪遙梅里一稱王店樂府爭歌王子喬謂予宗隣霞先生還向

爛柯山下見何妨我亦郭西樵

張大德

大德字敬輿號蘭皋乾隆丙午舉人官淳安教諭有

蘭皋詩鈔

詩話廣文孝友淳篤里黨稱為長者秉鐸時循循誘導以立身行己為則人咸樂其和易執經受業者甚衆詩極溫潤

讀書臺懷古

續梅里詩輯

卷六

十

清秋日晶晶登高宜層麓言尋逋翁跡逶迤窮深谷臺基十笏餘頽圯生叢菊著作負高才攜書此中讀想其手一編精神相往復淵淵金石聲時聞出林竹春風自日日下山終絕足迄今吟遺句雙峰宛在目山色故依然高風杳難續歸去夕陽沉馨聲騰佛屋

題趙子固水墨水仙花限水字

水仙本仙姿彙齋豈畫史偶將青松烟寫此尺幅紙想其徵能事化工在十指嚮弟與梅兄一一堪形似何獨貌此花九十三莖峙卓哉安定孫是中有妙理當其廣陳隱天下非宋氏支派本天潢忍更營金紫契彼凌波仙獨立在烟水畫蘭不着土千秋同厥旨

武林學宮觀宋高宗御書石經

明墩映泮宮佳氣何葱鬱殿廡禮器陳碑版迴硯硃我聞古
石經流傳蓋有七熹平蔡邕碑篆隸三體別樹之太學門觀
者車乘列陳留邯鄲淳入體皆洞澈建石漢碑西文彩相發
越典午裴頡書開成元度筆嘉祐楊南仲成都孫逢吉數子
皆儒生表章故矻矻南渡宋高宗內殿勤筆札寫字便寫經
奎章炳日月當時方偏安毫素自研悅宣示徧從臣因請付
剞劂立石禮殿傍光堯閣揭桀彈指六百年勝事猶可質石
經半銷沉茲幸未滅沒摩挲一再讀防護功足述倘非申楮
君悉爲西僧裂

三 同人游龍井用東坡韻

龍泓水潺湲一碧洗塵溼懸流出樹杪歎薄瀉山足或注洗
花池百尺涵淨淥石麟臥波中寒泉飽空腹勝游及孟春瀟
瀟梅里詩醒

卷六

十一

霧生林麗細雨斷續飛怪石虎豹伏須臾積陰開但見奔雲
逐倚檻俯層坡拓櫺舒倦目湖光映綺疏空翠圍竹屋同游
二三子各各登頓速爲訪辨公蹟遙溯坡翁躅久聞茲山茶
春芽碧于玉僧房啟竹爐清風襲疏幅玉川碗再傾南宮碑
共讀且作蘇門嘯記效窮途哭勝地喜初來良會期更續攜
袖輕烟隨回屐微靄觸比中有佳趣令我懷澗谷往復介亭
篇清新愜所欲相與結詩緣寤寐猶膺服

說經四首

太卜掌三易夏殷亦同占作者皆聖人完書付蠹蟬水經引

夏易元魏書未淹崇伯伏羽山其詞非簷簷商易漢失載隋
有篇十三初經與齊母散逸不成函譬如獲斷壁入握輝光
含未裁劉光伯覃思費摹參衛氏妄擬之支蔓真可刪三墳

豈二易附會始毛漸寄語嗜古者細意搜經窟

魯恭懷孔宅古文出壁隅安國勤檢校篇第具分臚惜哉馬
鄭輩不見安國書兩生作傳注今文自紛敷入麗伐迷木語
與舜典殊太甲說命篇存者何云無不有梅內史古學將終
孤

雅頌朝廟樂二南房中聲太史秦南籥知是周樂名唐山夫
人歌受福享神靈雖無風化言結韻有餘清樂府清平瑟三
調次第成古詩胥協律後世徒詩興五言但擬詞不堪付小
伶湖州取南雅學舍墳籥賡朝夕一諷詠入聽足怡情儀禮
十二譜宛聞開元音

一切陵

董生傳公羊正誼得心法四傳至何休識說何紛沓三科與
九旨解經徒錯雜遂使公羊學眾口攻如匝漢宜好穀梁其
續梅里詩輯

卷六

十一

書乃以立未得范甯注通者百不十左氏出張蒼諸儒實未
習博士李封後疇能承其乏賈服爲訓詁學者始卒業征南
有左癖衆解哀成集其孫刺青州齊地相什襲三傳各有長
穀梁與經合弗守賣餅家大官自淵洽

三江閘

馬守闢鏡湖瀕洞三百里實惟水利存乃爲好民毀故址今
渺若圖經亦空記何年安岳來江壩鳩工建牖高穹然浦陽
曹江襟帶間漸江幾折遙相連逝者如斯那可撼隄防賴有
重門險儼於天塹兩界分風瀾回映光靈灩眠波二十有八
洞沐日浴月星輝映洋洋大海環嶺瀉江流聚豐豐精氣搏
漣漣鬼神護銜銜雙牖開闢雷車度兩水激宕雪浪飛矯
如振鷺橫長翮一注應作千里看盡倒狂瀾歸大澤想其慘

淡勞經營人力欲與天功爭山根遠蹠盤石固川原底定農
功成至今食德猶未艾春秋祈報喧簫笙我遊於越二三載
江上行吟更觀海追尋遺跡土人知蒼茫懷古豐碑在大書
深刻頌神功萬壑千巖謳思同於戲惟良二千石前有馬守
後湯公那知淤積自年年霖霖十日波滔天修闡何如濬沙
急誰其嗣之惟後賢

表忠觀

十國人稱傑南山鳳欲飛跨江標勝槩曠代感宏徽疆圉川
原固林巒錦繡圍中華方擾攘半壁此懋依負擔泥途溷垂
旒石鏡輝門開六纛建勇奮一戈揮尙父朝廷重興王異姓
希塔高金鑄佛潮湧怒張機羅隱言殊遽朱溫伐豈非伊將
真主待敢耀武夫威社稷綿賢嗣輿圖入帝畿乾心應有屬

續梅里詩輯

卷六

七

詔命幾曾違父老懷封樹兒童唱緩歸世家忠孝美遺觀榜
題巍鐵券黏苔古穹碑搨墨肥雲深留巨跡風過拂灑旂虎
落思雄略龍章憶袞衣溪巖餘夕秀草木自春菲猶復存崇
構誠堪慰式微尋游閒眺覽莽蒼對斜暉

烏相枝詞做楊柳枝詞體四首

柏子纍纍白於雪花細細黃比金休言紅豆生南國已覺
相思爾許深

風俗三吳計最良門前幾樹淡含霜年年落實償官稅厘事
爰求陌上桑

詰屈江村路易迷王孫歸去駐征蹄斜風細雨人何處烏柏
枝頭烏舅啼

勸郎莫種若榴樹勸郎莫折楊柳枝江南風景尋常有紅板

橋頭繫爾思

沈士模

上模號岫雲監生有岫雲詩草

詩話族祖性恬退喜臨池行草通似查聲山亢生詩亦雅健

舟至毘陵

第二泉邊月明明夜入舟棹聲繁短夢樹影逼殘秋忽聽風前笛誰家水上樓蘭陵多美酒聊以慰羈愁

鍾鼎

鼎字玉鉉號月橋有月橋吟稿

詩話月橋少容廣陵最久與錢塘張憲峯如臯管壺曰江都林鐵簫爲文字交晚年授徒里中詠鷗云夢裏五湖白渺邊片影明郭頻伽采入詩話

庚申小春吳澄齋招集梅溪禪院小飲卽次馮花橋孝

續梅里詩輯

卷六

丙

廉贈根源上人韻

十載江湖鬢已斑倦遊此日鳥知還愛聯舊雨攜芳酒重到精藍話故山茶版詩牌呈本色柏堂竹閣自清閒老僧更乞題長句洗盃門前水一灣

沈世德

世德字彝綱號理泉監生著有學易廬詩集

詩語從曾祖與采江太史春樹布衣爲文字交志趣軒冕之慕行若弁牒之絮論詩不矜才藻蓋襄陽大視一梳人也五言如星霜驚雁陣歲月老漁竿半簾殘暑雨一葉早秋天七言如半簾蕉雨香飄視一樹松風韻入琴錦城花柳鶯遷早玉壘浮雲宦興長皆爲名流所誦誦

月夜懷金孝廉蘅畦

燕子磯邊月清輝此夜寒屋梁疑有色書幌影偏闌客館吟懷健釭花夜漏殘離居空有夢冷落舊詩壇

金子峇江館

沈世昌

孫瀛填譜

先會祖字振安號葉舟監生

稍曾按梅里沈虞衡名璇考授州同康熙間歲祿出粟助賑行誼載郡志子又倫名諸生嘗受業於竹垞太史即葉舟曾祖也葉舟與兄理潛皆能詩彭君據經寓禾與論極契洽弟所入國朝詩選揚謙葉舟畊隱圖記言之甚詳

病起

已過看花約拖筇杖遲起斟寒食酒高咏樂天詩草木爭榮日鬚眉向老時西疇春事足未失耦耕期

馮克鞏

克鞏字松恬號七研又號小魯總憲光熊子監生四

庫館議敘歷官雲南麗江府知府

詩話太守署安順時領兵克捷烏巢河抵乾州以幹畧著工書逼似趙文敏官職所至每紀以詩

續梅里詩輯

卷六

五

牛心寺

太古峨嵋雪寒光迴絕塵融成雙派水流出一山春石臥空非想雲飛不住因惟看滄海月萬里自隨人

李國華

國華字聲珠號蕙浦徵士良年元孫監生有蕙浦詩

鈔

詩話上舍少與從弟明經且華以詩文相砥厲和平爾雅足繼前人遺軌性尤耿介家貧負米歷游幕府一時傾折有劉穆之之目融按蕙浦為香社尊甫山右陳說巖轉槽兩浙引輿倡和往來必倍其蕙浦詩草一卷陳鴻壽為之序

春日 至秦園并觀慧泉同陳說巖觀察賦

之懼春水淥遠黛飄晴嵐破夢風徐徐招我窮幽探曾聞慧泉則誅茅當山龕舍舟試登眺活脫徑有三老樹盤石磴略

行說拖藍繁花正爛漫馥郁香苞含宛轉窮窳窳幽景非素
諸潺湲瀉碧澗信步隨溪南渟泓清且泚一酌何云貪時與六
觀察

汲泉取飲流觴今已泐曲沼仍虛涵慷慨緬前哲倚杖心懷慙憶

昔秋風起帆影照江潭曩踪一僕指征衫我何堪丁亥會同
觀察欲游

不流光疾如駛柳絲復旣旣才宁俯小亭盍簪轉興酣雖非

煙霞痼披尋性所耽芳菲不可待妙理虛中參曷爲事行役

奔趨類羸驂糟牀春酒熟飲之有餘甘願作卜鄰約來結方

圓菴

秋日登仙霞嶺

我聞仙霞最巔芳奇峰羅列何蜿蜒謝家蠟屐屨徧歷險茲山

惜未披雲煙清飈瑟瑟吹不已秋草拂拂猶芊緜偶偕星使

理鞭策詰朝同上雙花鞵俞兒效靈尋先路翠微歷歷落我

續梅里詩輯卷六

六

前嵐光繚繞山帶滅老樹夭矯蚪龍纏徑窄滑突不可上欲

行踏破蒼苔錢仰睇飛閣俯山側玲瓏欲墮臨紅泉蕭疎高

柳翠可挹磊砢石勢彌連蹇腳力已盡山愈好蛾眉掩映相

爭妍層巒疊嶂難指數疑有仙客高處眠胡麻芝草誰賴拾

那不思拍洪厓肩靈蹤縹緲今莫覩微聞香氣來芳荃白露

團菊英未落奇葩猶放疎籬邊尋幽至此更忘倦攀躋直欲

凌層巔回顧三衢平似掌遠控八閩形盤旋白雲無心徐出

岫倦鳥戢翼應知還人生何苦爲形役場來憇息探真詮紛

紛歸騎不可駐還尋舊徑聽潺湲何時翦燈約老宿相與清

話邀嬋娟

常山道中眠沙嶺遇雨作

以山懸峭壁相與共攀尋活脫沙偏滑歇斜草更侵陰崖驟

雨黑遠壑碧流深今夜依何處殘宵獨擁衾

孔坡阻雨宿戴氏山莊

濯枝雨正猛暫息到山家聊以永今夕何愁前路賒翦蔬
味異對酒短檠斜負米良非易蹉跎感歲華

天台曉行

茅屋雞鳴早三更催客行亂山懸細路遠壑咽危聲松火穿
林暗疎星榜火明偶然殘夢醒樓指數歸程

嘉平肩雪渡曹娥江

作客頻年喚楫師重來風雪滿江時四圍山色行人少一片
煙波歸路遲負米遠遊嗟我拙依劉無策仗誰持袁安僵臥
非無志夢到咳蘭獨繫思

題徐玉田夫子留松圖後

續梅里詩輯

卷六

七

輕衫暫換水田衣便得逍遙倚翠微悟到三幡堪入座屏除
萬卷已忘機嶺雲掩蹇愁龍化石磴盤桓待鶴歸準擬叩門
析疑義拈花一笑坐苔磯

李清華

清華字寶生號湛園邑庠生有漱六軒詩草

香址詩話從叔天資聰敏蚤有聲譽嘗從六忍從祖
遊得其講解與家春浦宋芝玉碧山諸先生並列文
壇精楷法試輒壓時輩年僅三十有三賁志以歿詩
極瀏亮

八月十一日桐華館翫月用皇甫子循詩韻

高館秋氣涼清夜共歡宴惻惻明月光皎皎掛天漢疎簾自
上鈎挈伴相把玩焚香更讀書夜氣未逾半重露滴桂樹魚
吻彪煥長風何處生雲中一羽翰

十二夜月用皇甫子循詩韻

登樓良夜翫瑤席續其歡涼月仍清景纖阿排雲端鬱鬱望
故鄉深庭列酒餐嘉樹何亭亭不覺風吹寒華彩流五色雲
路馳驅難願作臨風翼一訊別時安

十三夜月用何大復韻

月高秋氣肅雲色更與俱揚光照叢蘭郁郁流雲衢清沼
鱗躍皓魄麗廣區徘徊開煩襟徙倚臨階除隨風望遠道嗟
此感居諸傑獮流星光遙矚不須與緒風起素節相羊高臺
居願言守貞白長此色不渝

十四夜月用何大復韻

習習清颺起對月欣舉觴瑤華已如畫鬱鬱生西方忽來風
中琴縣圃素波揚河鼓絡四角素娥端中央啁啾鳴禽聲蒼
鬱嘉木旁秋蘭色更翠池上揚末光酌醴顏半酣歡樂何能
續梅里詩輯

卷六

六

落我手遊遊以周章

十六夜月用何大復韻

流光萬餘里華星粲以多開軒望明月層雲生微波夜氣猶
未深涼颺遍天涯合坐酌金卮勸酬無咨嗟輕烟凝叢桂高
臺觀飛霞隔林寒鴉噪似亦希光華憶昨微雨零清輝今轉
加淒淒吹朔管飄飄揚風沙我懷在江介夢隨天路遐

十七夜月用何大復韻

今夜月仍明晚霞生雲端晉固多繁花池流無急瀾亭亭素
女光嫋嫋拂秋蘭華館來涼風望月開中軒西園盛難再南
意獨歎擊汰蒹葭岸獻酒尋舊山翡翠戲衣桁容色更相

露沾雷廣庭中惆悵光未殘

讀魏忠節公傳

明季盛儒宗東林重氣節魏塘有純儒立朝何光烈本出忠
憲門大義昭然揭時當光熹際交章殊憤切追論罪國泰力
請誅從哲邪黨皆仄目戶外無車轍斯時汪文言黨破齊楚
浙大鉞上彈章牽引盡俊傑委鬼坐當頭炙手勢可熟耽隨
崔魏肩竄與楊左列痛哭力陳書貶秩在一映倏睽下詔獄
送者皆嗚咽文言既已斃始終無由徹懸坐三千贓不待片
言折竟剖比干心遂化萑宏血有子死苦由忠孝兩無缺厥
後闖豎除其事始昭雪聖朝褒遺忠青史表芳潔日月與爭
光萬古多難滅

讀書臺懷古

橫山忽綿亘何假巨靈削奧區足栖隱古哲恨不作攀援尋
續梅里詩輯

卷六

九

舊踪黃葉紛漠漠緬維華陽逸結廬此中託卓犖觀羣書恬
然臥邱壑如聞金石聲洲洲出林薄惜哉春風生芳菲易渺
邈荒草沒高臺殘烟抹重嶠下山一惆悵閑花半零落

胥山磨劍石歌

磊磊胥山石不高不插青雲端名以磨劍傳千古精氣鬱結霜
華蟠昔聞子胥忠義士吳山莽蕩駐征鞍志吞西越氣蓋世
昆吾一試當層巒雄風指顧隔曠代長留片石壯遊觀日銷
月爍不磨滅苔深蘚古霞流丹年深恐有鬼神護不然虹氣
騰空壇我來正值旭日上晶光射石開斑斑胥江潺湲水波
急似聞拂劍聲珊珊兩足低徊不忍去天風吹袖生暮寒

題觀海圖

十年夢落烟波中有志未遂長惺忪今冬有客來淮浦手出

一幅烟溟濛茫茫大海流日夜波濤萬頃開洪濛壯哉之子
情豪雄獨立縹緲之危峯但聞砰礚確磔勢莫遏忽如秀隼
逸驥騰青空有時駕長鯨往來趁長風髣髴乘槎泛天際窮
源直上青銀宮豪遊如此信可樂願歷大小瀛海相追從蒼
茫萬象皆入望連山波浪開心胸如今豈無安期與子喬請
君徧向蓬萊方丈尋仙踪

題張雪村杖鄉圖

問君年幾何示我杖鄉圖神怡貌古筋力健穩步安用青藜
扶知君卓犖有雅操襟懷曠達俗好才華本是江鮑倫等
力直可千人掃科頭箕踞氣昂藏雙瞳炯炯鬢未蒼山中宏
景得毋是愛聽松濤清晝長清音盈耳百慮淡春風滿袖芝
蘭香古來林泉多耆宿載賡餘背頌黃耆會看期頤臻上壽
續梅里詩輯

卷六

十

爲君躋堂酌東酒

尋裴公島

裴公故渚久荒蕪蔓草頽垣定有無自昔殊勲垂竹帛至今
遺蹟認菰蘆林藏古剎春雲暗水漫空塘夕照孤放鶴洲前
一延佇野風蕭瑟亂啼烏

夏日村居雜興

布穀聲聲催早耕小橋流水夕陽明田家慣自誇鄉味招得
溪朋鬪酒兵

信步柴門日影斜輕颺拂拂響縲車遙知袁繭人忙亂不是

南家定北家

孤村僻處可淹留燕翦匆匆入畫樓正喜奇峰雲未起

皓月上簾鉤

高臺碧月照瓊顏
今夜芸窗且莫闕
隔浦一聲長笛起
納涼人去未曾還

題聞川泛植圖

生長聞川灣復灣
十年冷夢水雲間
扁舟愛向橫塘去
是處清音獨往還

缺瓜小艇欲何之
清切流雲到水湄
喚起金風舊亭長
紅牙低按譜新詞

李

顯字向輪號苻溪

詩話苻溪少有雋才嘗受詩法於敬堂魯哉兩先生後以痘病瞽臨於卜

暮春送友人

忽聽驪歌唱臨歧
感萬端鳥飛千里迥
春老百花殘雨細
孤

續梅里詩輯

卷六

三

帆濕江空一棹寒
幾時杯重把共飲淚痕乾

李日華

日華字程賦號旭齋徵士良年元孫邑諸生有旭齋

詩集

詩話茂才詩格清道力追韋孟客邗上最久所著紅豆詞早刊行

袁蘇亭

文揆

過訪寓齋卽言別

寒色入江城雪花滿江樹
有客來洞庭片帆落瓜步
尊酒未盡歡離歌先已賦何處
送君行天空愁日暮

舟泊鴛湖與抑齋族祖別處

別離猶昨日夢寐已經年
萬里金蓮客孤燈范蠡船
山花寒帶雨浦樹碧浮煙相見
期難定投詩一惘然

歲暮逢曹古香有贈

一夕鬢毛侵蒼茫萬古心江鄉歸雁少風雪閉門深對酒空
彈劍懷人數鼓琴天寒兼日暮知己更難尋

同季雲崖登如此江山閣懷故鄉諸子

臨流高閣記曾來忽漫驚心春又回江捲潮聲搖海嶽山堆
雲勢擁城臺當年歌哭何人在此日琴尊爲爾開渺渺鄉關
愁日暮雪中誰寄一枝梅

李德華

字可大號鴻齋徵士良年元孫邑諸生有鴻齋詩稿
詩話茂才早歲稱詩嘗有花間落峰影句王碧山孝
廉以爲五字可傳配汪夫人雲壑殿撰姪女亦能詩
惜皆不永年

寒窗寄內

十幅蠻箋次第披女紅餘暇便吟詩卽今迎歲新梅發想見

續梅里詩輯

卷六

五

蘭閨點筆時

梅溪閨秀汝能繼麗句新聲世所難只待洞庭春色近內子
于立春
前歸里好同把卷對芬蘭所住斗室
名芬蘭居

尤桐

桐字于岡邑諸生有師六詩鈔

詩話先徵士公嘗稱師六先生宅心醜粹礪行廉潔
詩亦和雅如其人

巳酉冬仲送嘯廬遊荆楚

潛鱗依淥水翔鳥刷脩翰豈不念行役心非懷與安獵獵翔
風勁出門天已寒徒御咸凜烈不顧衣裳單浮雲一何駛仰
見穹宇寬慷慨孤矢懷珍重在加餐

大江自西來東與沅湘俱上流引百粵下流控三吳岩巖粵
三臺其下榕陰敷客館謂令兄改新陽膏雨長春燕自非雙

魚將曷以慰脚蹶同心而契關矯首等區區
冬夜秋蟬閣對瓶菊小飲分韻得歸字
不盡飛揚意開尊向夕霏冷香留活水秋色上寒衣但得幽
然趣焉知逝者非酒錢還更數爛漫未言歸

過彌陀庵

墨紗金粟結因緣重到精籃三十年世外且多存破感何嫌
雙鬢獨蒼然歲在丁亥借馮層霄毛聲野過精舍時吳省三下榻其間因觀其畫桃源圖自性上人亦在座
監外駕乘盛開新墨紗燈頗精雅相與茶
話久之今則省三層霄自性俱下世矣

錢本瑜

本瑜字璞齋有葭灣小章

白下驛

在泰和縣

離家千里遠此地暫淹留木葉下風色江天生暮愁馬嘶沙
續梅里詩輯

卷六

三

岸月人憶故鄉秋山谷祠還在蘋蘩一薦羞

周槐卿

槐卿字甸川號潛溪邑諸生

詩話茂才布衣蔬食寬厚善教授經里中馮太史登府出其門

歲暮

植杖行吟外身閒力亦微寒風催晚節落日掩柴扉噪雀爭
杖集陰雲帶雪飛時平關塞靖不復寄征衣

孔繼麟

繼麟字石徵號珊容邑諸生有珊容詩鈔

詩話茂才貧糞無依寄情詩酒年八十餘猶苦吟不

咏雞冠

炎官豈火織赤帝羅絳縹東方日旣明罷唱雞人籌幽人感

滿晦奈此風雨秋

咏鳳仙

明月照簾櫳涼颺停羽翼誰擣冷胭脂染藉濃翠夾美人拾
啼痕斑斑上指甲

乙巳冬過曹種梅春波橋居各出近稿相質賦此

客子嗜詩如嗜痴案上蛙硯勞梳爬城頭打鼓方打瞞力掃
十紙塗寒雅詩成快意無賞識魚蝦市上輕泥沙種梅曹君
托末契老眼獨蒙激齒牙謂余貌樸可語古湖濱屢過須髮
彭召故吾鄉稱作者上窺姚妣下百家尤敦騷雅王壇玷圭
臬漢魏親元嘉陶谿顏謝出變化疾視陳隋袂淫哇風格直
詣黃初際競響曷畏三曹拋麟也咀呀三十載未免金屑混
泥砂邇來洵汰慕師法快意未敢肆傍葩風騷頃養難涯埃

續梅里詩輯

卷六

五

韓杜渾噩奚津植買絲欲繡蘇玉局腕底無力騰龍蛇么絃
急請勤拂拭細響聊以充箏琶手攜數卷來質証春波之堂
羅涼花滿堂嘉客顧余揖蒙君謬以篇章誇未有瓦缶踰鐘
呂誰當鼎鬲貪蟆蝦示我胥鈔百餘首晴窗活火童煮茶五
字七字并雜古急讀緩讀頻嗟呀芙蓉出水謝雕飾翡翠刷
羽彌鮮華就中五言尤工絕長城誰敢偏師加嘉禾近來尙
才料大都尙文炫補媧情新俊逸難庖鮑白地光華其誰耶
鴻濛幾被混沌達元氣破碎難週遮冷業自當付冷眼傾城
沒頓時樣譁狂評應道語無當碗礪須澆酒一柳

續梅里詩輯卷第七

里人沈愛蓮遠香編

李超孫

超孫字奉堉號引樹徵士良年五世孫上舍國華子

乾隆乙卯舉人官會稽縣學教諭有拙守齋集

詩話廣文與弟明經富孫同受業於敬堂大令剖析經義務為根柢之學尤深於詩著詩氏族考在會稽訓課諸生悉依雷副憲鉉學規條約士習文風賴以日上

瀟按儀徵阮文達公視學兩浙時築舍西湖詰經課士李氏昆季及丁小鶴皆與其選伊太守湯安修府志並任校讐之役

謁陸宣公祠

內相值時艱隻手持國計當其帷幄謀禁旅紛多事抱牘效批鱗銷兵伸大志藩鎮氣飛揚肘腋未可制一旦握成算竟

續梅里詩輯卷七

中讒人忌平生積至誠千古垂奏議從狩下詔書孤軍感流涕聊浪忠州居方藥藉娛意惜未罄懷抱復睹貞觀治耿耿

秉精忠豈復避譏刺風烈激陽城文章過賈誼日月與爭光卓哉名不替城隅感舊廬湖畔引遐睇蒼松撐空庭落日依

寒砌蘋藻薦馨香碑珉承曩願成公昔留題摩挲增仰企

癸酉上巳日馬小眉招同繆南澂吳榕園查南廬仰山

金香谷張敬軒王秋坪表叔家篁圍族祖聚齋叔金

灞雪園兩弟小長蘆修禊分賦五古得託字

我鄉數前輩南踐夙約每當三月三清興會有託流風百

年來斯舉久不作嗟余守鄉隅交期長落落馬君忽見招吳

參舟昨泊相期十數子意氣各磅礴爲言此良辰胡弗盡杯

約長水波粼粼曲渚煙漠漠飛觴如蟻浮拈韻等驚攫聊以

繼前脩庶幾意不惡若云祈福祥恐爲古人縛

橫山

緣溪十五里忽見山嶠奇攀蘿陟高岡石徑多逶迤上有逋翁臺讀書此幽棲臺畔一延佇清風吹我衣茆篷僧兩三晝靜掩雙扉但聞清磬響冷冷出林遲

投山

遠近數六峯投山留仙迹仙迹渺難追尸解有遺石何處浮丹砂古井窮莫測淪泉憩儂房迴與塵埃隔北窗一以望林鳥鳴磔磔安得千金珣買田此焉宅

家明敷先生佩刀歌五世孫

汝龍

出示索賦

并序

明敷先生諱方葢性孝友負氣節不稍屈素好兵法才力過人明季值青腰黨及含山盜并擾掠梅里先

續梅里詩輯

卷七

生力禦之佩刀是其遺物云

南村隱現青銀浮熊熊十丈騰潛蚪打門急遞詢所由云是手澤先公留公性忠孝名何求慷慨激烈驕王侯青腰結黨何咆休句連外盜聚鴉鷂家家遭劫敢吁嚶公獨挺身禦鋒頭刀光十閃惡氛收不煩戒守持千板公之氣節孰與伴堅剛佩此真其儔以手拂拭忘恩讐呵護由來能通幽苔花黠淡射雙眸有如湛盧與純鉤我乍見之興忽道霜氣直欲橫三秋雨聲颯颯風颼颼寒生四座神鬼愁何須摩厲輕相投善刀而藏真良謀手提擲還中心始起看長虹豈斗牛

英石筆山歌用漁洋山人海岳研山歌韻爲沈理潛賦
中山作傳亦韻事峯巒豁眼真堪圖奇石遠數英州產虬龍
欲舞生嗟吁神工鬼斧多莫測刻畫何用衡黍銖秀峭詎肯

讓靈壁雲煙吞吐光有無近尋文房甚匪易燕石瓦甃充五
都我鄉家令頗愛古手摩筆格珍璠璵上峯離立何突兀下
峯蜿蜒從若徒汗淡幽坳驗雨候勢拔方寸羅荆巫更置髯
筒藏詩卷詞源滾滾追韓蘇倦吟半榻臥清晝筆花璀璨心
縈紆翰墨由來敦夙好草廬習靜無停車閒撫茲石還拂拭
那用錯列珊瑚株汝哥官定鬪古色何由雲氣相搏扶巉巖
深窪通曲折迴盤一一凌清虛斑紋鐵繡兼瘦縵空嵌宛似
驪含珠爲伴蟾蜍潤書几龍池滴瀝流陵瀆白牙碧鏤左右
列頗宜虎僕與鼠鬚翻思鹿門饒奇癖翠巒隱約浮晴湖甘
露易後歷千劫風流銷歇悲曉蛄咄哉小山繼海岳誰歟對
石忘飢劬何當攜載書畫舫風雨撒旋歸秋蘆

風版歌爲黔陽李靜嵐員外賦

續梅里詩輯

卷七

三

赫曦卓午侵庭除襍穢卻走徒嗟吁先生沐閒息旅館靜置
茗椀書籤俱娑拖不耐煩暑苦要使爽籟形神舒亟命斷手
試斤墨伐材劇則審形模綺梁高挂隨偃仄吳綃尺幅垂流
蘇貫絃宛轉互鉤結控勒在手相搏扶有若鴉翻翼有若篁
扇厨一張一弛常省括何待占風用鐸相風烏直如列子御
之凌空虛始歎良工心獨苦能使人巧天工如是豈蘋末土
囊口不假造化被吹噓操縱任意唯所適盪空激薄無牽拘
滿座延爽都快意兩袖拂拂塵囂祛誰與智者矧此物將毋
古之王爾魯公輸

同馬笙谷朱簞溪周楫坪分詠鴛湖舊蹟

伍胥墓

款英雄骨長埋芳草閒當時攜下橐竟白出昭關氣憤讐

終雪邱荒涕欲潛生前磨劍處落日滿胥山

宣公橋

匡救維公志貞元相業隆防邊曾有策濟險豈無功柱石三朝重津梁萬舫通鄉邦流澤遠北達沂長虹

讀樸溪從祖遺詩敬題於後

長拋葭曲小河干幕府沈吟感萬端甌越山泉千澗落秦淮
燈火五更寒懷人繾綣紅梨雨弔古蒼涼白石壇并入新詩
情澹池一箋猶未墨痕殘

昔敬堂從祖遺詩時曾附短札有清省澹施之評

王炳虎

炳虎字文也號秋坪文學鴻字子邑諸生有秋坪詩

鈔

詩話茂才稟承家學詩才清雋李大令集稱其五言淡永高出流輩方處士薰謂情真語摯油然感人

續梅里詩輯

卷七

四

賃作亭懷古

世俗惡貧賤志士終沉淪傷哉施君子寂寞秦溪濱昏旦營其力豈不艱且辛艱辛敢自愛幸以奉吾親親心苟得順萬事等埃塵德潛形能踐性存道乃真丈夫各有見何必計亨述所以賢達者能令風俗淳

欲入移居

淒淒歲云暮戚戚多所虞我本東村人來適西村居舊宅已云渺新宅復何如雖不寬與廣足以容我軀種桑長水邊結籬春雨樹敷前除六峯遙當門對此心神舒種桑長水邊結籬春雨餘日出羣動作攜鋤去榛蕪愛茲百鳥鳴頓令俗慮無佳客遲不來怡然讀我書人生自適意何必尚奔趨

梅里萍橋之野忽產蘭草成叢木山閣主人采植於盆

招同舊好紀之以詩分韻得水字

我鄉萍橋西有蘭生溪
沁幽香人不知寂寞隣
秋水彼美結遐思采
情何已攜植空庭中
素心誠可喜孤根幸
得全芳華應可俟物
微良白貴衆草安足
擬

中秋夜祝雲樵偕陳觀魚宋竹香至舍同過曝書亭舊
詩址玩月次雲樵韻

讀書媿無成勛志在寧稼
荷鋤當清晨歸家復深夜
秋風幾日吹香稻紅穞
穞有客惠然來相見歎
驚咤謂予不曉事負此
月光夫邀同屹南遊愁
見名園破遺迹已無存
嗟吁立道左但有新飛
鴻無復舊時舍憶昔曝
書人於此置亭榭苗莳
花滿池薔薇葉盈架購
書八萬餘擁以消長夏
夾深雖云遙流風足方
駕如何轉瞬間藝林漸
荒剝感彼後來者爲誰
定

續梅旦詩輯

卷七

五

聲價徘徊榛莽中幾點流螢過
颯颯響青楊倚倚蔭白柘物
理相推遷人事有代謝大雅久
銷沉風氣趨愈下瑤華忽起
余砥礪及閒暇榮名洵爲寶
期勿隨物化

同薛鹵齋李稔園集方檇庵山靜居卽送之桐川

舊識桐川客

方回有桐川集

新從大阮居檇庵爲子庭花開爛漫風從叔館甥

樹落稀疎藤榻頻頰下蘭堂屢過虛清言方謝許抗論亞嚴

徐蓬室甘奇服侯門宵曳裾生涯三尺几樂事一床書小市

沽清酒荒畦翦野蔬半觴還跣跣三爵費躊躇暮雨寒生席

殘雲冷逼除數聲鳴塞雁兩岸落秋葉合并誠難計分離覺

易如白蘋浮舴艋黃葉渡駐藍輿寂坐燈昏後懷人月上初

梅溪水清洌莫忘寄雙魚

訪薛丈鹵齋

南村一水隔今始識君顏閉閣自高尚白雲相往還梅花開
屋角春草掩柴關此境殊蕭寂悠然天地間

海印庵

蔣丹崖先生讀書處

支遁何年去禪扉畫不扃萍關留舊迹桐徑試重經細草敷
階砌飛花拂戶庭惟餘殘碣在何處問先型

過木山閣訪楊未孩方檇庵後至卽送之桐川

最愛子雲宅蕭然寄市廛梅花開雪後溪水漲春前有約停
孤棹重逢又十年桐花溼上路今夜月同眠

過梅墅同薛鹵齋金鶴年方檇庵作

昔年支酒地今日共招尋一水橋仍度孤亭客自臨曉風侵
落木衰草亂愁心號鳥偏無賴簷前弄好音

過金養眞鶴村草堂

續梅里詩輯

卷七

六

秋風頻過訪一老夙相親閉戶成高隱讀書竟此身道由多
病得詩到暮年真寂寞幽人意惟堪松菊鄰

荷花池上納涼小酌

偶來池上酌屋角下斜陽薄酒不成醉菱荷生晚香樹深遲
月魄露重泣花光寂寞談經地空令過客傷

踏雪訪薛鹵齋

寂寞誰憐我相親獨有君不辭衝雨雪只是惜離羣庭樹留
春跡寒風送夕雲白頭詩老在長話到宵分

過陸宣公宅

幾樹垂楊覆短墻宣公舊宅已荒涼秋風蒼鼠翻殘葉春雨
號鶻上野棠遺疏獨留經國計還家長驗浩人方薦嶺尤繫
鄉民思斷褐摩挲古道旁

過萍橋水榭

史與君光
生別業

橋外溪流接稻塍，簾鉤窗網一層層。
讀書秋樹門常掩，垂釣春波檻乍凭。
夜火談經來太史，清齋繡佛伴高僧。
風流何似陶彭澤，乞食常爲薄俗憎。

先生有乞食圖并詩

喜樗庵歸里

怪君歸計久，蹉跎問訊方。
知病乍瘥，雙鬢不綠，愁裏改半生。
已在客中，過天涯，有弟音書少。
門內無親，涕淚多，此日相逢。
渾夢寐，樽前容易動悲歌。

種菜二首

年來種菜作生涯，終日窺園懶下帷。
雨漬漸看菰葉潤，露濃微覺豆苗滋。
未因食肉思爲圃，自愛餐蔬故結籬。
短褐不完差可樂，風流今作一場師。

續梅里詩輯

卷七

七

流水灣環遠一村，黃桑白柘護柴門。
三冬子母餘瓜蒂，終歲酸醎祇菜根。
蕩落已甘貧賤老，飄零何用劍書存。
擬邀薛稷謂鹵齋圖蔬譜，畫裏居然老圃尊。

渡錢塘江

江水空濛江樹齊，江船無數艤沙隄。
一羣歸雁爭飛北，三折春潮怒向西。
遠岫微茫煙外見，輕帆隱約浪中低。
平居那識波濤險，此日經過意自迷。

過分柿山房

在靈源寺中詩僧棕林與筍谷諸前輩和之所

靈源池水日，云紺宇晴空。
聳碧雲攜屐獨來尋，故蹟入門重爲訪。
遺文讀餘，舊拂留殘壁，題牘荒碑。
上夕曛，太息老成凋謝，盡庭前紅柿待誰分。

同人集南池草堂詠先王父介山先生梅花書屋八景
梅院移花

吾祖遺殘圃當春發早梅種花人已往歲歲爲誰開

梧軒聽雨

夜久萬籟寂獨坐心自閒疎雨作秋聲聲在梧桐間

山屋聞鶯

曠有杉皮屋綠溪得數楹曉窗人未起花外轉流鶯

水窗玩柳

簾捲東風裏垂楊樹樹斜憑欄聊縱目一碧淡煙遮

石井流雲

陰陰古井深寒氣浮空杳煙際忽流雲極目秋林曉

松林挂月

續梅里詩輯 卷七

八

幾樹虬松老秋風鱗甲孤夜來溪月上疑是櫻驪珠

遠樹斜陽

絲藤上石磴風吹散襟帶遙望夕陽明一抹疏林外

野橋積雪

朔風昨夜寒積雪行人斷不見剡谿船獨立野橋畔

題從弟子新畫

敗葦枯荷賸幾枝亂山漠漠斷雲移記曾孤權秋風裏獨坐

蓬窗暮雨時

馮元曠

元曠字天衢號花橋晚號陸舟飲賓國倫來孫嘉慶

戊午舉人候選教諭以子登府貴贈翰林院庶吉士

有花橋詩鈔

詩話贈公篤於倫紀勇於趨義於漢唐諸儒經說皆能通其意詩文一宗蘇氏嘗自定爲蘇橋集書法得董趙神韻
緒曾按花橋會祖倫字雪堂庠生考授州同祖翰池字硯山太學生父權字鈞衡號菊圃伯父植號筠村庠生精篆籀從伯父楷字意耘庠生及門最衆魯巖總憲受學焉

謝鍾月橋爲予手定詩稿

江湖倦遊後久息漢陰機白髮老詩客青山一布衣短吟慙我拙高詠似君稀千載黃初雅私心喜有歸

九日得春泉弟邗江信并以四十感懷詩見示

老屋荒村秋雨深平安爲寄故園心南來鄉雁應千里北至家書抵萬金白草黃花思舊社青燈綠鬢感新吟去年此際長蘆別蟹熟尊香直到今

冬晚卽事

續梅里詩輯

卷七

九

溪南溪北見霜痕蠟屐尋幽到遠邨紅樹斜環橋外寺白雲亂護竹間門荻蘆渚淺浮魚婢穠極陸高長稻孫樵唱牛歌歸去晚一輪斜月映林昏

題小長蘆畫卷

花影穆穆淡水光小長蘆畔認雲莊一聲秋思空江遠吹送南塘隔院涼

李富孫

富孫字旣汭號赫祉徵士良年五世孫上舍國華子

嘉慶辛酉選拔貢生有校經廬集

詩話明經與伯兄超孫從弟遇孫有小三李之目明經尤深經術所著七經異文釋周易較異集解贖義漢魏六朝墓誌纂例鶴徵前後錄曝書亭詞註皆已采行詩亦典雅繼美前型

武義鹿田塢王明經

維孫

所居阮中水題爲福庭文圃

仙嶺高邈迤靈氣厚凝聚紫微探洞元丹書闡奧府七映傳
金真綠字疑岫嘯維茲巖壑奇雲霞互吞吐誰從赤松游行
與初平伍深窅靜塵囂泊焉契曠宇高做緬平原鹿田剩舊
塢濃翠環林巒飛泉夏瓊瑤延緣愜素懷窳窳通欄戶一椽
依靜虛數晦闌榛厓刈楚織烟屏引荔成華堵祕笈滿琳瑯
芸籤富圖譜朝夕肆冥揆脩綆資汲古琴絲理性情圭璋籍
藻斧粹然氣冲恬藹若春和煦履道葆吾真優游此懸圃

山陰杭州靈隱書藏紀事

阮中丞夫

子有記

典籍游古初室稱名舊老聃職守藏柱下傳世由墳索述
春秋秦燔自速寇漢興詔求書除律非因陋天祿洎石渠東
觀相先後劉歆綜七畧蘭臺得再覲阮荀續簿錄圖史積縑
籀逮至隨唐來梵書紛襍粹珍羅一切經寶藏事彫鏤自茲
續梅里詩輯

卷七

十

釋道家無不矜師授開元實權輿法苑日叢湊何爲獨吾儒
散佚懷慚坎右文仰 盛朝四庫收儲富淵海標琳瓏縹緗
映辰宿海內蔚人才著作更輻輳大興翁學士堂堂爲領裛
金石嗜博奇文章屏藻繡巋然魯靈光鉅製並爭購遠慕香
山翁一編置靈薦庶幾與湖山焯煜常耀秀惟我中丞公游
息六藝固學繼咎絲粹助兼吉甫懋慨念前哲言感此名山
副卽彼雲林寺清涼傍瑤岫紺宇鬱崔巍佛閣敞宏構四照
花初開掩映明靜晝次第排香厨芸草麗華茂旣以牙籤分
莫使珊瑚網漏嘉名栢書藏崇儒意良厚照耀金碧光鼎立功
斯就河嶽多英靈價貴雜林售四部廣揆羅一時偕馳驟錄
之簡策先印以銅章又或有懷餅客亦許來孳究錦函披璠
瑯光芒驚怪獸常見朝霞暉得藉法雲覆嗚呼聚無恆闕失

資補救東望宛委山精氣閱巖竇雲笈時騰采璫與共呵祐
知應煩龍威永令千載壽

周五戈歌

阮中丞次子所藏

姬周制治追唐虞揆文奮武開鴻模明堂朝會盛儀仗旅賁
掌夾王車趨六師一怒聽鼙鼓盡看戰士荷戈及范以精銅
用仿兌所恨未見宣和圖中丞公獨嗜奇古博蒐金石志勤
劬琅嬛仙館購得五寶之直並商盤盃一戈告

造字省文

自公孫

呂內上有孔圍如珠彌牟見餘載盲左得此足補三傳無子
永之戈日作用古銅剝蝕文模糊其人氏族莫按攷色質黝
黯凝青膚更有一戈高陽左眉稜堅瘦耀虬須削侯執戈二
在前左右離衛森傳呼高陽自是諸侯氏雙戈惜已今成孤
其餘二戈不鏤款未知誰某紛戮戮或若鉛鋒新發劓或已
續梅里詩輯

卷七

七

缺折半垂胡長短準以建初尺分寸不爽毫釐銖觀此五戈
三代物船用定屬君卿夫摩挲內援光閃閃星芒欲射牛斗
樞鑄勒銘字皆可識文物想像東西都土花斑爛澤瑩滑收
儲豈易黃金沽歐陽趙薛癖好此神物應尙埋泥塗公今開
府閱二載文武共仰公良謨一揮百天戈靖海島櫓槍墜落
風雷驅得非此戈有神力足憑靈怪銷根株惟公作記壽千
古奇勳堪與垂昆吾

偕黃孝廉

微義

周孝廉

慶雲

葛秀才

謨

過范氏天南閣

自昔香厨富網帙聞道四明推第一舊披著目心惛然蒐羅
不讓劉畧七近游重訪甬江東春晚芍藥開芳叢冒雨相邀
出山郭歸然傑構撐青空前浚深池漾半壁中倚一峯插天
管西朔文淵閣四面帖石爭玲瓏古木新陰綠映席香蕙

覆郁升梯恍月湖照檻浮波光試啟籤函眞眼福錦蹕玉軸
紛琳瑯置身髣髴蓬觀上祕冊未見人間藏太乙吹藜應駭
愕奚論荆架兼曹倉書城鉅觀邀 睿賞 高宗皇帝有書城鉅觀人間罕

觀綸 親揮 寶翰耀朝晃 閣藏魏了翁周易要義未載經義考 高宗御題五言古詩一首

累葉族居稟遺規 閣中條約子孫不許擅入攜書有客欲請觀者並須族人皆至 三百餘年

世無兩鳴呼縹緲幾經付灰煙西陽石室空流傳卽今澹生

茶竹逸難問汲古千頃皆桑田斯文闡洩苞符秘造化常忌

鍾名山聚久必散歸物理閱歷兵燹甯能完惟茲神明永呵

護靈光獨峙層楹堅 特賜圖書增煥爛綠牙紫帶珍千編

中楹謹貯御賜圖書集成 西望宛委近咫尺金簡玉字輝巖巔長見東

南曜采騰奎躔

夏日同劉孝廉 嗣縮 何廣文 綸 錦 吳上舍 錫 麟 東 萬 塘

續梅里詩輯 卷七

看荷花至金仁山先生祠用昌黎山石詩韻

濯枝雨過晨曦微遠望一抹晴霞飛篋輿後兩出郊郭水田

潑翠新苗肥湖波半頃渺無際數家茅屋籬落稀綠雲片片

吹不起蠲鳴颺柳渾忘饑荷花萬柄漾空濛溼銀倒卷搖林

扉古祠高敞面曠爽芙蓉環碧煙霏霏登樓憑檻豁心目松

杉清蔭周四圍白鷺幾點衝波影冉冉香氣飄人衣相邀挈

棹此逃暑有若籠馬脫金鞵狂歌醉向白雲臥醒來亟趁涼

應歸

鷗蕩 當谷先生故居

爲訪幽人宅重來景色清沙鷗浮水靜漁火隔橋明米市終

身隱詩名一世傾高風逸何許俯仰動深情

溧陽試院有蒼雲石爲宋丞相趙葵家賜物篆刻蒼雲

二字傳是宋高宗書用蘇黃壺中九華倡和韻

何年一朵碧雲峯飛落江南獨倚空陰恐蛟龍來海外夜疑風雨走山中若移米老齋應拜似鑿仇池穴更通太息名園已蕪沒剔銘試搨字玲瓏元明人俱有題詩鐫石上

過三友園舊址園在馬鞍山下今亦廢

馬鞍山勢俯城西三友名園舊日題占得林亭稱社隱閒來褻屐足巖棲雲鬢窈窕如窺戶煙樹濛籠不隔溪追憶風流尋薛壁先徵士公有三友園題壁詩綠蕪一片亂鶯囀

讀國初諸公文集成斷句十二首

侯生才思鬱縱橫下筆千言坐客驚一代董狐誰得並金陵歌管不勝情朝宗置酒金陵戰手罵阮大鍼越五年而禍作

老去聲名海內推江關漂泊實堪哀談諧最是琵琶傳人說

續梅里詩輯

卷七

三

王侯一派來于湯琵琶傳與朝宗馬伶傳相似

載書驢背去鄉關顧亭生李天蜚聲伯仲閒字字淵源根六籍

不沿宋學迴難攀六世

甯都伯季各翩翩叔子文章力更堅論策固知旨趨在三蘇

才筆故堪傳

溫柔本得風人旨當世論文數宛陵講學西湖稱佛子不知

儒者立言能

蚤歲聲名薄草元先徵士公題鍾翁類彙句玉遮碑板繼前賢由來三禮

編摩久不僅源流自震川元明人具評

少年負氣自瓌奇五論籌南志足悲記得筠廊最知己長嗟

無命入宏詞

待詔承明禮數殊西漢以布衣薦入史館暮年風節轉欷歔文章聲譽

馳江表驂靳都從長短書

青門老圃趣誰同高曠何如笠澤翁刻意爲文外聲利淋漓
奄有大家風

擬注歐陽手一編豪游燕晉訪山川遺文嗟已飄零盡剩有
韓畱傳後篇

文章爾雅接斯人碧玉清流迴絕倫若向侯王共角逐那能

挾矢望前塵

顧亭林謂竹垞文在子一朝宗之上末爲定論也

東馬紛紛已莫論遺編幸得溯岷源當年若箇先呼李祇有
傾心鈍老存

阮中丞夫子取海塘柳三千枝編種西湖詩以紀事

范公塘上柳垂條范公塘下海平潮使君好折三千縷閒愛
東風種六橋

續梅里詩輯

卷七

古

萬縷千條看遠將春風一夜徧芳塘湖船盡向渡頭泊夾岸
飛花篷背香

堤外堤連沙外沙氍氍濃影倚風斜無須更乞西川種憑仗
安瀾疊浪花

裏湖外湖踠地垂長條短條帶雨滋直教留作春陽陰陌上
行人知不知

馮光曦

光曦字禮堂號春泉監生有勉齋詩草

詩話上舍工楷書兼構星學

燕子磯

江風吹浪江雲吐半江落日浮晴渚過眼雲山次第來危磯
屹立如蹲虎推篷爲問梳妝樓眼底蛾眉在何許乘槎欲訪

白雲鄉帆開那得停柔櫓楓林月黑弔吟魂瑤草春深憶眉
嫵媿我原非閬苑才清游到處緣多阻領畧須求解事人狂
歌自笑言無補江上潮生暮雨來射潮欲借錢塘弩

拜方正學先生祠

空階黃葉滿拂藜拜先賢國難須同室忠魂豈三天一身甘
死節十族盡登仙徒倚荒祠晚空林咽暮蟬

仙友廟

在秦州之南

幾年徵逐總蹉跎偶訪仙踪泊短艇雙槳晚潮平岸闊一天
秋色近江多靈旂有夢歸風雨古廟無人長薜蘿欲賦洛神
才思減招呼明月奈愁何

金孫

孫字蘭友號香谷有香谷詩鈔

續梅里詩輯

卷七

十五

詩語處士性至孝母病詣闕侯廟泣禱願以施衣會
殺東人刺之左臂病遂痊里中如扶老養嬰惜字恤
委埋骨諸舉皆賴經紀平生意氣傲兀論詩唯低首
少陵酒邊背誦十不遺一斷句如花開先問近園樹
月落不知何處船疑雲不厭屋低去好月忽負窗破
求皆可傳誦

和柳東野步用少陵田舍韻

步屨衡門外支筇田水菊野行稀伴侶隨意倒衣裳壓架秋
瓜熟開園木蜜香山居論風物早晚事耕桑

秋笛

何處高樓笛思秋客未還可憐楊柳月空照玉門關遠夢幾
時到孤雲今夜閒筵聲吹更急併入淚潺湲

閒居底事

可相宜倚杖天清薄暮時秋草荒原牛背笛淡煙

疎柳酒家旗不愁遠浦紅將斂且喜高山翠更奇好好趁斜暉

謀一醉悠然高枕待朝曦

曹東序 同蔣槎客朱梅屋楊文樸集眺遠樓小酌

莫歎韶華又忽過且同羣侶發清歌追睢陽會五人飲效柏
梁詩七字哦花映夕陽紅不減柳含暮靄碧逾多眼邊景物
春猶在休倚闌干喚奈何

王啟曾

啟曾字寶所號南田文學炳虎弟邑諸生

詩話

我熟精選理九工倚聲與同里李望園禮齊

冬夜客窗寄兄秋坪炳虎

夜靜小窗深兀坐不知久山寺斷疎鐘江城遞寒漏雲靜天
逾寬霜苦月亦瘦影碎竹梢垣聲敲風撼牖孤客俛一鐙凍
鴉爭枯柳悵茲景物非感彼年光驟南北兩驅馳踪跡互留
續梅里詩集卷七

逗我逃吳市初君淹越江又

兄兩客

君遲上青雲我遽成白

首依人亦何爲扁舟計可就

登硤石山

沙洲落蒼翠一峯撐空起有約共幽尋發興未能止風輕襲
衣襟草軟粘屐齒林開翠磴懸雲迴丹梯倚古廟黯金碧新
葩豔紅紫僧歸落照前鳥飛殘雨裏仄徑旣盤紆平坡復邇
迤縱覽大小橫回眺爰與史一水出硤中日夜流不已去
暮鐘沉纖月映溪埃

秋夕對月

隄柳已凝煙圍花猶棲霧涼蟬澄華池清輝徹高樹崇榭俄
飛霜廣除忽流素伊余栖衡門寢迹歲已屢涉世寡遠營讀
書深遐慕卽趣歡來悰觸景悲往晤旣阻西園游復滯南樓

過側悵坐清宵竟夕誰同賦

憩池上

散策越層阿小憩得池閣柳因雨到昏萍爲風來約疎簾墮
花鬢涼宇收雲腳鳥下石欄窺魚上晴波躍斜日浴鏡中光
搖何閃爍遙睇見翠尖一一芙蓉削願得遂幽棲巖椒小亭

縛

登葛嶺

湖上風景秋更嘉招尋出郭歡無涯一峯窈窕如靜女煙鬢
霧鬢窺菱花未許參禪來僧舍先宜買醉過酒家霜薄林巒
消紫翠雨開澗壑流雲霞葛洪仙去已千載至今句漏留丹
砂谷口藥苗香馥郁山間苔髮青鬢髮欲攀石梯上靈境最
愁峭壁爭谿衍尋幽未已日將晚歸到巖城暮鼓颺

續梅里詩輯

卷七

七

春晚登煙雨樓次壁間韻

樓頭飛絮白於雪九十日春成一瞥水暖魚肥已可叉我亦
駕湖一釣客前年記向此地游楊柳滿汀水滿洲水面鴛鴦
飛不見烟雨空濛無限愁空濛烟雨常如舊昔日朱顏今白
首安得元龍招與同一醉樽中婪尾酒

釣鰲磯

釣鰲人不見空向釣磯登仄徑樓陰入危欄樹杪凭野鳧孤
艇雨秋水半湖淩欲問幽棲處蒼茫落照疑

碧光寺

背郭尋僧舍林深過客稀到門流水繞入座佛香微樹色濃
朝雨湖光澹夕暉百年殘碣在讀罷緬遺徽

家邁人方伯有碑記

曩書亭分賦得翁字

吾鄉朱太史著作實宗工亭重千秋後嘉慶二年
高一代中巖邊凋桂樹砌下剩蘭叢曾識藏書地無須問老翁阮芸臺先生重建名

登吳山

吳山突兀俯江流振策登臨兩午收斷雁遠衝津樹暝驚濤
直下海門秋洞中荒草迷樵路石上斜陽映荻洲回首六陵
何處是宋家遺恨滿松楸

次韻題竹垞圖三首圖爲石門方薰重繪

槐市歸來臥近垞年年酌史復斟經呼童曾把香茅縛竹裏
重尋一箇亭曝書亭偶然作云一箇亭荒蔓草多

四壁空明絕點塵書籤題徧墨猶新小長蘆畔漁師長舊日
蘭臺侍從臣

續梅里詩輯卷七

七

煙嵐縹緲樹模糊過雨涼生秋有無三畝宅西千个竹方干
重與寫新圖

李鏗

鏗字韶鈞號橘坪庠生稻塍子邑諸生
詩話茂才性伉爽能詩兼精堪輿家言著有天機妙

南湖

十萬人家負郭居淡妝濃抹卷簾餘儂家自愛南湖景便說
西湖總不如

名園十里接樓臺一縷笙歌出水隈定自芰荷香發處日斜
風細酒船迴

朱賢

賢字亦庵邑諸生

歲暮

詩話茂才家貧劬學碎掌劔心以攻苦得瘵疾早卒

紛紛凍雀啣荒村濁酒墟頭好再温愛伴梅花高臥穩不知
深雪打柴門

自分子孟嘉還小異可堪徐穉竟長貧縱然窮巷歌金石終勝
朱門彈鋏人

金 焚

焚字蒼水號雪坡明經介復孫有雪坡詩稿

誌話雪坡少隨侍尊甫安次明府留楚最久明府率
扶櫬歸里惟敗書數篋而已故居學易堂四壁蕭然
因寫破窗風雨圖以寓意性傲兀壽而無子苴城蔡
禮齋題其集云野鶴襟期俠客踪卅年落拓感漂蓬
羨君詩酒生涯價不解昌黎賦送窮其人品概可見
矣

雨坪表姪移居

讀梅里詩輯

卷七

九

三晉歸來且賦閒曝書亭畔結松關地因遠寺開吟社杯爲
銷寒解醉顏繞舍兩池長得水當門一簣也成山相邀情話
渾無厭溪北花南任往還

春日湄莊漫興

寒煙翠雨竹籬有風度湘簾送晚香梁燕不忘尋故壘牽情
還復到湄莊

嗟余兄弟已蕭條銀燭金樽久寂寥猶見海棠花弄影一枝
紅近可憐宵

水檻風亭處處開而今獨自看花來待他小李吟成後好向

春風倒酒杯

時篁園表况有
咏白桃花詞

暮春卽事

一徑迷離草色新黃鶯嘯老浣花津只憑一棹東風力恣寫

詩話茂才容燕最久嘗主于耐圃相國家詩氣體

顧況讀書臺

讀書人不見還上讀書臺高鳥一聲去遠峯數點來探幽花
結子吊古草成堆欲盡登臨興須憑酒一杯

李觀國

觀國字晉三號春舫郡諸生有聽秋閣小草

詩話茂才橐筆遨遊所至倒屣詩格在劍南誠齋之

殘雪

為愛尋梅過六橋星星幾點未全消茅檐日短難融瓦嶺樹
風多不滿條漸喜青山還本色暗添流水長春潮東風漫向
庭除掃好護餘光到歲朝

卽景書懷

續梅里詩軒

卷七

三

盲風疎雨送涼天嘶斷林間抱葉蟬動我鄉思歸燕後淡人
生趣落花前頻看興廢真棋局甘守清閒老硯田自笑半生
同傀儡東西南北任絲牽

鄭柏

柏字漢臺號竹友邑諸生

詩話茂才志高行潔廉頗善飯野叟長貧年八十餘
無疾而逝

偕何杏江汪一江集李西白號緝山精舍賞菊

背市闌蒿萊間門幽處閑詩翁與秋色同入草堂來老更憐
新菊貧還足舊醅歡場須再續後約指垞梅

戴熾昌

熾昌字升初號春蘿邑諸生

詩話茂才泊焉寡營聽脫塵網不治生業百研自給
館於清池陳氏最久余室人其女弟字也妻先徵士

